

Հիւ Կանուկս


Սրբս
ԸՆԿՁԻՁ



Սույն ուսումնասիրու-
թյունը նվիրված է XIX
դարի հայ պոեզիայի հիմ-
նադիրներից մեկի՝ Սմբ.
Շահագիգի կյանքի, գրա-
կան-հասարակական գոր-
ծունեության և ստեղծա-
գործությունների վերլու-
ծությանը: //

Աշխատության մեջ բա-
ցահայտված է Շահագիգի
բանաստեղծությունների և
ընդհանրապես գրական
ողջ ժառանգության հայ-
րենասիրական, ազատա-
գրական իշխող ոգին, պայ-
քաբը հնամուլության ու
նախապաշարումների դեմ,
գաղափարական ընդհան-
րությունները վարսունա-
կանների հետ և այն առա-
ջավորն ու նորը, որոնք
անժխտելիորեն արտացոլ-
ված են Շահագիգի երկե-
րում:





АКАДЕМИЯ НАУК АРМЯНСКОЙ ССР
Институт литературы и.и.М.Абегьяна

Алис Манукян

Сидат
Шахазиз

Издательство АН Армянской ССР
ЕРЕВАН · 1959

ՀԱՅԿԱԿԱՆ ՍՄՈՒԹՅՈՒՆՆԵՐԻ ԱՎՈՂԵՄՈՒ
Մ.Ա.ԲԵՂՅԱՆԻ ԻՆՎԵՍՏ ԳՐԱԿԱՐՄԱԹՅԱՆ ԻՆՏԻՏՈՒՏ



ԿԿԻ Մանուկյան

891.99.092 [Ճանաչման քառանկյուն]

Ս-

ՍԵԼԱՍ

ՇԱՀԱԶԻՉ

A $\frac{1}{321}$



Հայկական ՍՄՈՒԹՅԱՆ ԳՐԱԿԱՐՄԱԹՅԱՆ ԻՆՏԻՏՈՒՏ

ԵՐԵՎԱՆ • 1959

Տպագրվում է Հայկական ՍՍՌ Գիտությունների
ակադեմիայի Խմբագրական-հրատարակչական
խորհրդի որոշմամբ:



Սմբատ Շահազիզը հայ նոր պոեզիայի հիմնադիրներից մեկն է: Կարճատև էր բանաստեղծի ստեղծագործական կյանքը, բայց նա խոր հետք թողեց հայ գրականության պատմության մեջ իր ստեղծագործությամբ և հատկապես «Լեոնի վիշտը» պոեմով, ուր ցայտուն արտահայտություն ևն գտել 60-ական թվականների հայ առաջավոր գաղափարները:

Լուսավորականության և բուրժուական դեմոկրատիզմի դիրքերից պայքար մղելով կղերատական գաղափարախոսության ու սխոլաստիկայի դեմ, ոգեշնչված «գարիբալդյան զենքի հաղթանակով», ինչպես և առևժամոտականների գաղափարներով, Շահազիզը ջերմորեն արձագանքեց հայ ազգային-ազատագրական շարժմանը և ողջունեց Զելթունի հերոսական ապստամբությունը:



Wm. Lloyd Garrison

Իր ստեղծագործական կյանքի ընթացքում
Շահազիզը խոշոր դեր կատարեց հայ պոեզիայի
պատմության մեջ: Նա հանդիսացավ նախահայրը
բանաստեղծների մի ամբողջ սերունդի, որի փայ-
լուն ներկայացուցիչներն էին Հովհ. Հովհաննիս-
յան, Ալեք. Մատուրյան և ուրիշներ:



1

Սմբատ Շահազիզը ծնվել է 1840 թ. սեպտեմբերի 5-ին, Աշտարակում: Նա բազմաճյուղա ընտանիքի կրտսերն էր, վեց եղբայրներից ամենափոքրը: Նրա հայրը՝ տեր-Սիմոն քահանան, 1848 թ. զոհվում է խուլերայի համաճարակին, և փոքրիկ Սմբատը վաղ հասակից ճաշակում է որբության դառնությունները:

1851 թ. դեպքերի բարեպատեհ բերումով հաջողվում է Սմբատին ուղարկել Մոսկվա՝ Լազարյան ճեմարանում ուսանելու:

Փոքրիկ Սմբատի համար դժվար էր կտրվել հարազատ միջավայրից, մոր զգվանքներից, եղբայրների ընկերակցութունից: Անշատման վիշտը Շահազիզն ապրել է ծանր կերպով և տարիներ անց երգել իր մի շարք բանաստեղծություններում: Չնով անպաճույճ այդ բանաստեղծությունները սողորված են հուղականությամբ և հարա-

դատարեն արտացոլում են բանաստեղծի ներքնաշխարհը:

Շահագիզը հետաքրքիր և տպավորութլուններով հարուստ ճանապարհորդութլուն է կատարում Թիֆլիսից դեպի Մոսկվա: Թիֆլիսից նրան ընկերակցում է ապագա բանաստեղծ ու թարգմանիչ Գևորգ Բարխուդարյանը: Այս ուղևորութլան վերհուշն է Գ. Բարխուդարյանի՝ 1894 թ. Շահագիզին նվիրված մի բանաստեղծութլունը, որը թեև գեղարվեստական տեսակետից թույլ է, բայց հետաքրքրական է որպես կենսագրական մի վավերագիր կյանքի ուղին անցած վաստակավոր գրականագետի և նշանավոր բանաստեղծի կրթմանի կապերի ու հոգեվիճակների մասին նոր և անհայտ աշխարհ թեակոխելու շեմքին:

Հասնելով Մոսկվա, Շահագիզն ընդունւում է Հաղարյան ճեմարանը: Նոր միջավայրը և նոր սլայմանները իրենց ուժեղ ազդեցութլունն են թողնում գլուզից եկած մանուկի վրա, մանավանդ, որ ուսումնառութլան սկզբնական տարիները կապված էին անխուսափելի դժվարութլունների հետ:

Փոքրիկ Սմբատը ընդունւում է ճեմարան առանց մտաւոր որևէ պաշարի: Սակայն, բնական ընդունակութլուններն ու ջանասիրութլունը հաղթահարում են ամեն մի խոչընդոտ և կարճ ժամանակամիջոցում նա դառնում է ճեմարանի աչքի ընկնող սաներից մեկը:

Շահագիղի ուսումնասիրության շրջանում Լազարյան ձեմարանը արդեն հռչակված հաստատութիւն էր, ուր հայ սաներին, հանրակրթական ասարկաներին զուգընթաց, ավանդվում էր և հայերենը իբրև մայրենի լեզու:

Ձեմարանը կարողացել էր իր շուրջը համալսմբել ժամանակին հեղինակութիւն և համբավ ձեռք բերած հայկաբանների, որպիսիք էին Ստ. Նազարյանը և Մ. Էմինը, որոնք գրաբարի, բանասիրութեան և հին գրականութեան ճանաչված մասնագետներ էին:

Այդ տարիներին ինչպես մյուս ուսումնական հաստատութիւններում, այնպես էլ Լազարյան ձեմարանում զեական շարունակվում էր գրաբարի ակրապետութիւնը: Սակայն, հետզհետե ձեմարանի պատերից ներս է թափանցում աշխարհաբարը: Ռուսաստանի և Կովկասի տարբեր վայրերից եկած մանուկները միմյանց հետ խոսում էին իրենց հարազատ բարբառով, ձգտելով գործածել ընդհանուրին հասկանալի բառեր ու ձևեր: Ձեմարանի ներսում աշխարհաբարի դասի հիմնական պաշտպանն էր Մ. Նալբանդյանը իր կարճատե ուսուցչութեան ընթացքում:

Մեկը մյուսի հետեից սկսում են լույս տեսնել աշխարհաբար գրքեր ու պարբերականներ, ինչպես օրինակ, Գ. Ախվերդյանի «Սալաթ-Նովա»-ն, «Գամաա-Քաթիպա» ընկերութեան զբր-

քույրները¹, Ստ. Նազարյանի «Հանդես նոր հայա-
խոսութեան» երկահատոր ժողովածուն, «Հյուսիսա-
փայլը» և Խ. Աբովյանի «Վերք Հայաստանի»
վեպը, որը ուժեղ ներգործութիւն է ունենում
ձեմարանի աշակերտութեան և ընդհանրապէս
ժամանակակից երիտասարդութեան վրա:

Հայ գրականութիւնը և գրական լեզուն ապ-
րում էր բեկման շրջան. դանդաղ, բայց հաղթա-
կան քայլերով գրականութեան մեջ մուտք էր
գործում աշխարհաբարը:

Աբովյանի հարթած ճանապարհով ընթանում
են նույն գրողները: Պ. Պոսշյանն իր հուշերում
պատմում է, թե ինչպիսի գորեղ տպավորութիւն
է թողել «Վերքի» առաջին ընթերցանութիւնն
իր վրա:

«Ե՛տ վար է ինձ պատմել,—գրում է նա,—աչն
տպավորութիւնը և աչն հեղհեղուկ զգացմունք-
ներս, որ անընդհատ միմյանց հետևում էին. մի

¹ 1855 թ. Պետերբուրգում Ռափայել Պատկանյանի
ջանքերով հրատարակվեցին «Գամառ-Քաթիպա» ընկերու-
թեան տետրակները, ուր առաջին անգամ, 1856 թ. լույս
տեսավ «Արաբսի արտասուքը»: Ընկերութիւնը իր գոյու-
թեան երկու տարիներ ընթացքում տպագրեց Պատկան-
յանի «Ներկու բույր», «Թիֆլիսի քեֆը», «Աղեն տանն է»,
«Ներկու բանաստեղծ», «Նկարիչ», «Մայրաքաղաքում կըր-
թած հայ երիտասարդը» և մի շարք այլ բանաստեղծու-
թիւններ, թվով տասնյոթ հատ: Նույն այս տետրում
տպագրվեց և Դոգոխյանի հայտնի «Ծիծեռնակը»:

ըոպե արտասուք տրամության, մյուս վայրկյանին արտասուք ուրախության, երրորդ ակնթարթին նստած տեղս անհեթեթ ոստոսայուններ և ես ինչ գիտեմ ընչեր էին պատահում հետս. լավ էր, որ տանուտերս գնացել էր և մոտս ոչ ոք չկար, ապա թե ոչ գուցե կապեին և հիմարանոց տանեին»¹:

Ապա, պատմելով իր և տանտիրոջ խոսակցությունը «Վերքի» մասին, Պոռոշյանը շարունակում է.

«Եվ ընչո՞ւ, պ. Հովհաննես, հետևողներ չունենա Աբովյանցը, ընչո՞ւ գուրկ պահել մեր ժողովրդին ընթերցասիրությունից, հերիք չէր մեր գրականությունը մի փոքր դասակարգի սեփականություն թողնել»²:

Պարզ է, այս տողերը արտահայտում են Պոռոշյանի անձնական տպավորությունները, բայց դրանք բնութագրական են ողջ ժամանակաշրջանի համար: Դա հրամայական պահանջ դարձած, աշխարհաբար լեզվի և գրականության հաղթանակն էր:

50-ական թվականների կեսերից սկսած գրական այս շարժումը իր որոշակի ազդեցությունն է ունենում պատանի Շահաղիզի վրա: Նա նույնպես արձագանքում է Լազարյան ճեմարանում առաջադիմ գրական նոր ձգտումներին: Ոգեշնչվում է Պատկանյանի «Արաքսի արտասուքը» բանա-

¹ Պ. Պոռոշյան, Հուշեր, 1940, էջ 34:

² Նույն տեղում, էջ 35:

ստեղծութեամբ, հուզմունքով ու սրտի բարախումով կարգում «Վերքը», հմայվում նրանով: Ճեմարանում կալին Շահազիզի գրական ճաշակի և ընդունակութիւնների զարգացմանը նպաստող բոլոր նախապայմանները: Այս առթիւ հետաքրքիր հիշողութիւններ ունի Ռ. Պատկանյանը, որը նույնպէս ուսանել է Լազարյան ճեմարանում: Ճեմարանի սաների մտավոր զարգացման գործում, ինչպէս երևում է այդ հուշերից, նշանակալից է եղել Մ. Էմինի դերը.

«Պ. Էմինի պատմածը,—գրում է Պատկանյանը,—եթէ ասեմ լսում էինք՝ սխալ ասած կլինեմ. մենք ամբողջապէս կուլ էինք տալիս այն ու հետքասին օրերով ու շաբաթներով մեր ընկերական զրույցի և վիճաբանութեան առարկա էինք դարձնում»¹:

Բացի այս, Էմինը աշակերտութեանը ծանոթացրել է ուսուս և համաշխարհային գրականութեան խոշորագույն դեմքերի հետ, զարթնեցնելով նրանց մեջ սեր և հետաքրքրութեան դեպի այդ ժողովուրդների գրականութեանը: Աշակերտական նստարանից նրանք հայ հին և նոր հեղինակներին զուգահեռ՝ Եղիշե, Սորենացի, Փալստոս, Ալիշան, ծանոթացել են նաև Հոմերոսի, Միլտոնի, Ֆենելոնի, Պուշկինի, Լերմոնտովի և համաշխարհային

¹ Ռ. Պատկանյան, Երկեր, 1955, էջ 690:

գրականության այլ ներկայացուցիչների ստեղծագործություններին:

«...Պուշկինի և Լերմոնտովի գրվածքը,—գրում է Պատկանյանը,—առաջին անգամ մեզ ծանոթացուց նա. շատ անգամ, հենց իր դասի միջոցին, ձեռքը առնում էր նոցա շարագրությունները և կարդում էր մեզ համար, և այդ կերպով մեր մեջ սեր և ճաշակ էր ձգում այդ և ուրիշ ուսս հեղինակների մասին: Եվ այդ իսկ էր պատճառը, որ պ. Էմինի աշակերտների մեջ բավականին շատ թվով բանաստեղծական ոգով և ճաշակով երիտասարդներ երևան եկան. ինչպես Ասկարյանցը, Փափազյանը, Միրիմանյանը («Հայոց աղջիկներ՝ ձեր հոգուն մատաղ»), Գոգոխյանը («Ծիծեռնակ») Շահազիզյանը և այլն»¹:

Բանաստեղծական ձիրքը Շահազիզի մեջ հանդես է գալիս դեռևս աշակերտական նստարանից: Նա սկսում է գրել բանաստեղծություններ, երգիծական քառյակներ. բացի ստեղծագործական հակումներից, Շահազիզի մեջ զգացվում էր սեր և հետաքրքրութուն դեպի հայագիտությունը:

Ճեմարանի ուսուցիչներից Շահազիզը ջերմ և բարեկամական զգացմունքներով կապված էր Ստ. Նազարյանի հետ, իսկ Մ. Նալբանդյանին թեև անմիջապես չի աշակերտել, բայց շատերի նման կրել է նրա մտավոր և բարոյական ազդե-

¹ Ռ. Պատկանյան, Երկեր, 1955, էջ 696:

ցուծյունը, հարգանքով ու երախտագիտությամբ հիշել նրան:

1860 թ. Շահազիզն ավարտում է ձեմարանը և նույն թվականին ընդունվում ձեմարանին կից լիցեյը: Վերջինիս ուսումնական տեսողությունը երկու տարի էր. այդ ժամանակամիջոցում աշակերտները խորանում էին արևելագիտության մեջ: 1862 թ. Շահազիզն ավարտում է լիցեյը՝ նույնպես փալլուն հաջողություններով: Նրա անունը, ըստ ձեմարանում ընդունված կաշգի, գրվում է ոսկե տախտակի վրա: Այնուհետև Շահազիզը նշանակվում է նախակրթարանի ուսուցիչ և վերակացու: Որպես ուսուցիչ նա սիրվել է աշակերտության կողմից, եղել մեղմ ու ներողամիտ, երբեք մոռացության չմասնելով ուսուցչի և աշակերտության փոխադարձ պարտավորությունները:

1867 թ. Շահազիզը նշանակվում է ձեմարանի առաջին երեք դասարանների հայոց լեզվի ուսուցիչ: Նախքան պաշտոն ստանձնելը, ուսուցչական ցենդ ձեռք բերելու համար մեկնում է Պետերբուրգ՝ թեկնածուական քննություններ հանձնելու համալսարանի արևելագիտական բաժնում: Լազարյան ձեմարանի լիցեյը այդ ժամանակ դեռևս իր շրջանավարտներին միջնակարգ դպրոցներում դասավանդելու իրավունք չէր տալիս:

Հաջողությամբ ավարտելով քննությունները, 1867 թ. Շահազիզն ստանում է արևելյան լեզուների թեկնածուի գիտական աստիճան:

1873 թ. Մ. Մսերյանի մահից հետո Շահա-
զիզը դառնում է ձեմարանի կրտսեր և ավագ
խմբերի հայոց լեզվի ուսուցիչ:

Ձեմարանում դեռևս շարունակվում էր դասա-
վանդումը այն սխոլաստիկ, հակամանկավարժա-
կան մեթոդներով, որոնց կիրառողներն էին Մ.
Սալլանթյանը և Մ. Մսերյանը: Ձեմարանում,
բացի գրաբարից, ավանդվում էր և ճարտասանու-
թյուն Մ. Սալլանթյանի՝ 1862 թ. Մոսկվայում
հրատարակված ձեռնարկով և Մ. Էմինի «Հրահանգ
ճարտասանութեան ի պէտս աշակերտաց» ձեռա-
գիր տետրակներով: Ստանձնելով հայոց լեզվի
ժամերը, Շահազիզը նախ և առաջ որպես առար-
կա վերացրեց ճարտասանությունը, գործածու-
թյունից հանեց վերոհիշյալ գրքերը, ինչպես և
Սալլանթյանի և Էմինի քերականական դանազան
ձեռնարկները: Վերջիններս նա փոխարինեց հնա-
րավորության չափ պարզեցրած ու աշակերտու-
թյանը մատչելի դարձրած քերականության իր
ձեռնարկով:

Իբրև մանկավարժ, Շահազիզին հետաքրքրել
են մանկավարժության տեսական հարցերը: Ճիշտ
է, մանկավարժության տեսության նվիրված հա-
տուկ ուսումնասիրություններ նա չի գրել, բայց
այդ խնդիրներին անդրադարձել է իր հրապարա-
կախոսական աշխատություններում:

Մանկավարժի կոչման և բարոյական նշանա-
կության հարցերը նա արծարծել է և իր մասնա-

վոր թղթակցություններում: Շահագիզը սպառնացաւ թագաւորություն է տվել, թե իր հասկացողութեամբ ի՞նչ է ուսուցչի դերը, ի՞նչ զգացմունքներ և իդեաներ է նա պարտավոր պատվաստել մատող սերունդի մեջ:

«Այն, ես աշխատել եմ, — գրում է Շահագիզը, — դաստիարակութեան տարեշրջաններին դաստիարակելու ուսանողի մեջ ո՞չ միայն լոկ գիտութեան, այլև փափուկ և ազնիվ զգացումներ գեպի ընկերը, գեպի ազգութեան և մարդկութեան: Ես աշխատել եմ, որ այդ զգացումները խոր նստեն աշակերտի սրտի մեջ, որ դրանք ձուլվեն որպէս համոզմունք և եթե պէտք լինի հարկավոր փոփոխութեան կենթարկելու, լինի միայն ազատ և վերլուծող գիտակցութեան ճանապարհով և ո՞չ քամու նման ազատ, ինչպէս այդ տարարախտարար նկատվում է այսօր մի քանի թեթևամիտների մեջ»¹:

Շահագիզը նեղ, սահմանափակ հայացքների տեր ուսուցիչ չէր. նա աշակերտութեանը դաստիարակել է հումանիզմի, ժամանակի առաջավոր գաղափարների ոգով:

Շահագիզը ձեռնարանում կիրտուեց աշխարհաբար շարադրութեաններ գրելու մեթոդը, որը նրա մանկավարժական գործունեութեան մեծագույն վաստակն էր: Դեռևս լիցեյի աշակերտ, նա հա-

¹ Գրականութեան և արվեստի թանգարան, Կր. Շահագիզի ֆոնդ, III բաժին, № 214:

տակ շահագրգռությամբ է հետևել աշխարհաբարի ծավալմանը: Այս մասին տարիներ անց՝ 1892 թ. Լազարյան ճեմարանի նախկին աշակերտ, հետագայում հայտնի մանկավարժ Սեդրակ Մանդինյանը, բանաստեղծի 30-ամյա հորելյանի առթիվ, գրել է.

«Հիշում եք, թե ճեմարանական անկերպարան, խոժոռ և խրթին բարբառի մեջ ինչպես էր հնչում ձեր ուռճացած լեզուն»¹:

Շահազիզի մանկավարժական գործունեությունը չի սահմանափակվել միայն դասավանդման նոր մեթոդներով և աշխարհաբարի գործածություններով: Նա ներգործել է աշակերտություն վրա և բարոյապես: Հայրենիքից հեռու, տարբեր վայրերից հալածված հայ աշակերտություն մեջ նա վառ է պահել սերը դեպի հայրենիքը, մայրենի լեզուն և մշակույթը: Նույն նամակում Ս. Մանդինյանը հիշեցնում է.

«Միևնույն «օրհնյալ հարկի» տակ, դուք՝ սվադ դասատան աշակերտ, ևս՝ նորընծա, երկուսս էլ ալլանդակ կուրակա հագին, — բայց և այնպես դուք եղաք ինձ համար այն ուսուցիչն ու դաստիարակիչը, որը ոչ թե դաս է տալիս և դաս է լսում, այլ մտքեր է շարժում և զգացումներ է ազնվացնում: Ես կկեղ էի ուսում ստանալու, այդ բանը դուք քիչ

¹ «Մերատ Շահազիզյանի երեսնամյա հորելյանը», 1894, էջ 103—104:



համարեցիք, հայուքյունը չկորցնել, հայուքյունը սիրել, հայուքյունը բարձրացնել՝ այսպիսի ներշնչումներով ձգտում էիք լրացնել խմ և ուրիշ շատ շատերի պակասը: Օրհնյալ լինիք, ազնիվ ուսուցիչ՝¹:

Շահագիզը ինքը նույնպես տարիներն ի վեր հեռացել էր հայրենիքից, բայց կարոտն ու սերը, հետաքրքրությունը դեպի հայրենիքը միշտ վառ էր նրա մեջ մինչև կյանքի վերջին օրերը:

Մանկավարժական գործունեությանը զուգահեռ, Շահագիզը զբաղվել է և հասարակական աշխատանքներով: Հայրենիքի սերը և հարազատ ժողովրդի ծանր վիճակը թեթևացնելու գիտակցությունը նրան դժկավարել են հասարակական գործունեության մեջ: Նա 1898—99 թթ. Մոսկվայում վարում է որդախնամ ընկերության նախագահի պաշտոնը, կազմակերպելով համիդյան գազանական կոտորածներից մազապուրծ բազմաթիվ գաղթականների և որբերի խնամքի ու կրթության գործը:

Շահագիզի հասարակական գործունեության լավագույն էջերից է նրա մասնակցությունը արևմելահայ թատրոնի հիմնադրմանը: Մանրամասն տվյալներ չկան այս բնագավառում բանաստեղծի կատարած աշխատանքի բնույթի մասին, բացի Ս. Մանգինյանի վերը հիշատակված նամակից, ուր գրված է. «Հիշում եք հայկական բեմական արվեստի

¹ «Սմբատ Շահագիզյանի հրեանամյա հոբելյանը», 1894, էջ 103:

սկզբնավորութիւնը, որի հիմնաքարերից ոմանք
ձեր ձեռքով դրվեցան»¹:

Այս մի ակնարկ է միայն, թռուցիկ հիշեցում,
սակայն բավական է արժեքավորելու Շահազիզի
դերը հայ թատրոնի պատմութեան մեջ: Մանդի-
նյանը ամենայն հավանականութեամբ նկատի է ու-
նեցել 1859 թ. Լազարյան ճեմարանի սաների
ուժերով բեմադրված Շահազիզի «Կովարար Կի-
կոս» կատակերգութիւնը, որ բանաստեղծը գրել
էր աշակերտական շրջանում և որի ձեռագիրը,
ցավոք, չի պահպանվել:

Կյանքի հաջորդ տարիներին բանաստեղծի
հասարակական գործունեութիւնը չի նշանա-
վորվում ուշագրավ փաստերով: Իր անհատական
նկարագրով նա քաշված, ինքնամիտի մարդ է
եղել, միշտ խուսափել է լայն շրջանների հետ
շփվելուց: Ունեցել է ընկերների, մտերիմ ու
հարազատ գրականագետների մի նեղ շրջան՝ Միք.
Միանսարյան, Լազարյան ճեմարանի վերակացու
Կար. Արզանգուլյան, Մելք. Փանյան, Ստ. Նա-
ղարյան, Ման. Սաղաթեան և ուրիշներ: Սերտ
էին հատկապես Շահազիզի և Ստ. Նաղարյանի
կապերը: Բանաստեղծի եղբորորդին, հայտնի բա-
նասեր Եր. Շահազիզը իր հիշողութիւններում
պատմում է, թի հաճախ է տեսել Ստ. Նաղարյա-

¹ «Մտրատ Շահազիզյանի երեսնամյա հորեւյանը»,
1894, էջ 103:

նին իր հորեղբոր տանը, իսկ «Դե»-ի տաղանդա-
 վոր թարգմանիչ Ման. Սաղաթյանը բանաստեղծի
 մտերիմ ընկերն էր: Պատմում են, որ մի սենյա-
 կում Սաղաթյանը թարգմանել է Լերմոնտովի
 «Դե»-ը, իսկ մյուսում Շահազիզը գրել է «Լեոնի
 վիշտը»: Շահազիզը այնքան է սիրել և բարձր
 գնահատել Սաղաթյանին, որ վերջինիս հիվան-
 դության ժամանակ սեփական միջոցներից փող
 է տրամադրել նրան, հայրենիք վերադառնալու
 ու բուժվելու համար: Իսկ մահվանից հետո, Սա-
 ղաթյանի հիշատակին նվիրված սրտառուչ մի
 բանաստեղծություն է գրել՝ «Բանաստեղծի
 դամբարանին» վերնագրով: Երիտասարդ երգիչը
 կյանքից հազուրդ չոտացած, մարդկանցից չգնա-
 հատված, հեռանում է դուռդ աշխարհից, որը չու-
 ղեց ունկնդրել նրա երգերին: Նա այլևս ավելորդ
 է համարում հետ մահու մեծարանքները, արտա-
 սուքն ու վարդերը: Նրա միակ ցանկաթյունն է,
 որ իր կորած հոգաթումբը լինի բնության գրկում:

Երբ որ ինձ թաղեք, մի՛ արտասովազին

Ծաղիկներ ցանեք զազազիս վերա.

Ի՞նչ հարկավոր է անշունչ դիակին,

Որ մահից հետո սիրո կուռք դառնա:

Մանուկ օրերից հուսով սիրավառ

երգ ես երգեցի ողևորության,

Բայց ինձ՝ չլսեց դուռդ այս աշխարհ.

Վա՛յ ձեր վարդերին, որ ահա չը կան:

Սմբատ Շահազիզը վաշխել է ամբողջ հայ
 հասարակության սերն ու հարգանքը, գրա լավա-

գույն ապացուլցն էր Շահազիզի հորելլանի նշանաւորումը: 1892 թ. ապրիլի 9-ին, Մոսկվայի հայ համալսնքի նախաձեռնությամբ, արժանաւայել հանդիսավորությամբ տոնւում է սիրված բանաստեղծի և բաղմատաստակ մանկավարժի գրական-հասարակական գործունեության 30-ամյա հորելլանը: Այս առթիւ Մոսկվայի համալսարանի պրոֆեսոր Ներսես Ներսիսյանը հանդես է գալիս ընդարձակ ճառով, իսկ Ա. Ծատուրյանը ընթերցում է հորելլարին նվիրած իր բանաստեղծությունը, որը մարտական երգի կոչ էր. նա խրախուսում է պոետին՝ սրտահուլզ քնարով երգել լուսավոր ապագան, հայրենասիրության և ազատության սուրբ գաղափարները:

Դա՛նն է մեր կյանքը, տխու՛ր մեր օրեր,
Մեզ կաշկանդել է ստրկության շղթան.
Օ՛, երգիչ, երգի՛ր մեզ հզոր երգեր,
Բոցավա՛ն երգեր ոգևորության:

Երգի՛ր մեզ անահ, կորովի ձայնով
Փառք և հաղթանակ փայլուն գործերի,
Երգի՛ր, որ ազատ քնարիդ լաբերով
Յնցես թելերը թմբած սրտերի...

Շահազիզը շուտ հեռացավ ստեղծագործական կյանքից: 1892 թ. «Հանգած քնար» բանաստեղծության մեջ նա երգեց անցած կյանքի, գարնան օրերի մասին, երբ իր միտքն ու հոգին կաշկանդված չէին բռնությամբ, իսկ այժմ, խորտակված էին հասարակական իդեալները, բանաստեղծը

ապրում էր խոր հիասթափություն, լռել են
առհավետ նրա քնարի լարերը, որովհետև բնու-
թյան նման մարդկային սիրտն անկարող է ալևա
վերակենդանանալ.

Անց կացան օրերս, անցավ և դարուն,
երբ զեղեցկացած մանուկ ույժերով,
Իբր սըրաթուիչ արծըլի կորյուն,
Թռչում էի ես հըզոր թևերով,
Չրկա՛ր ինձ արդե՛լք, չըկա՛ր բանություն:

Ա՛խ թե և մեր սիրտն ծառի պես լիներ, —
Չքմեռը կանաչ տերեփց թափվեր.
Ամառը որ գար, մանուկ աշխուժով,
Բանաստեղծական ելևէջներով
Յուր թճբությունից նորի՛ց ըսթափվեր:

Շահազիզի մանկավարժական գործունեու-
թյունը տեղւմ է մինչև 1897 թ., որից հետո նա
կոչվում է հանգստի, հակառակ իր ցանկության:
Բանաստեղծի կյանքը այնուհետև դառնում է ավելի
ինքնամոխի ու պարսիակված: Նա կտրվում է
աշակերտության հետ շփվելու հնարավորությունից,
որ խիստ ծանր է անդրադառնում բաղմավաստակ
մանկավարժի հոգեբանության վրա: Շահազիզը
իրևև մանկավարժ ամբողջ էությամբ կապված էր
իր աշակերտների հետ, և մինչև իսկ տարիների
անշատուժը նրան չէին կտրել արդեն կյանք մտած
իր երբեմնի աշակերտներից: Նա հոգով միշտ
եղել է իր սաների հետ, հետաքրքրվել նրանց
ճակատագրով: Հուզիչ են և ջերմ աշակերտներին

հասցեագրված սեր ու գուրգուրանք արտահայտող
ուսուցչի տողերը.

«Ընկերներդ, որպես և դու, իմ անմոռաց բա-
րեկամներդ, քաջ պիտի խելամուտ լինեիք, որ ձեր
նախկին ուսուցիչը միշտ և հանապաղ ձեր
հետ է, թեև շատ օրեր ու տարիներ անցնեն մին-
չև որ կենդանության զարկը դադարելով կդիակ-
նանամ, և կմտնեմ գերեզման՝¹:

Նվազ ծանր հարված չէր բանաստեղծի համար
հանգստի կոչվելու առթիվ ձեմարանի շենքից հե-
ռանալը ևս: Նա ամուրի էր, չուներ ընտանիք.
Երկարամյա տարիները միայնակ մարդուն բազ-
մաթիվ հիշատակներով ու սովորություններով կա-
պել էին բնակության միևնույն վայրի հետ: 1897 թ.
մայիսի 25-ին Եր. Շահազիզին գրած նամակում
բանաստեղծը ներքին մեծ խռովքով նկարագրել
է այդ օրերի իր հոգեվիճակը.

«Այստեղ պիտի լինի,—գրում է նա,—Տեր-
Հակոբյանի ավագ դուստրի հարսանիքը մոտա-
բար 10 հունիսի և ես հրավիրված եմ որպես
խաչեղբայր: Բացի սրանից, պիտի տունս դատար-
կեմ և իրեղենները հանձնեմ պահեստի: Պատրաստ
բնակարան զժվար է գտնել, որ ինձ մեծ հոգս է
պատճառում: Ձեմարանը արդեն, կարելի է ասել,
թողել եմ և հանձնել գարշելի պարոնին՝²:

¹ Գրականության և արվեստի թանգարան, Եր. Շահա-
զիզի ֆոնդ, III բաժին, № 197:

² Ակնարկում է Գեորգ Քանանյանին:

Ես ամենայն մասամբ ծերացել եմ, բայց որպէս դասատու, ասում եմ առանց պարծենալու, կամ, կմնամ նույնպէս կայտառ և կենդանի, որպէս ձեր ժամանակներում. և թե երբեմն աշխարհը դըլխիս միջնում է և հուսահատությունը դառնում է ինձ անբաժան ընկեր, մի հույս, որ ինձ պահում է կենդանի, լուսավորում է հոգիս, մաքրում է միտքս, հանգստացնում է ջղերս, այդ իմ հավերժ սիրահար և մշտադալար դաստարանն է: Ես իմ երիտասարդ ընկերակցութեան մեջ գտնում էի այն, որ ոչ ոք ինձ չէր կարող տալ, ոչ դուն, իմ սիրելի, ոչ հարստությունը, ոչ պաշտոնական մեծությունը և ոչ նույնիսկ երկինքը: Հավատացե՛ք ինձ, որ այս տողերս գրում եմ և արտասուքը հեղեղի պէս թափվում է աչքերիցս: Ների՛ր ինձ, Երվանդ, որ և դու պիտի շարժվիս ինձ հետ, սորա համար և կտրում եմ իմ խոսքս: Եվ դու ինձ այլ մի հիշիր սորա մասին. կշուված է և որոշված. այլևս Սմբատդ ճեմարանումը չէ...»¹:

Մանկավարժական ասպարեզը թողնելուց հետո Շահազիզը մտավոր ամլութեան չզատապարտվեց: Ստեղծագործական աշխատանքին, մանկավարժական գործունեութեանը փոխարինեց հրապարակախոսությունը: Հետզհետե նա լույս է ընծայում «Հրապարակախոս ձայն» (1881), «Ամառնային

¹ Գրականութեան և արվեստի թանգարան, Եր. Շահազիզի ֆոնդ, III բաժին, № 212:

նամակներ» (1897), «Հիշողութիւններ Վարդանանց տոնի առթիւ» (1901), «Մի քանի խոսք իմ ընթերցողներին» (1903) հրապարակախոսական աշխատութիւնները, որոնք հարուստ և հետաքրքիր նյութ ևն պարունակում հեղինակին բազմակողմանիորեն ուսումնասիրելու համար:

Նկարագրով զուսպ, կենցաղով համեստ էր Շահաղիզը: Նրա մեջ միշտ վառ է եղել քաղաքացիական պարտքի գիտակցութիւնը հայրենիքի ու ժողովրդի հանդեպ, ինչպես և մարդկային սըրտացով վերաբերմունքը դեպի շրջապատը: Նա երբեք չի ձգտել մեծության ու դիրքի, չի խնկարկել հարուստներին և ամբողջ կյանքում հպարտությամբ պահպանել է մարդկային արժանապատվութիւնը: Իր 30-ամյա հորելյանի հանդիսավոր երկիւղին բանաստեղծն ասել է.

«Երբեք ձեռնամուխ չեմ եղել մեծության և ոչ երկրային կուռքերից աղաչել ողորմութիւն. չեմ գեղերել մեծամեծների դրան, որ բարձր երևւում և սչ այցելել եմ հարուստներին այն հույսով, որ նոցա սեղանից վայելեմ: Իմ միակ սենյակս, իմ ոգեպահիկը այլեւի եմ համարել այն բազմախորտիկ և սակեղարգ գահլիճներից»¹:

Շահաղիզը ջերմ հայրենասէր էր: Թե ինչքան մեծ էր նրա սերը դեպի իր հայրենիքը և ինչքան հզոր վերջինիս ստեղծարար զորութիւնը բանա-

¹ Սմբ. Շահաղիզ, Հորելյանի տարեգարձ, էջ 34:

ստեղծի համար, պարզվում է նրա հետևյալ տողերից.

«...Հայրենի հողը և ջուրը ամենակարող միջոցներն են, այն և դրդողներ բանաստեղծական գույներին ու բազմազան հեղհեղմանն»¹:

Երկարատե բացակայությունից հետո, միայն մի անգամ՝ 1873 թվականին, բանաստեղծին հաջողվում է այցելել իր ծննդավայրը, հատկապես ծերունի մորն ու Աշտարակը տեսնելու: Այս առթիվ Մ. Փանյանին ուղղած նամակում նա գրում է.

«Թե ինչպես եղավ իմ մուտքը մեր մայրենի աշխարհը, մնում է պատմել ինձ երես առ երես, երբ աստված կհաջողի հասնել այդտեղ. միայն այսքան ունիմ ասել քեզ, որ իմ մուտքը Աշտարակ այնքան անխրատիան և սրտաշարժ էր, որ շունչս սպառած դարձել էի ևս մի արտաստ. քի ծով:

Ո՛հ, մեծ է սերը հայրենյաց, թեև տնանկության և թշվառության մեջ»²:

Հայ իրականության մեջ Շահազիզն է եղել առաջին գրական ֆոնդի հիմնադիրը: 1893 թ. Շահազիզի մանկավարժական գործունեության երեսնամյա հորելյանի (1892) ստիժիվ ստացված

¹ Գրականության և արվեստի թանգարան, Եր. Շահազիզի ֆոնդ, III բաժին, № 193:

² Եր. Շահազիզ, Սմբատ Շահազիզի կենսագրությունը, 1944, էջ 41:

նվիրատվութիւնների գումարով, հորեւյարի նախաձեռնութեամբ, կազմվում է «Արուլյան-Նաղարյան» ֆոնդը, որի տոկոսները հատկացվում էին կարիքավոր հալ դրողներին: Այդ գումարներից օգտվել են Ղ. Աղայանը, Պ. Պոռշյանը, Հովհ. Թումանյանը և ուրիշներ:

Շահագիզի նկարագրի ճիշտ ըմբռնման, նրա ստեղծագործութեան ու անհատականութեան մեջ ընդհանրութիւններ գտնելու համար ուշագրավ է բանաստեղծի թղթերի մեջ հետամահու հայտնաբերած «Կտակիս շարժառիթը» վերնագրով ձեռագիրը:

Հայրենիքը բանաստեղծի համար ստեղծագործական ներշնչումների աղբյուր չէր միայն, այլև նրա մտորումների մշտական առանցքը. հայրենիքի ներկան ու ապագան հավասարապես հուզում էին բանաստեղծին և այս էր այն ներքին մղիչ ուժը, որ Շահագիզին թելագրեց իր ամբողջ կարողութիւնը թողնել ազգին թեկուզ մի չնչին չափով բարեւավելու նրա ծանր վիճակը:

Ահա կտակի պատճենը.

«Իմ առաջին ազգականը իմ ազգն է, որովհետև ազգը, ինչպես հավաքական միութիւն, ավելի երկար կյանք ունի, քան թե առանձին անհատը. այս պատճառով ես էլ իմ գուլքիս մեծ մասը կտակել եմ իմ ազգիս: Եթե մի ինտելիգենտ կամ առհասարակ մի կրթված մարդ լուր հարուստութիւնը կտակում է միայն լուր ազգական-

հերին և մտաւնում է հասարակութիւնը, այդ
ասել է, որ նրա կրթութիւնը դեռ խոր արմատ
չի արձակել նրա մեջ. այդպես է վարվում և ամեն
մի անկիրթ կամ ևսական կյանքով ապրող մարդ,
թեև երբեմն և այդ անկիրթների մեջ էլ տեսնում
ենք այնպիսի անհասանելի, որոնք իրենց բնական
բարեսիրութեամբ մեծամեծ գումարներ են թո-
ղել ազգի զարգացման համար:

Եթե իմ ազգակից ժառանգներն¹ անբավա-
կան մնան ինձանից, որ քիչ ևս կտակել նրանց,
կամ թե ոչինչ չեմ կտակել, փուլթ չէ, ևս ինքս
չատ բավական ևս ինձանից, որ այս տեսակ կը-
տակ ևս արել:

Ինձ հարկավոր չէ ոչ մի նյութական արձան
կամ պսակ, ևս ինչպես իմ կենդանութեամբ փա-
խել ևս այդ ժամանակավոր ցուլցերից, այնպես
էլ փախչում ևս դրանից և մահից հետո, միակ
արձան, որ կարող էր ընծայել ինձ հասարակու-
թիւնը, այդ այն է, որ բարի մարդիկ հետեին իմ
օրինակին և զոհարել լինեն իրենց դժբախտ ազգի
վիճակը թեթևացնելու:

Ես, ինչպես իմ կենդանութեան ժամանակ,
այնպես էլ իմ մահից հետո, ավանդում ևս իմ բազ-

¹ Շահագիլը բազմանգամ տոհմի զավակ էր, շարժա-
կից ժառանգները նրա եղբայրներն ու եղբորորդիներն
էին, որոնցից հատկապես երվանդ Շահագիլի հետ կապված
էր ջերմ զգայմունքներով. վաղ հասակից բերել էր նրան
իր մոտ՝ Մոսկվա, Լազարյան ձեւարանում սովորելու:


մաթիւ աշակերտներին այն համերաշխութեան պատվերը, որով մենք շողկապիւծ ենք եղել ճեմարանի հարկի տակ, աղաչում եմ անմոռաց հիշել մարդասիրութեան սկզբունքը և աշակցել հասարակաց պահանջներին»¹:

Շահագիրը չապրեց խոր ծերություն, նա վախճանվեց 1907 թ. դեկտեմբերի 24-ին, 67 տարեկան հասակում՝ արտի կաթվածից:

Հակառակ բանաստեղծի ցանկութեան, Մոսկվայի հայ հասարակութիւնը նրա հուղարկավորութիւնը կատարեց պատշաճ հանդիսավորութեամբ: Եկեղեցում դամբանական ճառով հանդես եկավ Լազարյան ճեմարանի ուսուցիչ, հայագետ Գր. Խալաթյանը, իսկ գերեզմանատանը՝ հայտնի գրականագետ Յուր. Վեսելովսկին: Հուղիչ էր հատկապես Ալեք. Ծատուրջանի արտասանած Շահագիրի՝ «Զոհեր» բանաստեղծութեան տպավորութիւնը:

Շահագիրը թաղվեց Մոսկվայի Վազանկա հայոց գերեզմանատանը իր ուսուցիչ և սիրելի բարեկամ Ստ. Նազարյանի կողքին: Նրա հողաթումբը զարգարված է շքեղ մահարձանով:

¹ Եր. Շահագիր, Մտքատ Շահագիրի կենսագրութիւնը, 1944, էջ 40:





Մինչև առանձին գրքուկով հրատարակ գալը, Շահազիզն իր առաջին բանաստեղծությունները տպագրել է Մսեր Մսերյանի «Ճռաքաղ» ամսագրում:

«Ճռաքաղ»-ում տպագրված «Արարատյան դաշտ» խորագրով առաջին բանաստեղծությունը Շահազիզը գրել է, երբ Լազարյան ճեմարանի 5-րդ դասարանի աշակերտ էր: Հայրենիքի կարոտն ու սերը միշտ վառ էին նրա մեջ և զարմանալի չէ, որ երիտասարդ բանաստեղծը գրչի իր վարժությունները սկսել է հայրենի երկրի բնության գովերգումով: Ամբողջ բանաստեղծությունը բնության սովորական նկարագրություն է, չկա բնության խոր ընկալում, թվարկված են բնության հրապույրները, քան գեղարվեստորեն պատկերված է այն:

Հաջորդ բանաստեղծութիւնն՝ «Ավետարեւ
աղայնի»-ի բովանդակութիւնը կրօնական է: Այս-
տեղ օգտագործւած է Աստվածաշնչի հայտնի
ավանդութիւնը մարդկութիւնն նախահայր Նոյի
մասին, որը ջրհեղեղից ազատվել է Մասիսի
գագաթին ապաստանելով: Աղայնին ավետել է նրան
կյանքի վերակենդանացումը:

Բանաստեղծութիւնը աչքի չի ընկնում ստեղ-
ծագործական ներշնչմամբ, ոչ լեզվի հարստու-
թեամբ, ոչ էլ պատկերների բազմազանութեամբ,
ավանդութիւնը պարզապէս չափածոյի է վե-
րածված:

Վերջին բանաստեղծութիւնը՝ «Սոխակ ող-
բերական» է, դարձյալ կրօնական բովանդակու-
թեամբ: Բնութիւն կենսախինգ կրդչի գեղգեղանք-
ները սգալի են, որովհետեւ նա երգում է Արելի
մահը:

Առաւօտեանն անդ և Ձեփիւս
Ծընչեալ հեղի՛կ հանդարտի՛կ՝
Ձագգ ազգ ծագկանց զանուշարոյր
Սըփռէ համա՛յն ըզհոփիկ:

Տխու՛ր սակայն լըսի նըւագ
Երաժըշտին օղական,
Ձի զԱրելին վարդակայլակ
Երգէ զհեղումքն արեան՝:

¹ «Ճոռքաղ», 1859, էջ 414—415:

Շահագիղի սկզբնական շրջանի այս բանաստեղծությունները իրենց կրոնական թեմայով ու բարոյախոսութեամբ, գրաբարով և անմշակ ձևերով գրեթե ոչնչով չէին տարբերվում ժամանակակից շատ հեղինակների նման գործերից: Դրանք աշակերտական վարժությունների էին, պատանի Շահագիղի գրական նախնական փորձերը:

Երկար չլուց նորեկ բանաստեղծը: «Ճառքաղ»-ում հանդես գալուց մի տարի անց, 1860 թ. Մոսկվայում, Լադարյան նեմարանի հրատարակութեամբ լույս տեսավ նրա «Սղատութեան ժամեր» վերնագրով աշխարհաբար բանաստեղծությունների փոքրիկ հավաքածուն: Գրքույկին կցված առաջաբանում հեղինակը խոսելով իր բանաստեղծությունների պակասությունների մասին, գրանք համարում է հեռուանք աշխարհաբարի գեղեստանբավարար մշակվածութեան:

«Մատուցանելով իմ այս փոքրիկ գրքույկը մեր այժմյան կարգացող հայոց ժողովրդյան դատաստանին, ես պարտ եմ համարում ասել մի քանի խոսք, որպես իմ ոճի, նույնպես և ստանալորներիս մասին: Երկրորդ հատորը իմ շարադրութեան գրված է ժամանակակից աշխարհաբար լեզվով, որ հիթե ոչ բոլորը, գոնե ըստ մեծի մասին ամենայն մտածող հայ մարդ կարող է հասկանալ առանց աշխատանքի և բառարանի: Շատ անգամ հարկ կդալինձ գեղեցիկ գրաբար ձևեր փոխել աշխարհաբար (թեպետ և միանգամայն ճշմարիտ զգացմունքով

գրվածը չի փոխվում) հատուկ նորա համար, որ առավել մոտենալի լինի ժողովրդին, այնուամենայնիվ ես շատ լավ զգում եմ, որ անհամար պակասություններ կան ոճի կողմից իմ ոտանավորներին մեջ, պատճառ, որ մեր այժմյան խոսակցական լեզուն շատ թերություններ ունի: ... Դեռ նա չունի այն կատարելությունները, այն դարձվածները, այն ձևերը, որոնցով կարող էինք արձակ խոսել և գրել»:

Ինչպես առաջարանից պարզվում է, «Ազատության ժամեր» գրքուկը հեղինակի բանաստեղծությունների երկրորդ հատորն է, առաջինում նա ամփոփել էր իր գրարար բանաստեղծությունները և մտադիր է հղել, «եթե կհաջողվի, մի քանի ժամանակից հետո» հրատարակել: Այսպիսով, Շահազիզը իր ստեղծագործության նախնական շրջանում գրել է գրարար ոչ միայն առանձին բանաստեղծություններ, այլ նույնիսկ մի ամբողջ գրքուկ «Պատանեկական գրոսանք» մերձագրով, որը լույս չի տեսել: Ամենայն հավանականությամբ, ինքը Շահազիզն է հրաժարվել իր մտադրությունից, զգալով, որ ժամանակավրեպ է վաթսուհակաթյան թրվականներին գրարար բանաստեղծություններ հրատարակելը: Հետագայում, «Լեոնի վշտի» մեջ նա բացասաբար է արտահայտվել իր այդ գրարար ոտանավորների մասին:

Թեև երբեմն սիրաբու գրավեց
Խրթին կանոնքը խրթին արվեստի,

Բայց զարգանալով խելրս չընդունեց.
Հետ ուղարկեցի,— ապերա՛խս սրդի:

Հետաքրքրական է «Ազատութեան ժամերի»
բովանդակութիւնը: Այնտեղ կան անցյալի փառ-
քին, պատմական սիրած հերոսներին նվիրված
բանաստեղծութիւններ («Երգ», «Երկիր և երկինք»,
«Վարդան Մամիկոնյան»), հայրենի գլուղից ան-
ջատվիլու նկարագրութիւններ («Ողջուն հրաժա-
րական Աշտարակի հետ»), իր՝ պոետի աշակեր-
տական տարիների միայնութեան հուշերը պատ-
կերող երգեր և եղբոր՝ հիշատակին նվիրված մի
բանաստեղծութիւն («Ամենախոնարհ ներողու-
թիւն»):

Բացի այս բանաստեղծութիւններից, Շահա-
ղիզը երգել է բնութիւնը («Ծաղիկ», «Աշուն»),
կյանքի և երիտասարդութեան վաղանցիկութիւնը
համեմատելով բնութեան հետ:

Գրքուկի երկրորդ մասը «Ռոմաններ» են,
այսպես է անվանել ինքը հեղինակը և մի ընծայա-
կանով նվիրել է այն հայոց աղջիկներին: Ռոմանս-
ների մեջ հեղինակը երգել է սիրո հրապույրը,
տվայտանքը և նրա ամենակարող ուժը («Սեր»):

Բանաստեղծի հուշերը անկեղծ են ու անմի-
ջական. կենսագրական փաստերից և առաջաբանում
տրված բացատրութիւնից պարզվում է, որ Շա-
հաղիզի սիրո առարկան ոչ թե երևակայութեամբ
ստեղծված մի կույս է, այլ իրական անձնա-
վորութիւն, Աննա անունով մի օրիորդ, որի հան-

դեպ նա տածել է լուրջ և հարատև զգացմունքներ:

Գրքի երրորդ բաժինը կոչվում է «Գրաբար շարադրութիւն», որոնցից մի մասը սիրալին բանաստեղծութիւններ են՝ ոչնչով չտարբերվող նախորդներից, բայց զրոյած գրաբար, իսկ մնացյալները կարոտի երգեր են հայրենիքին նվիրված («Հայ մանուկ յօտարութեան», «Բղձ սրտիս»): Բանաստեղծութիւնների այս բաժնում, առանց հեղինակի: անվան հիշատակութեան կա և մի թարգմանութիւն Գյոթեից («Անգորր»):

Մեծ չեն «Աղատութեան ժամեր» ժողովածուի զեղարվեստական արժանիքները: Նրա դերը գերազանցապես պատմական է. այդտեղ զետեղված բանաստեղծութիւնները հայ նոր պոեզիայի առաջին նմուշներից են, սրտնցով հեղինակը երգել է իրական կյանքը, բնութիւնը, սերը, կարոտը հայրենի գյուղը:

* * *

Շահագիզի ստեղծագործական կյանքը սերտորեն կապված է «Հյուսիսափայլի» հետ: Որպես բանաստեղծ նա հասունացավ և կազմավորվեց «Հյուսիսափայլի» գաղափարական ազդեցութեան տակ: «Հյուսիսափայլը» այն օրգանն էր, որը սնեց բանաստեղծին գաղափարապես, տպագրեց նրան իր էջերում, ուղի հարթեց նրա հետագա զարգացման համար:

«Հյուսիսափայլը» առաջին անգամ 1858 թ.

փետրվարի համարում տպագրեց Շահազիզի դամբանական ճառը՝ Գևորգ Գեղամյանի մահվան առթիվ արտասանած: Գեղամյանը երևանցի էր, 10. Աբովյանի աշակերտներից. նա ավարտել էր Մոսկվայի համալսարանի բժշկական ֆակուլտետը և զուգահեռաբար զբաղվում էր գրականությամբ, կատարելով զանազան թարգմանություններ:

Շահազիզի ինչպես առաջին բանաստեղծությունները, նույնպես և այս դամբանականը գրված էր գրաբար: Ամսագրի խմբագրությունը այդ առթիվ տվել է հետևյալ ծանոթությունը.

«Բուն ճառը լուր լեզվի հնությամբը անհամաձայն լինելով «Հյուսիսափայլ» օրագրի ընդհանուր ուղղությունը և հոգուն, աղգային կենդանի լեզվով թարգմանած դրեցինք այստեղ միևնույն բանը»:

Զարմանալի չէր գրաբարի գործածությունը. դա հեղինակի գրական գործունեության սկիզբն էր:

Որպես բանաստեղծ Շահազիզը հանդես է եկել «Հյուսիսափայլ»-ի 1861 թ. ապրիլ ամսվա համարում՝ «Սևորակ աչեր», «Առաջին սեր», «Առաջին տեսություն», «Աղջկա երգ», «Գիշեր» բանաստեղծություններով: Նույն տարվա սեպտեմբերին տպագրվեցին «Հուսահատություն» և «Յանկություն» բանաստեղծությունները: Հաջորդ՝ 1862 թ. մարտի և դեկտեմբերի ամսատետրակներում լույս տեսան «Աղգային վիճակը» և «Առ գեղեցիկ հի Կ»-ն: 1864 թ. մայիս ամսվա համարում տպագրվեց

հայտնի «Նրազը», հունիսին՝ «Պոետը», հուլիսին՝ «Սորհրդածու թյուն բանաստեղծի», սեպտեմբերին՝ «Այն երազ էր» և «Նս տխուր եմ» բանաստեղծությունները:

1865 թ. Մոսկվայում լույս է տեսնում «Լեոնի վիշտը» և զանազան բանաստեղծություններ» ժողովածուն, ուր ամփոփված են բանաստեղծի գրեթե բոլոր գեղարվեստական երկերը:

Շահագիզի բանաստեղծությունները իրենց թեմատիկայով և զաղափարական բովանդակությամբ մի ամբողջութուն են կազմում «Լեոնի վշտի» հետ: Վերջինիս առաջադրած առանցքային խնդիրներն ու հարցերը՝ պալքար խավարամոլության, ստրկության, կրոնական ֆանատիզմի, գրաբարի գեմ՝ հանուն լուսավորության, ժողովրդի ազատության և աշխարհաբարի հաղթանակի, կազմում են նրա բանաստեղծությունների նյութը: Բացի այս թեմաներից, բանաստեղծությունների մի մասը նվիրված է Հայաստանի պատմական անցյալի ու փառքի գրվատմանը, այնուհետև կրոնական բովանդակությամբ երգեր են, իսկ հիմնականը նվիրված է հայրենիքի ծանր վիճակին, նրա կարոտին, բնության հրապույրներին և ապա սիրային բանաստեղծություններ:

Պատմական բովանդակությամբ բանաստեղծություններում Շահագիզը, ինչպես Պատկանյանը, Բաֆֆին և մեր մի շարք այլ հեղինակներ, ստրկացած և ավերված հայրենիքի ներկա վիճակին հա-

կազրում է անցյալի փառքը՝ ժողովրդի ազգային
ինքնագիտակցությունն արթնացնելու նպատակով:
«Հովիտ տրտմության» բանաստեղծության մեջ
հեղինակը սգում է գերության լծի տակ տառա-
պող հայրենիքը, որի ազատության համար Ալա-
բայրի ճակատամարտում հերոսաբար իրենց կյան-
քը զոհեցին նրա որդիները: Այժմ խավարով է
պատած Հայաստանը, անհետացել է նրա երբեմնի
փառքը: Բանաստեղծը ահազանդում է ժողովրդին,
որ եթե նա չսթափվի, ապա հեռու չէ այն օրը,
երբ կանհետանան նրա վերջին հիշատակներն իսկ:

Դու տեսնո՞ւմ ես քո տխուր վիճակ,
Դառն արտասուքի արժանի դավակ.
Դառն արտասո՛ւքի... չարագույժ ազուպ,
Անգեղ գիշատիչ քո ջուխտակ աչեք
Սրտձայր ճանկով շուտով կիտրեն,
Եվ տարածելով հաղթական թևեր,
Հիշատակիդ հետքն անգամ կտանեն:

Երկի հիմնական իմաստը ամփոփված է վեր-
ջին տողերի մեջ, ուր, որպես հայության փրկու-
թյան, ինքնապաշտպանության ուղի, մասնացույց
է արված լուսավորությունը:

Եթե քո այդին դալար չծաղկե,
Թե չկանաչի ծառը գիտության,—
Այլե՛ր օրհասի քեզ պիտի ճնշե.
Այսպես է անբախտ հայիդ ապագան,
Անհա՛յր, անտերո՛ւնչ և թափառակա՛ն:

Պատմական բանաստեղծություններից է «Միջին Տիգրանը», որի մեջ Շահազիզը գովերգել է Հայաստանի ինքնակալության ուժը մարմնավորող Տիգրան «աշխարհակալին»: Բանաստեղծն այն միտքն է արտահայտում, որ Հայաստանը նվաճող հռոմեական մեծ զորավարներ Լուկուլոսի, Պոմպեոսի փառքն ու հաղթությունները ժամանակը մոռացության է մատնել, հաղթողի և հաղթվողի վախճանը նույնն է, հավիտենական ու անխուսափելի մահը հավասարեցնում է ամենքին և ամեն ինչ:

Բայց այժմ տեսե՛ք... բլուրներ բարձրացած,
Շիրիմներ ճնշված... այտեղ և հաղթող,
եվ տեր, և ծառա մի հողով ծածկված,
եվ Հա՛յն, և Պարթև՛ և Հո՛մայացին
Ն՛ույն անարգ կորուստը ընդունեցին:

Անարժեք են Շահազիզի կրոնական բանաստեղծությունները: Կրոնական մտածողությունը որոշակի տեղ է գրավում Շահազիզի աշխարհայացքի մեջ և այն անդրադարձել է հեղինակի թե՛ հրապարակախոսական և թե՛ գեղարվեստական ստեղծագործություններում:

Շահազիզի պոեզիայի հիմնական լարը հայրենասիրությունն է: Սերը դեպի հայրենիքը, անձնագոհության գաղափարը հանուն հայրենիքի, նրա ստեղծագործության մշտական մոտիվներն են: Շահազիզը պատկերում է հայրենիքի ստրկացած միճակը, ժողովրդի քաղաքական անապահով կյանքը, իրավական ու նյութական ծանր պայմանները:

Բանաստեղծը մերթ անողոք և սուր գրչով քննադատում է յուր ազգի տգիտությունը, խափարամոլությունը, մերթ պարսավում է կեղծիքն ու խաբեությունը, շահագործումն ու ստրկամտությունը, կոչ անելով ազատության պայքարի, որին զինվորադրվում է և ինքը:

Շահազիզի հայրենասիրական բանաստեղծությունները միայն լաց ու սուգ չեն ազգի կորուստը ողբացող և կամ սին հպարտություն՝ հայրենիքի երբեմնի փառքի համար: Շահազիզը իրականության հետ ընթացող, իրականությունը տեսնող և ճանաչող քաղաքացի էր: Նա տեսնում էր իր ժողովրդին սպառնացող վտանգը՝ տգիտություն, նախնազարյան խավար, նախապաշարումներ, բարքերի անկում, նյութապաշտություն և աշխատում էր փրկել նրան կորստյան անդունդից: Ո՞րն էր հայլի փրկության խարխալը: Լուսավորությունը: Լուսավորությունն էր, որ ժողովրդին արթնացնելու էր դարերի ընդարձակությունից, խավարից: Լուսավորությունն էր, որ հային զինելու էր հոգեպես և ազատելու նրան մտավոր ստրկության կապանքներից, որոնք ճնշել էին և կաշկանդել մարդկային մտքի ամեն մի խոյանք.

Հառա՛ջ հայություն, հառա՛ջ ազգություն,
Լուսավոր դարուս գաղափարներով.

Ատի՛ր ազգ անգին, խավար տգիտություն,
Մի՛ տար քեզ խաբել խարդախ խոսքերով:
Կորի՛ր դու խավար և տգիտություն,
Կորե՛ք զարշելի ձեր ծնունդներով.—

Մինչև ե՞րբ մեր վրա այս վայրենություն
Պիտի բռնանա գոռոզ ճանկերով:

Միայն այսպիսով կարելի էր հասնել «կամքի»
ու «աշխատության» ազատության, «լույսի» և
«ճշմարտության», հալածելով նենգություն, նա-
խանձ ու կեղծիք:

Իրավունքն ազգի զարկել են գետին,
եվ սուտ հայությամբ դիմակավորված,
Փոսեր են փորում բարի մարդերին:
Առողջ մտածողն — ազանդավոր է:
Ճշմարիտ խոսքն — հայի ոխերիմ:

Հայության մեջ առաջացել է նյութապաշտու-
թյամբ, ոսկու մարմաշով տառապող, վաճառված
մի սերունդ, որի սրբությունը պղծված է, հավա-
տը կաշտաված: Հասարակական կյանքի կորստաբեր
այս չարիքների հանդեպ անհողդողդ կամքով ու
պալքարի վճռականությամբ լցված, կանգնած է
բանաստեղծը, պտարաստ՝ ազատության սուրբ
գաղափարի համար զոհելու իր անձը:

Ո՛վ ազատություն, սուրբ աքսորական,
Զոհելու եմ քեզ իմ անձս հավիտյան:
Թո՛ղ սարկացած դարերով մարգրիկ,
Դնեն իմ վերա նզովքի կնիք:

Թո՛ղ սրե չար լեզուն անդոր թշնամին,
Թափելով վերաս թունավոր սլաքներ,
Ծս պիտի խնդրեմ, ա՛ղգ իմ լալազին,
Ռոնակիս եղած քո իրավունքներ:

Կարգալով Շահազիզի կրքոտ և վճռականու-
թյամբ հագեցած այս տողերը, հիշում ենք Մ. Նալ-

բանգլանի հայտնի «Աղա՛տն Աստված» բանաստեղծութիւնը, որի ազատատենչ ոգու ազդեցութիւնը դգացվում է ո՛չ միայն երկի գաղափարական բովանդակութեան, այլև նրա ընդհանուր տրամադրութեան վրա: «Աղգային վիճակը» Շահազիզի հայրենասիրական լավագույն բանաստեղծութիւններից մեկն է և՛ իր հասարակական արժեքով և թե՛ արվեստով: Երկը հագեցած է մեծ պաթոսով, վարակիչ արամադրութեամբ, ընթերցողն անմիջապէս հաղորդակից է դառնում հեղինակի գաղափարներին և հուղերին: Ուշագրաւ է հատկապէս գրական լեզվի հղկվածութիւնը, զերծ՝ գրարարյան արտահայտութիւններից և սճերից:

Նույն ուժգնութեամբ են հնչում Շահազիզի «Անուսումնասիրութիւն» բանաստեղծութեան այն տողերը, որոնցով նա ողջունում է գիտութիւնը, որպէս «լուսո արարչի»: Գիտութիւնը այն կենսական ուժն է, որով զինված հեղինակը աշխարհ է թեակոխում: Նա զորավիգ է բանաստեղծին՝ չարին դիմադրելու, հոգին չկաշառելու, կյանքին հրպարտ ու համարձակ աչքերով նայելու համար:

Տեսնելով կյանքի անարդարութիւնները, բազմաթիւ արատավոր, խոցելի կողմերը, բանաստեղծն իր քնարը նվիրում է հասարակական գործին: Շահազիզը հասաւ այն բարձր գիտակցութեան, որ գրողը կոչված չէ երգելու իրականութիւնից կրտրված, մեղկութեամբ հագեցած վերացական հույզեր: Նա կյանքի հետ կապեց բանաստեղծին, և

Նեկրասովի հայտնի նշանաբանը՝ «Поэтом можешь ты не быть, но гражданином быть обязан...», դարձրեց իր ստեղծագործության նշանաբանը՝ «Նախ քաղաքացի և ապա պոետ»: Այսպիսով, Շահազիզի երգերը ստանում են քաղաքացիական բովանդակություն:

Շահազիզի գրական կյանքը զուգադիպեց 60-ական թվականների սկզբներին, երբ Ռուսաստանում ճորտատիրական կարգերը, միապետական ամբողջ սխտեմը սուր քննադատության և գրոհի էր ենթարկվում աճող սոցիալիզմի-դեմոկրատական ուժերի կողմից՝ հանձինս Չերնիշևսկու, Դոբրոլյուբովի և նրանց զինակից նախնադասների:

Նոր բովանդակություն և նոր շունչ էր ստացել գրականությունը: Առաջ էր եկել գրողների և քննադատների մի նոր, երիտասարդ սերունդ: Փոխվել էին գրական-էսթետիկական ըմբռնումներն ու պահանջները: Ռուս առաջավոր գրականության կենտրոնը դառնում էր ռուս մուժիկը, աշխատավոր ժողովուրդը, որի տառապանքի ու վշտի հառաչանքներովն էին լցված Ռուսաստանի անձայրածիր տափաստանները. լուրացվում էր նրա վաստակը, շահագործվում աշխատանքը, ոտնահարվում մարդկային արժանապատվությունը: Պոեզիայի մեջ հանդես եկավ Նեկրասովը իր ձաղկող, մերկացնող երկերով, որոնք ճորտատիրական Ռուսաստանին ուղղված քաղաքական սուր մեղադրանքներ էին: Նույն ուղղությունն էր իշխում

և գրականութիւն մյուս բնագավառներում, հատկապէս հրատարակախոսութիւն և քննադատութիւն մեջ՝ Չերնիշեւսկու և Դոբրոլյուբովի երկերում:

Ի՞նչ արձագանք ստացան դարաշրջանի բնորոշ այդ ձգտումներն ու գաղափարները Շահազիզի պոեզիայում:

Թափանցելով հասարակական կյանքի մեջ, գառնալով նրա գործունշ անդամը, Շահազիզը հրաժարվեց ստեղծագործական իր անցած ուղուց. նա ապրեց ներքին մեծ բեկում, որի ամենավաւերգը հանդիսացավ «Բռնավոր Սուլթան»-ը: Բանաստեղծութիւնն բովանդակութիւնը կապ չունի վերնագրի հետ. սուլթանը որպէս բռնութիւն սխմվոյ հակադրված է երկի հիմնական գաղափարին՝ ազատութիւնը:

Բանաստեղծութիւնն առաջին մասը ամառային երեկոյի նկարագրութիւնն է: Աստիճանաբար հանգչում է ոսկեզօծ մայրամուտը, կապուտակ երկնակամարի վրա փայլելում են աստղերը: Ծաղիկները միմյանց հանգիստ են շշնջում: Անդորր գիշերի հակապատկերն է պոետի փոթորկված հոգին. նա խորատկում է բռնի կապանքների շղթան: Բնութիւնն այս փոքրիկ պատկերը հեղինակի ներքին վերափոխման սխմվոյի ներածութիւնն է: Փոխվել են բանաստեղծի ըմբռնումները իր կոչման ու դերի մասին: Նա թեակոխում է նոր աշխարհ. անհատական զգացումները տեղի են տալիս հասարակական պարտաւորութիւններին: Նա անկա-

բող է լուել, երբ ազգը առաապում է բռնության,
խեղճության ճիրաններում և կամ երգել «քաղցր»
«մեղկոտությունն» ու «անգործությունը», «գինին»
ու «սերը»: Նա հրաժարվում է այդ սխալ գաղա-
փարներից, նա «բաժանորդ» է ազգի ցավերին,
նրա կոչումն է՝

«Նախ քաղաքացի և ապա պոետ»:

Եվ այժմ պոետն այլ երազում չէ,
Որ նա որդի էր վերին երկերի,
Եվ նորա հողին պիտո է լուս,
Ուր բան էր վատթար խեղճության ազգի.
Եվ թե ծնել էր, որ լինի թարգման
Քաղցր մեղկուրյան և անգործուրյան,
Եվ, ողորված, քնարի հետ խոսեր,
Երբ նա երգում էր միայն գինի և սեր,—
Ո՛չ, նա փոխել էր այդ ծուր գաղափար,
Նա բաժանորդ է ազգի ցավի հետ,
Եվ ահա այս խոսքս թնդում է Քնար.
Նա՛խ քաղաքացի, և ապա՛ պոետ:

Շարունակության մեջ բանաստեղծը ազատու-
թյան գաղափարով ողևորված, նշույթ է կարդում
ստրկության և երանի տալիս նրան, ով սուրբ
ձեռքին, անձնվիրաբար նվաճել է ազատությունը:
Բայց ի՞նչպես հասնել ազատության: Միայն գի-
տության միջոցով: Գիտությունն է բարձրացնելու
ժողովրդի քաղաքական ինքնագիտակցությունը և
ապահովելու ազատության հաղթանակը.

Բայց երբ ազգերը ուսում կստանան,
Երբ այդ առողջ մարզն կսկսե մտածել, —
Այն ժամանակը կարող է միայն

Աղատութիւնը յուր գանձը հանել.
Այն ժամանակը միայն մարդկութիւն
Կարող է կյանքը իմաստասիրել
եւ հասարակի բարեբախտութիւն
Անխախտ հիմքերով արարչագործել:

Ինչքան որ խիստ է և անողոք իրականութիւն քննադատութիւնը Շահազիզի բանաստեղծութիւններում, նույնքան և բնորոշ է հեղինակի օպտիմիզմը ապագայի հանդեպ: Հումանիզմի բարձրը զգացմունքներով լցված, նա մարդուն ցանկանում է «բարի» վիճակ, որին նա կհասնի ապագայում:

Շահազիզը անցած է համարում այն շրջանը, երբ իր քնարը անհոգութիւնաբեր էր միայն սեր և գեղեցկութիւն: Նա հրաժարվում է այդ շրջանից, ողջունում իրական կյանքը և քրտնաջան աշխատանքը: Ազգի վիշաք, տառապանքը, լացն ու սուզը ներշնչում են հեղինակին նվիրվելու «հասարակաց պիտույքին»:

Առավել հարուստ է «Պոետ, նյութապաշտ և քաղաքացի» բանաստեղծութիւն բովանդակութիւնը: Հասարակութիւն երեք տարբեր ներկայացուցիչներ՝ բանաստեղծը, նյութապաշտ հարուստն ու աշխատավոր քաղաքացին ներկայացված են իրենց հասարակական դերով ու արժեքով: Բանաստեղծը արհամարհանքով ու ատելութիւնաբեր է լցված դեպի ընչաքաղց հարուստը, որի հոգին «մեռած է», միտքը «գոսացած», «կեղծավոր» է և «խտվարասեր», մինչդեռ ինքը զգացմունքներ

րով զեղուն սլանում է մերթ դեպի կարկաչահոս
սուուն, մերթ դեպի վետվետուն ալիքները: Հայտ-
նըլում է քաղաքացին, նա հասարակական կյան-
քից դուրս է համարում և՛ անբովանդակ թափա-
ւող պոետին և՛ շահամու հարուստին: Նա ցուլց է
տալիս մի նոր աշխարհ, աշխատանքի, ազնիւլ
վաստակի աշխարհ, որի շահերի պաշտպանությանը
պետք է նվիրվեն բանաստեղծի երգերը և միայն այս-
պիսով նա կարող է դառնալ «անդամ ազգի»:

Ե՛կ, Պոետ, քաղաք, այնտեղ զո՛րծ զործիր,
Հասարակի բախտն ու օգուտն երգի՛ր.
Դու այն ժամանակ անդամ ես ազգի.
Եվ արժանի ես մեր սուրբ հարգանքի: —
Այս Բաղաքացին ասաց պոետին,
Շտա՛յլ քայլերով զնաց յուր գործին:

Շահազիզի քնարը ձաղկող է և սուր, երբ նա
ներկայացնում է հասարակական կյանքի չարիքն
ու ապականությունը՝ ստրկություն, կեղծավորու-
թյուն, խաբուություն, փողամուլություն, որոնք
այլանդակել են մարդկային հոգին ու միտքը: Բա-
նաստեղծ-քաղաքացին կոչված է պալքարելու այդ
չարիքների դեմ հանուն արդարության և հալոնե-
նիքի: Նա լինելու է հոգով բարձր, հեռու կյանքի
ճահճից, վաղանցուկ փառքի ու հարստության
հրապուրանքից, ալլապես նա կբարձրանա անար-
գանքի սյունին:

Մի՛ մեծարիր դու կուռքը հարստի.
Ոտնակո՛խ արա, փշրի՛ր և անց կաց.

Տաճար Աստուծո — հողին Պոետի,
Թե մամոն իշխեց — դժողբ է պղծայ:

Շահազիզի ստեղծագործութեան մեջ արտացոլվել է 50—60-ական թվականների հայ հասարակական կյանքում տեղի ունեցող հնի և նորի պայքարը:

Հին գաղափարներն ու հասկացությունները իրենց տեղը զիջում են նորին: Հինը ապրել է իր դարը, նա այլևս անելիք չունի: Կառչել նրանից, պաշտպանել նրան, նշանակում է կյանքը թողնել անշարժութեան, լճացման մեջ: Անհետացող հին սերնդին փոխարինում է նորը՝ երիտասարդ, առողջ, թարմ և առաջավոր ուժը, որի հետ է կապված հայրենիքի փրկութեան հույսը: Նա մարմնավորում է վերածնվող հայրենիքի՝ «Մանուկ Հայաստանի» գաղափարը: Վերջինս նոր չէր: Շահազիզից առաջ Պատկանյանը «Հայ պատանին երգում է» բանաստեղծության մեջ ցույց է տվել «Մանուկ Հայաստանը» ստեղծող, «ջլուտ ձեռքերով», «անվիհեր» սրտով և «ազնիվ խորհուրդներով» երիտասարդությունը, որը պատրաստ է սևփական ուժերով թոթափել ստրկության լուծը: «Մանուկ Հայաստանի» գաղափարին հակադրվում էին հնամուլության և նախապաշարումների խավարով մթաղնած «ձերերը». նրանք Հայաստանի վերականգնումը համարում էին միայն «երազ»:

Կեցցե՛ Հայաստան, որ երազական
Կարծում են ձերերն, իրոք չէ՛ այգակս.—

Մեր հայրենին դեռ չէ չվառական,
Քանի որ ունի քաջ որդիք մեզ պես:

Պատկանյանի երիտասարդութունը զինված է
«հրացանով» ու «բահով»: Նա պատրաստ է կռվել
և անձը զոհարել:

Շահագիլի մոտ նույնպես հայրենիքի ազա-
տության համար մղվող քաղաքական պայքարի
հենարանը և ուժը երիտասարդութունն է:

Ինչպես Պատկանյանը, Շահագիլը ևս քաղա-
քական պայքարի կոչ է անում, «սրով», «հրացա-
նով», «քլունդով» և «կացնով» է ուզում հարժեկ
դժվարին ճանապարհը, քանզի «արգելքները» և
տեղից շարժել «Մանուկ Հայաստանը»:

Քշտիբ կռներդ, կորիճ աննման,
Ա՛ն սուր, հրացան, քլունդ ու կացին,
Դժվար ճանապարհն անցիր անասան.—
Այ՛ ու ձախ քանդիր, թե որ արգելք կան.
Անա նորածին և մանուկն եկավ՝
Սուրբ ազատության տաճարին ընծա.
Մանուկ Հայաստան տեղից շարժվեցավ
Դիմեց համարձակ դեպի Գողգոթա:

Տառապանքներով լի է պայքարի ուղին. կար-
միրի կիտլովն «գարնանային ծաղկազարդ դաշ-
տերն» ու «ծովի ալիքները», բայց կգա ժամանակը
հաղթական երգի, երբ «նահատակի սուրբ ոսկորնե-
րից» «նոր լույս կծագի աշխարհիս վրա», մահից
կլանքի կոչելով մարդկությանը, գերությունից
ազատելով անճար թշվառին: Այն ժամանակ

«կիտալի արևելքի նոր արշալույսը», «կչքանա հնությունը», «նորոգման ոգին կապևտե կյանք», նոր գործը թողնելով նոր սերնդին: Այսպես կծնվի ազատության մանուկը՝ սիմվոլը նորածին հայրենիքի.

Եվ այսուհետև առաջ անդադար:
Ահա լուսածին մանուկն եկավ,
Գեղեցիկ՝ որպես ազատն ինքն ատոված,
Արարիչ բաղկով շինել սկսավ
Ազգապահության հրաշալի շինված:

Այս բանաստեղծության հղացման անմիջական դրդապատճառը 1890 թ. հունիսի 6-ին Կարինում և հուլիսի 15-ին Պոլսում տեղի ունեցած արյունալի դեպքերն էին: Սկզբում «Զոհերի» տրպադրությունը արգելվեց և մինչև իսկ չթույլատրվեց կարդալու հեղինակի հորեկյանական հանդեսին: Միայն 19 տող տպագրվել է 1893 թ. «Հորեկյանի տարեդարձ» ժողովածուում, իսկ ամբողջությամբ լույս է տեսել «Մշակում», 1908 թ. բանաստեղծի թաղման նկարագրության հետ միասին¹:

Ազատագրական պայքարի թեման Շահազիզի տեղծագործության մեջ հնչել է ուժգնությամբ և տարբեր երանգավորումներով: Բանաստեղծը երգել է և այլ ժողովուրդների՝ ինչպես օրինակ, իտալացիների ազգային-ազատագրական պայքարը: Նա համակրանքի ջերմ, սրտարուև² տողերով է

¹ Սմբ. Շահագիզ, Երկեր, 1947, էջ 221:

ողջունել հայրենասիր խտալուհիներին, որոնք
անձնուրաց մարտեր էին մղում հայրենիքը ստոր-
կության շղթաներից ազատագրելու համար: Շա-
հազիզը անկեժքով է հիշում Իտալիան նվաճող
Բուրբոնին և հալատով լցված դեպի պայծառ
ապագան, իր տողերը նվիրում է Իտալիային՝ իբ-
րև անհալատչյա ազատության այն սուրբ գաղա-
փարի, որով տողորված է և հայը

Իտալիա', դու զորավոր,—
ե՛վ կեցցե՛ն քո զավակներ,
Իտալիա', ես հոգևոր
Բերում եմ քեզ իմ տաղեր:
Ե՛վ հայի մեջ կա կենդանի
Ազատության արձագանք,
Ե՛վ թո՛ղ չասեն, որ հայն չունի
Ո՛չ ազատ կամք և ո՛չ կյանք:

Հայ ժողովուրդը ևս բռնեց ազատության
պայքարի ուղին: 1862 թ. Ջելթունը ապստամ-
բության դրոշ բարձրացրեց սուլթանական բռնու-
թյունների դեմ: Ջելթունի մարտերը ժողովրդա-
կան ընդվզման ու խիզախության փայլուն ցույցեր
էին: Նրանք ցնցեցին ամբողջ հայ իրականությունը
և լայն արձագանք գտան թե՛ զեղարվեստական
գրականության մեջ և թե՛ մամուլի էջերում: Ապրս-
տամբության դրվագները ոգևորեցին բազմաթիվ
հեղինակների, որոնք իրենց ստեղծագործություն-
ներում նկարագրեցին հերոսական փառքով նահա-
տակված հայրենիքի քաջ զինվորներին: Մ. Պե-

շիկթաշլյանը բանաստեղծություններն մի շարք
նվիրեց Ջեյթունի հերոսամարտին՝ «Հայ քաջոր-
դին», «Մահ քաջորդվույն», «Թաղումն քաջորդ-
վույն» և «Հայկուհին», որոնք հայ պոեզիայի դո-
հարներն են:

Որպես մեծ հայրենասեր Շահազիզը նույնպես
երգեց զեյթունցիների հերոսամարտերը: Հեղինակի
տեսադաշտից չվրիպեցին այն ստոր դավերը, որ
զեյթունցիների շուրջը նյութում էին կաթոլիկ քա-
րոզիչները: Վերջիններս նկատի ունենալով զեյ-
թունցիների ծանր վիճակը, ամեն կերպ փորձեցին
նրանց ձուլել կաթոլիկության հետ, հայությանը
ամբողջությամբ ենթարկել Հռոմի պապի գեր-
իշխանությանը:

Զեյթո՛ւն, սրբազան մնացորդ անցյալի,
Տավրոս լեռների Հայ ազգ բնակիչ,
Արթո՛ւն կաց.— գիտե՞ս, վերագ է գալի
Եզվիտ ամբոխը, գայլեր գիշատիչ:
Նոքա յուրյանց հետ շատ սակի ունին,
Նոքա կշռում են դորանով կրոն...
Ականջ չգնես գետնաքարը լեզվին,
Թքի՛ր լրտեսին,— գինվորվի՛ր Զեյթո՛ւն:

Շահազիզի այս տողերը էպոխա բնութագրող
և խիստ ախուռալ քաղաքական տաղնապի տհա-
զանգեր էին և ոչ դավանանքի, կրոնական նեղ
հասկացողությունների վեճեր: Նա կաթոլիկ քա-
րոզիչների գործունեության մեջ տեսավ հայ ժո-
ղովրդի ազգային միասնությանն սպառնացող

վտանգ, որի դեմ սուր և հետևողական պայքար էր վարում հայ առաջավոր մտավորականությունը՝ Մ. Նալբանդյանի, Մ. Պեշիկթաշլյանի, Հ. Սվաճյանի ղեկավարությամբ: Պեշիկթաշլյանը հասարակական պայքարին ձայնակցեց և իր ստեղծագործություններով: Մեր գրականության վաղուց գոհարներից է իր հասարակական բովանդակությամբ և բանաստեղծական խոսքի ներգործող ուժով «Եղբայր հմք մեք», որն իրավամբ ժամանակին հայ ժողովրդի հղբայրության գաղտնիարի հիմնը դարձավ:

«Եղուիտներ և Զեյթուն» բանաստեղծությունը արժեքավորվում է հատկապես իր հասարակական-քաղաքական բովանդակությամբ: Բացի Զեյթունի հերոսամարտերի ներբողումից, ուշագրավ են բանաստեղծության այն առղերը, որոնցով հեղինակը ողջունում է ազատությունը զենքով նվաճած ժողովուրդներին՝ իտալացիներին և հույներին:

Բայց ահա շատ մոտ արձակ ասպարեզ
 Բացվում է աչքիս: Խոնում են ազգեր
 Ուրախ երգերով. նոքա պարզերես
 Զղիտեն, ի՞նչ է կապանք, շղթաներ...
 Ազատ են նոքա... և ամենայն բան
 Շնչում է միայն սուրբ ազատություն:
 Եվ չէ երևում բռնության նշան...

Միշտ չէ, որ Շահազիզը մարտական պաթոսով պայքար է հայտարարել թշնամիների, օտար նրվաճողների, ժողովրդի ներքին հարստահարիչների

ու կեղև քիչների դեմ: Նա ունեցել է և «Նահանջի» պահեր, երբ ներողամտության և քրիստոնեական անհիշաչարության խոսքեր է ուղղել չուր թշնամիներին: Մենք նկատի ունենք հատկապես «Երգ մեռանող հայրենասիրի» հաշտված երգը և «Իմ վիճակը» բանաստեղծությունը, որոնցից առաջինի հղացման, գեղարվեստական մշակման գաղափարը գալիս է ուսական պոեզիայից: Այս մասին Յուր. Վեսելովսկուն ուղղած նամակում նշելով իր կրած ազդեցությունները ուսն գրականությունից, Շահազիզը գրում է.

«Պատահականությամբ կարդացած Դոբրոլյուբովի «Милый друг, я умираю» բանաստեղծությունը ներշնչեց ինձ գաղափարը սեփական բանաստեղծության, որն ինձ մոտ սկսվում է համարյա ճիշտ այնպես, բայց հետո կրում է տարբեր բնույթ, անմիջականորեն կապվում է հայերի ճակատագրի հետ»¹:

Փաստը ուշագրավ է իբրև ապացույց ուսվաթսունականների հետ ունեցած Շահազիզի զբրական կապերի:

Ներշնչվելով Դոբրոլյուբովից, սգեշնչված նրա անձնուրաց հայրենասիրությամբ, Շահազիզը, սաայն, բանաստեղծության առաջին քառատողում արտահայտել է լսողադ հոգով աշխարհից հեռանալու և

¹ Ю. Веселовский, Русское влияние в современной армянской литературе, Москва, 1909, էջ 14—15.

Թշնամուն ներելու քրիստոնեական բարոյախոսու-
թյուն¹։

Ազնի՛վ ընկեր, մեռանում եմ,
Բայց հանգիստ եմ ես հողով.
Իմ Թշնամիքս ես օրհնում եմ, —
Օրհնո՛ւմ եմ քեզ Աստուծով։

Հեռանում եմ, անգի՛ն ընկեր,
Չգնահատած ոչ որից.
Բայց հավաստյով անձնանվեր
Ազգիս մշակ կհաշվիմ։

Ազնի՛վ ընկեր, չմոռանաս.
Անդավաճան, ջերմ սիրով
Ես սիրել եմ իմ հայրենիք, —
Գնա՛ և դու նույն շավղով։

Բանաստեղծության մյուս քառատողերում
ներբողված է հայրենիքի անդավաճան սիրո և հա-
նուն հայրենիքի անձնադոհուլթյան գաղափարը։

¹ Ավելորդ չենք համարում ստորև ամբողջությամբ
մեջ բերել Դորրոյուբովի բանաստեղծությունը, որպեսզի
պարզ լինի, թե գաղափարական ինչ վերամշակման է են-
թարկվել այն Շահազիզի կողմից։

Милый друг, я умираю
Оттого, что был я честен;
Но зато родному краю
Верно буду я известен.

Милый друг, я умираю,
Но спокоен я душою...
И тебя благословляю:
Шествуй тою же стезею.

Նույն բարոյախոսութիւնն է գրված «Իմ վիճակը» բանաստեղծութիւնն հիմքում: Հասարակական պայքարում բանաստեղծի նշանակեցութիւնը որոշ են, նա կոչուում է «անխիղճ մարդու» «սե գործի» դեմ և այս պատճառով փշոտ է նրա ճանապարհը, բայց ինքը «զինված» «ճշմարտութեամբ», աներևր և հաստատ քայլերով ընթանում է դեպի առաջ:

Ես գրում եմ կշտամբելով
Անխիղճ մարդի սե գործեր.
Բոլոր կարծիքն պարսափելով,
Վկայել կամիմ նորան սեր:

Եվ փշոտ է իմ ճանապարհ.
Ամբողջ գժոխք և բողոք
Ինձ լարում են կորուստ վատթար.
Ինձ բարեկամ—և ո՛չ սք:

Հաստատ ոտով ես գնում եմ,
Ճշմարտութեամբ զինվորված,
Անկեղծ քնարով ես օրհնում եմ
Եվ թշնամիքս և աստված:

Պայքարող մարտիկի վճռականութիւնը անսասան է հեղինակի մեջ, սակայն վերջինն սողերում հանկարծ օրհնում է թշնամուն: Այսպիսով, երկը զրկվում է նախ յուր իմաստից, որովհետև վերանում է հակառակորդ կողմերի հակասութիւնը, հետևաբար և՛ պայքարը, երկրորդ՝ ստացվում է տրամաբանական հակասութիւն. օրհնել թշնամուն և պայքարել նրա դեմ:

Շահագիղի ստեղծագործութիւնն մեջ տիրապե-

տող չին աչս տրամագրութլունները, սակայն վրկայում են նրա աշխարհայացքի որոշ տատանումներն ու հակասութլունները:

* * *

Բանաստեղծ-քաղաքացին, որի ստեղծագործութլան հիմնական բովանդակութլունը ազատութլան գազափարն է, հայտատարիմ մնալով իր կոչման, սիրո ու բնութլան կրգերում նուչնպես հանդես է գալիս որպես ազատութլան և հայրենիքի կրգիչ:

«Գիշեր» բանաստեղծութլունը գարնանային բնութլան դլութլիչ պահերից մեկի գեղեցիկ նկարագրութլունն է՝ աստղազարդ ջինջ կրկինք, անուշաբուլբ, ամբրոսական ծաղիկներ... Բնութլան հմայքով ու վեհութլամբ ներշնչված, բանաստեղծն անխռով և մաքուր սրտով կրգում է ազատութլուն և հայրենիքի սեր.

Սիրո՛ւն պատկեր: Պարզ գիշեր էր:—
Եվ օղեղեն ովկիանում
Փայլում էին անթիվ աստղեր,
Եվ ո՛ւրախ էր սիրտըս դարկում:

Ամբրոսական ծաղիկներ վառ
Անուշոութլուն էին բուրում,
Եվ կրկինքի ցող կենարար
Բնութլունն էր գովացնում:

Եվ ես անխռով կրգում էի,—
Եվ իմ կրգըս խիստ մաքուր էր,
Ազատութլուն էի կրգում,
Հայրենիքի պարծա՛նք ու սե՛ր:

Ազատութիւնն ըստ Շահազիզի այն սուրբ
գաղափարն է, այն ստեղծարար ուժը, որն իր մեջ
մարմնավորում է կյանք և զորութիւն. նա աղ-
բյուր է լուսի, նա անկաշատ է, նա է փրկութիւնը
մարդկության.

Ազատութիւնն է կյանք և զորութիւն,
Թագաւոր, իշխան և հարստութիւն,
Ազատութիւնը — զուտըր սրբության,
Փրկիչ ազգերի, աստիած մարդկության:

Շահազիզի ըմբռնմամբ ազատութիւնը միայն
օտարերկրյա բռնության լծի թոթափումը չէր:
Նա անսնում էր, որ ժողովուրդը շահագործվում է
նաև իր ազգի «առաջնորդներին», հարուստների ու
հոգևոր պետերի կողմից, որոնք զրկում, չուրաց-
նում էին նրա վաստակը ամենադաժան ձևերով:
Ծանր էր և հասարակության բարոյական վիճակը,
վերացել էր արդարության հաղթանակի հավատը,
իշխում էին սուտն ու կեղծիքը: Հոգևոր առաջ-
նորդները կեղծ բարեպաշտության դիմակով ծած-
կել էին իրենց այլանդակ էութիւնը, ազգազավ
դործերը.

Տխուր է, եզրայրբ, տխուր է մեր դար.
Հայի վիշտերից և անարգանքից
Թառամել եմ ես, նա, որպէս թշվառ,
Ազատվելու չէ երբեք կապանքից:
Նորան յուր հովիվք, յուր առաջնորդներ
Մինչ հոգևար ժամն պետք է կեղեքեն,
Եվ եզվիտական, անփառք թակարդներ.
Օտարի առջև այդ խեղճին զնեն:

Հովիվ դառնալով ազգին հոգևոր,
Մի սարսափելի նպատակ ունին.
Որպես մոլեռանդ, դահիճ թուճափոր,
Զրկել, պատառել յուր ժողովրդին,
Եվ բողոք կարգալ, և դավաճանել,
Թե այդ զրկյալքը կամեին խոսել:

Ուշագրավ են Շահազիզի այս սուր մերկացումները, որոնք ուղղված էին ո՛չ միայն ժողովրդի ճառաջնորդներին՝ ու հոգևոր հովիվներին դեմ, այլ ողջ ժամանակաշրջանի դեմ ընդհանրապես: Բանաստեղծը գալիս է այն ծանր կզրակացության, որ քանի դեռ հասարակութունը ընկած է բարոյական ճահճի մեջ, քանի դեռ թաղավորում են ժողովրդին կեղեքող, զրկող, «պատառող» հոգևոր առաջնորդները, նա կաշկամեղված է և անկարող հասնել ազատության:

Ժողովրդի հոգեկան նկարագրի, բարոյական հասկացությունների ու կենցաղի հարցերը մեր գրականության մեջ սկսել էին արծարծվել դեռևս անցյալ դարի կեսերից: Պատկանյանը մեկն էր այն հեղինակներից, որն իր տաղանդի ամբողջ զորութեամբ դիմակազերծ արեց բոլոր տեսակի «կոլտվաներին», «տերտներնրին», «սոր սոյ ազգասերնրին» և հասարակության այն ցեղերին, որոնք դաժան հարստահարիչներ էին, աշխատանքի տքնաշան վաստակը յուրացնող, միաքը բթացնող և ազատութունը ճնշող:

Սերը դեպի հայրենիքը Շահազիզը արտահայտել է ամենազերմ զգացմունքներով: «Ոգի Հայաս-

տանի՞՞ Բանաստեղծութիւն մեջ նա հայրենիքը մարմնավորել է չքնադ կուլյսի կերպարանքով, կրդեի նրա անմեղութիւն, մաքրութիւն, քնքշութիւն թովչանքները. նա սուրբ է և նվիրական, գերազանց՝ իր կյանքում հանդիպած բոլոր կանանցից, որոնք անհետացել են նրա հոգուց և մնացել միայն որպէս ստվերներ:

Ո՛վ կուլյս մանկագեղ, կո՛ւլյս արեւելքի,
Հրեշտակ սիրո—բայց ո՛չ թեալսր.
Մի հատիկ գոհար փշրված թաղի,
Կուլյս՝ ևս իմ հոգու, տաճա՛ր փառավոր:

Անմեղութենով փայլում ես պայծառ,
Որպէս շուշանը հայոց գաշտերի,
Քեզ այդ շուշանից, հոգո՛ւս սիրահար,
Հյուսում եմ պսակ անթառամելի:

Այս Բանաստեղծութիւնը Շահազիզի հայրենասիրական վտռ զգացմունքների և ստեղծագործական կարողութիւնների լավագուլն արտահայտութիւններից մեկն է: Նա գուլների նրբութիւններով, Բանաստեղծական խոսքի վարպետութիւմբ ու գեղեցիկ համեմատութիւններով երգել է հայրենիքը:

Շահազիզն իր հայրենասիրական երգերում համարձակ է և մարտական: Քննադատութիւն ոգին հնամոլութիւն, խաւարի, ստրկութիւն և շահագործման դեմ անողոք է ու խիտտ:

Իրենց գեղարվեստական արժանիքներով նրանք ստեղծագործական հասունութիւն ապրած հեղինակի գրչի արգասիք են: Զգուլխորեն հղկված է հեղինակի լեզուն, վերացված է նախ-

կին պարզունակութունը, որը հատուկ էր Շահազիզի սկզբնական շրջանի ստեղծագործութուններին:

* * *

Շահազիզի հայրենասիրության և ազասության թեմաներով դրված բանաստեղծութուններին հետ սերտ առնչության մեջ են հայրենի բնության և մոր կարտուն նվիրված երգերը: Ծնված և մանկության վաղ տարիներին գյուղում ապրած ու գյուղական կյանքի հետ բաղմապիտի հետաքրքրություններով կապված ապագա բանաստեղծը հանկարծ կարվում է հարազատ միջավայրից, մերձավորներից և ընկնում միանգամայն անծանոթ աշխարհ: Արարատյան հովտում սնված մանուկի համար օտար էր Մոսկվան իր կուլտուրայով, լեզվով, բարքերով, կենցաղով և վերջապես հյուսիսի խիստ կլիմայով: Այս բոլորի հետեանքով, Մոսկվայում պատանի Շահազիզն ապրում է կարտախի և սիրտ բուռն հուլյակեր: Թե ինչքան մեծ էր բանաստեղծի սերը գեպի իր հայրենիքը և ինչքան հզոր էր նրա ստեղծարար զորությունը Շահազիզի համար, պարզվում է նրա հետևյալ տողերից:

«...Հայրենի հողը ու ջուրը ամենակարող միջոցներն են, այո՛, և դրդողներ բանաստեղծական գույների ու բազմազան հեղեղման»¹:

¹ Գրականության և արվեստի թանգարան, Եր. Շահազիզի ֆոնդ, III բաժին, № 193:

Շահագրիզը երկարատև բացակայությունից հետո, 1873 թ., վերադառնում է Աշտարակ, հատկապես ծերունի մորը տեսնելու համար: Հանդիպումը հարազատ վայրերի հետ խիստ հուզիչ էր ու սրտառուչ: Այդ առթիվ Մեկք. Փանյանին ուղղած նամակում բանաստեղծը գրում է.

«Թե ինչպես եղավ իմ մուտքը մեր մայրենի աշխարհը, մնում է պատմել ինձ երես առ երես, երբ աստված կհաջողե հասնել այդտեղ, միայն այսքան ունիմ ասել քեզ, որ իմ մուտքը Աշտարակ այնքան տխրական և սրտաշարժ էր, որ շունչս սպառած դարձել էի ևս մի արտասուքի ծով:

Ո՛հ, մեծ է սերը հայրենյաց, թեև տնանկության և թշվառության մեջ»¹:

Շահագրիզի գրական առաջին փորձերի մեջ արդեն կային կարոտի երգեր: Դեռևս 1857 թ., երբ նա աշակերտ էր Լազարյան ձեմարանում, գրեց «Ողջունն հրաժարական Աշտարակի հետ» բանաստեղծութունը, որը թեև աշակերտական անվարժ գրչի արգասիք է, բայց հեղինակը անմիջականության ու ներքին տագնապով է երգել այն խռովքը, որով լցված էր նրա մանուկ հոգին հայրենի գյուղից հեռանալու պահին: Ուղևորության նախօրին նա այցելում է հարազատ վայրերը, ուր անցել էին նրա մանկության երջանիկ օրերը: Անշատման տառապանքը, անհայտության հետ կապ-

¹ Եր. Շահագրիզ, Սմբատ Շահագրիզի կենսագրութունը, 1944, էջ 41:

ված ճանապարհորդութիւնը հոգեկան առավել
ծանր վիճակ են ստեղծում բանաստեղծի համար:
Նա վերջին հրաժեշտն է տալիս Քասաղ գետին,
հայրենի ջրերին, իր Աշտարակին, խոստանալով եր-
բէք չմոռանալ նրանց:

Ծննդավայրի կարոտն ու նրա բնութիւնը հրա-
պուլըն է երգել բանաստեղծը «Լեռնի վիշտը»
պոեմում, սրբացել հայրենիքի դժբախտ ճակա-
տագիրը, բռնութիւնն ու տգիտութիւնը շղթաներով
կաշկանդված: Հայրենիքի շքեղ բնութիւնը, ժո-
ղովրդի ծանր վիճակի հակադրութիւնն է տրված
նաև «Աշտարակ» բանաստեղծութիւնը մեջ:

Գեղեցկանիստ է Աշտարակ.

Շատ այգիներ նա ունի.

Այնտեղ երկինքն է կապուտակ,

Այնտեղ օդն է քաղցրայի:

Մեծ, քնարձակ կանաչ դաշտեր

Լի են ծաղիկով քաղցրահոտ.

Մարդահասակ, խնկանքներ,

Բարձրանում է այնտեղ խոտ:

Այդ սիրուն գյուղն ունի մի գետ,

Եվ այն լի է ձկներով.

Այնտեղ իշխան և կարմրախեռ

Խա'ղ են կապում խայտալով:

.....

.....

Բայց այդ բոլորն ստրկութիւն

Կաշկանդված է կապանքով.

Ժողովուրդը թշվառական

Խեղզված է մեծ խավարով:

Հնդինակին հաջողվել է ազգային վիշտը, հայրենիքի հանդեպ տաժաժ կարոտի ու հիացմունքի իր զգացումները երգել վարակիչ պարզությամբ, որով և արժեքավորվում է երկը:

Բնության երգերը զգալի տեղ են բռնում Շահազիզի լիրիկայում. բնությունը նրա համար հանդիսացել է ստեղծագործական ներշնչումների ու խորհրդածությունների աղբյուր:

Ահա գարնան գարթոնքն ավետող և գեղեցկությունը մարմնավորող մայիս ամիսը, որը ներշնչում է ժպիտ և ուրախություն.

Երկինքը պա՛րզ, օրն մայիսյան.

Ես ճեմում եմ բուրաստանում,

Միրաս ուրախ է. ես ժպտալով,

Վարդ եմ քաղում, փունջ եմ հյուսում:

Փոփոխական է բնությունը. գարնանային վառ օրերին հաջորդում է տերևաթափ գալուկ աշունը, երբ բնությունը գրկվում է իր շքեղ վարդերից: Այսպես է և մարդկային կյանքը, որին անխուսափելիորեն սպասում է կենաց աշունը.

Ա՛նձն իմ, ա՛նձն իմ, ուրախ, գվարթուն,

Մի՛ ծիծաղիր, սպասի՛ր.

Շուտո՛վ կգա և քո աշուն,

Կո՛ւ ես կողբա՞մ դառնալիր:

Շահազիզի կարոտի զգացմունքների բուռն արտահայտություններից է մորը նվիրված «Երազ» հռչակավոր բանաստեղծությունը:

Հեռավոր հյուսիսում, տարիներ շարունակ,

մանկությունից մինչև այրական հասակը բանաստեղծը ապրել է մոր կարտը: Եվ նա երգել է հոգին ազնվացնող, զգացմունքները մեղմող, գորովագութ մայրական սերն ու նրա թովչանքը:

Ինչպես իրականության, բանաստեղծության մեջ ևս Շահազիզի մայրը հեռավորության մեջ է: Նա զգում է մոր գուրգուրանքները, համբուրը, անուշ ձայնը, վերապրում մանկության օրերը միայն երազում. սակայն պատրանքը փարատվելուց հետո նա դարձյալ մենակ է, զրկված մորից.

Ես լսեցի մի անուշ ձայն, —
Իմ ձերայած մոր մոտ էր —
Փայլեց նշույլ ուրախության,
Բայց ափսո՛ս, որ երազ էր:

Շահազիզի այս բանաստեղծությունն արժեքավորվում է ո՛չ միայն թեմայի համամարդկային բնույթով, այլև բարձր արվեստով: Իրականության և երազի հակադրությունն առավել ուժեղացնում է բանաստեղծության հուզականությունը: Հեղինակին հաջողվել է դարմանալի հաստիկությամբ, առանց սեթեսեթանքների, երգել մարդկային զգացմունքների բարձրագույն արտահայտությունը, մոր սերը:

Մեծ էր «Երազ»-ի հմայքն ու ազդեցությունը ժամանակակիցների և հետագա սերունդների վրա: Շահազիզից հետո շատ երգեր նվիրվեցին մայրական սիրուն և զոհաբերության բարձր զգացմունքներին: Այլ. Իսահակյանը, որը մի շարք բանաստեղծություններում, լեզենդներում չգերազանց-

ված արվեստով երգեց մայրական կաթոգին սերը,
հիշում էր, որ ինքը և իր սերնդի հայ պոետները
խորապես ոգեշնչված են եղել «Երազ»-ից:

«Երազ»-ը հայ գրականության գոհարներից
մեկն է:

* * *

Շահազիզն իր քնարական բանաստեղծություն-
ների մի զգալի մասի մեջ երգել է սիրո հրապույրը,
վայելքը և վիշտը:

Սերը բանաստեղծի համար կյանքի լավագույն
պարգևներից է, սակայն նա առավել վեհ ու գե-
ղեցիկ է, երբ սոգորված է մի բարձրագույն իդեա-
լով: Կնոջ հմալքը Շահազիզը միայն նրա ֆիզի-
կական գեղեցկության մեջ չի տեսնում: Եթե պա-
տանեկության հասակում նա երգում էր կնոջ սոսկ
արտաքին բարեմասնությունները, ապա այժմ
հանգել է այն համոզման, որ առանց հոգեկան
հարստության ոչինչ են դրանք.

Պոե՛տ, դիցուք, դու փոքր ինչ հայտնեցիր
նորա արտաքին գեղեցկությունը,
Բայց դու, ո՛վ պոետ, ինչո՞ւ լռեցիր
ե՛վ հոգու կյանքը և մեծությունը:

Այստեղ ընդհատվում են սիրային գեղումները:
Հեղինակը հանդես է գալիս կնոջ համար մտավոր
կրթության անհրաժեշտության իր սկզբունքներով,
որոնք արտահայտություն են գտել նրա մի
շարք բանաստեղծություններում.

Դու գեղեցիկ ես, ո՛վ թե առավել
Ուսման շնորհիվ գեղեցկանայիր,
Եվ քո քույրերիդ, այդ քեզ խիստ վայել,
Առաջնորդուհի հանդիսանայիր:

Շահագլիզի սիրալին հույզերն ու խոհերը փոփոխական նն: Մերթ նրանք շատ են դատողական և չոր, մերթ սանտիմենտալ, բանաստեղծի հոգեկան կորույլը ընկճող: Եթե մի դեպքում նա պահանջում է հաղթահարել մերժված սիրո զգացմունքը, ապա մի այլ դեպքում նրա վրա գերիշխում են հույզերը:

«Սիրո կորուստը» բանաստեղծության մեջ Շահագլիզը կյանքի կենսատու ուժը համարում է սերը, որի բացակայության դեպքում կյանքը զրկվում է հետաքրքրությունից, ներքին մղումից, իսկ բնությունը՝ հմայքից.

Այն ըուպեից, երբ Սերբս մեռավ,
Աշխարհիս վերա շատ օրեր անցան,
Բայց երբեք հողիս չծիծաղեցավ.
Տխո՛ւր երազներ ինձ երևեցան:

Եվ շնչեց դեփյուռ,—և սոխակն երգեց
Խոր լուության մեջ, և թնդաց անտառ.
Իմ անդամներից ցուրտ, սարսուռ վազեց,
Եվ սոսկալի վի՛շտ և մաշի՛չ խավա՛ր...

Սիրո ծարավը բուռն է բանաստեղծի մեջ. մինչև իսկ հետ մահու նա հայցում է կուչսից սիրո «առհավատչյա» արցունքի կաթիլներ.

Կհիշե՞ս երգչիդ, կտխրե՞ս ծածուկ,
Շաղանակահե՛ր կույս կապուտաշյա,
Կուղարկե՞ս նորան երկու արտասուք,
Իբր հավերժ սիրո սուրբ առհավատշյա:

Տրամադրությունների այս փոփոխումները՝ հուսադրում և հուսախարություն, վայելք ու տառապանք հաջորդում են միմյանց և բանաստեղծը վերապրում է այդ հուլյերն իր ամբողջ ներքնաշխարհով:

Բազմարովանդակ է Շահազիզի սիրային լիրիկան: Այն չի սահմանափակվում կույսի հրապուլյրների և կամ սիրո վայելքի ու տառապանքի երգերով:

Ենթարկվելով դարաշրջանի առաջավոր գաղափարների ազդեցությանը, հեղինակն ապրում է քաղաքական հասունացում. գրողի հասարակական դերի ըմբռնումը՝ «նախ քաղաքացի և ապա պոետ», մի կողմ է մղում անհատական զգացմունքները, և եթե մինչ այդ նա ապրում էր նույնիսկ մեռած կույսի հիշատակով («Ես այն օրից, երբ քո պատկեր...»), այժմ մերժում է սերը, որին նրա հոգին չի արձագանքում այլևս: Կյանքը վերափոխել է նրան, մնացել է միայն սնցյալի «անհոգ օրերի» հուշը, սիրո հուլյերին փոխարինել է հայրենիքի սերը.

Ինձ մի՛ սիրիր, ինձ մի՛ սիրիր.

Ես շատ և շատ փոխվել եմ.

Ա՛ն թաշկինակդ—աչքերդ սրբի՛ր,

Ես քեզ սիրել կարող չեմ:

.....
.....
Խափար եմ ես, որպես զիշեր,
Իմ շորս կողմին փոթորիկ-
Չունի՛մ քեզ սեր, չունի՛մ քեզ սեր,
Ես սիրո՛ւմ եմ հայրենիք:

Ազգի ծանր վիճակն է այսուհետև մտահոգում
բանաստեղծին և նա հրաժարվելով անձնականից,
նվիրում է իրեն հասարակական գործին, հայրե-
նիքին:

Շահագրգի բանաստեղծությունները՝ հայրե-
նասիրական, բնության, թե սիրային երգեր կապ-
ված են միմյանց հետ մի ընդհանուր գաղափարով:
Դա սերն է դեպի հայրենիքը և ազատության վեհ
գաղափարը:



«Լևոնի վիշտը» պոեմը Շահազիզի գլուխ գործոցն է: Սյուտեղ առավել ցայտուն են արտացոլված բանաստեղծի աշխարհայացքը և ստեղծագործական կարողությունները: Պոեմում ամփոփված են հեղինակի գաղափարախոսական և գեղարվեստական այն բոլոր հատկանիշները, որոնց մենք հանդիպում ենք նրա մյուս երկերում:

«Լևոնի վիշտը» կազմված է չորս գլուխներից և երկի գաղափարական իմաստը մարմնավորող նախերգանքից, որի բնաբանն է՝

«Բավական է, ինչքան մարդկանց քաղցրեղենով կերակրեցին, գրանից փչացել է նրանց ստամոքսը, պեսք են դառը գեղեր, գառն ճշմարտություններ»:

Լերմոնտովի «Մեր ժամանակի հերոսը» վե-

պի այս հայտնի տողերը սուր մեղադրանք էին կեղծիքով ու խաբեությամբ քողարկված իր ժամանակի բարոյական հասկացողությունների, ըմբռնումների և հասարակական նկարագրի դեմ: Դառնությամբ ու իրավացի զայրույթով գրված տողերը Շահազիզն ուղղեց հայի «մեծության», «ոսկի երազներով» սնվող, «բարոյապես անչափ հետ ընկած» և «խավարի մեջ մինչ գլուխ թաղված» հնամուլների դեմ: Մուսլ էր և տխուր իրականությունը, բայց առավել կորստաբեր ու կործանիչ՝ այն քողարկելը:

Անցավ ժամանակն երեակայել
Ավազուտ դաշտում դարբ ծաղիկներ.
Եվ դադարեցե՛ք ցնորբարանել
Հայի մեծության ոսկի երազներ:

Մեք խավարի մեջ մինչ գլուխ թաղած,
Կամինք հասանել երկնի բարձրություն,
Մեք բարոյապես անչափ հետ ընկած,
Ծխում ենք մեզ խունկ և հարդո անուն:

Մտավոր խավարի և հետադիմության հիմնական պատճառներից էր ժողովրդին անհասկանալի, խրթին գրաբարը: Նախերգանքի առաջին խոսք տողերն ուղղված են գրաբարի դեմ, հանուն «կենդանի լեզվի», հանուն աշխարհաբարի: Բացի հին լեզվից, բանաստեղծը ընդհանրապես, ժըխտում է հինը, հրաժարվում նրանից:

Նորա մեջ տեսա մռայլը հնության,
Բայց երբեք չտեսա ներկայի հողին.
Խորամանկահյուս բաներ խոսեցան.--
Ես հետեցի պարզ լողիկային...

Ո՛չ միայն լեզուն էր անմատչելի ու խորթ,
ալև գրականությունը, որը ժողովրդին մատնել
էր մտավոր աղքատության.

Խավար գրվածներ, կաղ, կույր բնադատ
Բանաստեղծություն և թարգմանություն
Տվեցինք Հային, և նա հուսահատ
Փակեց ախանջներ և մտավ յուր տուն:

Եվ այսպես, հալը քնած էր դարավոր նիհրով:
Նրան պետք էր ազատագրել, սթափեցնել ան-
օգուտ երազանքներից, օգնել հաղթահարելու խա-
վարճ ու տգիտությունը, ալլապես նրան սպառ-
նում էր անվերադարձ կործանում:

Հին գաղափարների ու հասկացություննե-
րի կրողներն իրենց սխուլաստիկ մտածողությամբ
ժողովրդի մեջ սերմանել էին ստրկություն: Նրանք
մոլեգին հակառակորդներ էին նոր ու լուսավոր
գաղափարներին, որոնց հաղթանակի համար հաս-
տատուն կամ քով, աներեր վճռականությամբ պալ-
քարի էր պատրաստվում Լեոնը.

Անխոռով եմ ես, եթե իմ վերա
Սմբատանության զան զիզվեն բեռներ.
Ե՞րբ են բան տեսել, ինչպես որ նա կա,
Ճշմարտությունից վշտացած աչքեր:

Կորիբ Չարասեր, լսի՛ր, Ամբարի՛շտ,
ես պիտի ճեղքեմ քո նենդ մեքենան,
Պիտի խորտակեմ սրտիդ սատանան,—
Պիտի ժամանեմ ես նավահանդիսո:

Մտավոր անկումին հաջորդել էր բարոյական քայքայումը: Վերացել էին սկզբունքն ու հավատը, որոնք դուրսընթյամբ հերքվում էին իրենց իսկ դավանողների կողմից: Վաճառված էր գրիչը, վաճառված էր միտքը: Ոսկին խեղդել էր արդարության ձայնը, կուրացրել աչքերը, լսեցրել խիղճը:

Պոեմի ամբողջ նախերգանքը արտացոլում է ներկայի և անցյալի, հնի և նորի հակադրությունների պայքարը:

Նախերգանքից հետո, առաջին գլխում, հեղինակը ծանոթացնում է ընթերցողին իր հերոսի՝ Լևոնի հետ: Ծագումով Լևոնը բնիկ հայաստանցի էր, տոհմիկ ընտանիքի որդի, Մոսկվայում մեծացած և դաստիարակված մի երիտասարդ: Լևոնի մեջ վառ էր սերը դեպի հայրենիքը: Նա ապրում էր իր ժողովրդի կյանքով, «մտավոր անդամ» էր Շյուր ազգի» և «ընդունակ՝ անձը նորան նվիրել»: Անհատական նկարագրով Լևոնը մուսլ էր, թախծոտ: Սակայն նրա վիշտը հասարակական բնույթ էր կրում: Նրա տխուր խորհրդածությունների պատճառը հայրենիքն էր, նրան մտատանջում էին հայրենիքի և հարազատ ժողովրդի քաղաքական ստրկությունն ու մտավոր հետամնացությունը: Իր միջավայրում Լևոնը մենակ էր՝ ուներ տարև-

կից, բայց ոչ գաղափարակից ընկերներ: Նրանք հայրենասերներ էին միայն խոսքով, օտար էին ժողովրդին, անտարբեր նրա տառապանքներին և չէին իսկ երազում «կանգումը հայի»: Նյութապատշաճության այդ դարում Լևոնը «սպավինեցավ լուսառանձնության» և մեկուսացած շրջապատից, անձնատուր հղավ «ազդի» ցավերին ու կարիքներին: Նա սագում էր կորուստն հարազատ ազգի»:

Լևոնը առավել խորն էր ապրում հայրենիքի ողբերգությունը, երբ տեսնում էր այլ ժողովուրդներին ազգային զարթոնքը՝ խտալացիներին ազատագրական պալքարը ընդդեմ բռնության ու ստրկկացման.

Նա տեսնում էր, որ անօրինակ
Ոգևորությամբ ներշնչված ցեղեր,
Կյանք են նվիրում որպես նահատակ,
Մահարեր դաշտը ծածկում են զոհեր:

Նա տեսնում էր և իտալական
Շագկապյալ սիրո միությամբ կնքած
Հաջողակ գործը, և դաբիբալդյան
Զենքի հաղթություն, այնքան հռչակված:

Միանգամայն այլ պատկեր էր ներկայացնում հայ իրականությունը:

Բայց Հայոց ազգը — տխուր անսպատ...
Անբույժ նեոերով խոցված վիրավոր.
Խավար, նյութապաշտ, երկչոտ և վհատ,
Սիրող շարություն և փասք անցավոր:

Լևոնի հուզականութեամբ լի հոգին վտթորկ-
վում էր և անձնական հուշերով, սակայն նրա
մեջ գերակշռողը հայրենիքի սերն էր, հանուն որի
նա պատրաստ էր զոհարել և իր անձը: Հասա-
րակական պալքարում նրա նշանաբանն էր՝

Ես պիտի լինիմ մարդ ազատ, անբիծ,—
ե՛վ ես կարող եմ իմ ազգը սիրել:

Լևոնը նոր գաղափարներով առգորված ևրի-
տասարդութեան ներկայացուցիչն էր, որ ձգտում
էր «նոր սկզբունք ավետել հային»: Նա տեսնում
էր հարազատ ժողովրդի կեղեքումը, հարստահա-
րումը: Հայրենիքը դարձել էր լացի ու տանջան-
քի, հալածանքի ու շղթաների մի երկիր, ուր թա-
ղավորում էր նյութապաշտութունն ու կեղծավո-
րութիւնը, ստրկամտութիւնն ու տգիտութիւնը:
Խավարն էր պատել հայրենիքին, որին կարկի էր
փրկել, ըստ բանաստեղծի, միայն լուսավորու-
թեան ճառագայթներով:

Իսկ թե հորիզոն բացվի կրթութեան,
կը բացվի և բեզ դուռ փրկութեան.
Նորից կը ծաղկեն քո բուրաստաններ,—
Նոր կյանք կը շնչեն մեռած անդամներ:

Պետք էր մոռացութեան տալ տխուր անցյա-
լը, պալքարել հայրենիքի վերածնութեան համար
և պայծառ հուշերով նայել ապագային:

Լեոնը վերլուծող էր, դիտող: Տեսնելով, որ ժամանակակից իրականության մեջ ճնշված է մարդը, խեղդված ազատությունը, նա բացականչում է.

Աշխարհ աստուծո, բանա ես զգվելի:

Ահա Լեոնի մտորումներն ու խորհրդածությունները հայրենիքի ներկայի և ապագայի մասին:

Տոգորված հայրենասիրական գաղափարներով, առաջնորդվելով հայրենիքին օգնելու, նրան ծանր վիճակից ազատելու բուռն ցանկությամբ, Լեոնը վճռում է ուղևորվել Հայաստան, հեռանալ հյուսիսից, թողնելով իր բարեկամներին և սիրած կույսին:

«Լեոնի վշտի» գաղափարական հիմնական գրույթները՝ պալքար ստրկության, հնամուլության, խավարի ու տգիտության դեմ շարադրված են պեղծի առաջին գլխում: Շարունակության մեջ, հեղինակը ավելի խորացնում, պարզաբանում է վերոհիշյալ հարցերը աչն երևույթների կապակցությամբ, որոնց ականատես է գառնում Լեոնը իր ճանապարհորդության միջոցին:

Պոեմում քննության են ենթարկված անցյալի կրթական ողջ սիստեմը, նրա բովանդակությունը, ուսուցման սխոլաստիկ ձևերը: Բանաստեղծը խարանում է հնամուլ աչն «մանկավարժ-

ներին», որոնք աշակերտութիւնը թաքնում էին մտավորապես ու տանջում ֆիզիկապես¹:

Ընդհանուր այս հարցերից հետո, հեղինակն անցնում է բուն նյութին, այսինքն Լևոնի ճանապարհորդութիւնն սկարագրութիւնը դեպի Կովկաս:

Առաջին գլխում ներկայացված է Լեոնը որպէս ազգի վշտով ու տառապանքներով ապրող հայրենասեր մի երիտասարդ: Իսկ որո՞նք էին նրա ներքին հետաքրքրութիւնների և մտավոր բովանդակութիւնն սահմանները: Մոսկիայից հեռանալիս նա իր հետ էր վերցրել Բալրոնի, Շեքսպիրի, Հայնեի, Գլոթեի, Հ. Սվաճյանի և Կոմս Էմմանուէլի (Մ. Նալբանդյան) երկերը, համաշխարհային ու հայ գրականութիւնն այն դեմքերի, որոնք հաշակված էին ո՛չ միայն իրենց ստեղծագործական հանճարով, այլև առաջավոր մտածողութեամբ, ազատտիրական և հումանիտական բարձր գաղափարներով: Լեոնը սնված և դաստիարակված էր համաշխարհային վշտի երգիչ Բալրոնի, ազատութիւնն պայքարի մարտիկ Կոմս Էմմանուէլի և հայ հասարակական կյանքի հոռի ու

¹ Եր. Շահաղիզը, 1947 թ. լույս տեսած Ս. Շահաղիզի «Երկերի» նախաբանում և «Լեոնի վշտի» ծանոթագրութիւններում հայտնել է այն կարծիքը, որ բանաստեղծը, խարաղանելով խափարած ու սուցիչներին, նկատի է ունեցել Մսեր Մսերյանին, որը Լազարյան ճեմարանում եղել էր Սմբ. Շահաղիզի ուսուցիչը:

ստվերոտ կողմերը մերկացնող ու ձաղկող Սվաճյա-
նի ստեղծագործություններով.

Սիրած գրքերից մեծ պաշար առած.—
Տխուր մեղեդիք Հեյնե պոետի,
Գեոտեի Ֆաուստ, այս անմահ քերթված,
Թափառաշրջիկ վեպք Չայլ-Հարոլդի:

Երգիծանիչ գործը Հոբենալի,
Եվ Բեռանժեկ ոգելից երգեր,
Եվ պատմությունը լրջամիտ Բեոքլի,
Եվ Շեքսպիրի ողբերգություններ:

Մի քանի համար Մեղվից Պոլիսի,
Մի քանի երգեր մեզ ծանոթ Կոմսի,—
Եվ այս բոլորը ամուր կապկպած,
Անցնել լրագրի թերթերով փաթթած...

Սկսվում է Լեոնի ուղևորությունը: Առաջին
հայաշատ քաղաքը Նոր Նախիջևանն է, ուր նա
ականատես է լինում ժողովրդի արգարացի զայ-
րույթին՝ ընդդեմ իրենց հոգևոր առաջնորդի, որն
ազգադավ գործունենությամբ գրգռել էր հասարա-
կությանը և ատելություն սերմանել իր շուրջը.

Խափար բռնավոր և ծննունդ դահճի,
Գահիճ արարքով և դահիճ հողով,
Հովվում է հոտը մեր Լուսավորչի
Անուղղա բարքով, թյուր բարոյներով:

Ի դեմս այդ հոգևոր առաջնորդի, Սմբ. Շա-
հազիզը նկատի է ունեցել Նոր Նախիջևանի և Բե-
սարարիայի թեմի առաջնորդ Գաբ. կպիսկոպոս
Այվազովսկուն, որը դաշնակցած Նոր Նախիջևանի

քաղաքագլուխ, հայտնի սեփականներ Հարություն Խաչիւրյանի հետ, գործում էր ընդդեմ ժողովրդի և ազգային իրավունքներին¹:

Շահազիզի երկիրում հաճախ են շոշափված կրոնի և հոգևորականության հարցերը: Բանաստեղծություններում տեսանք, թե ինչպիսի խըստությամբ էին դիմակազերծ արված իրենց կոչման բարձրության վրա չգանվող հոգևոր պետերը («Դավաճան»): Այստեղ նույն դիրքերից, կոնկրետ փաստերով քննադատված է նաև կղերականությունը: Սարազանեկով հոգևորականությանը, բանաստեղծը երբևէ չի հերքել կրոնը: Վերջինս, ըստ Շահազիզի, մարդկային մտքի, առաջընթացի մեծագույն ազդակն է. նա նույնացված է ճշմարտության հետ, իսկ ասածո գաղափարը՝ գիտության:

Լեոնը հաշորդ հայաշատ քաղաքումն է՝ Թիֆլիսում: Փոխվում են հերոսի խորհրդածածությունները: Նա ծանոթանում է հայուհիներին հետ և հրապուրված վերջիններին գեղեցկությամբ, ներբողում է նրանց: Գեղեցիկ է հայուհին, բայց օտարացած, վատ դաստիարակության հետևանքով նա զրկված է մայրենի լեզվից ու ազգային գիտակցությունից:

¹ Այվազովսկու հակաժողովրդական գործունեության մասին ընդարձակ տեղեկություններ է տղայրել Եր. Շահազիզը 1947 թ. լույս տեսած ՍՄԲ. Շահազիզի «Երկերին» կցված ծանոթագրություններում:

Աղջիկը չունի դաստիարակութուն
Ո՛չ ազգի հոգով և ո՛չ օտարի.
Արտաքին պշրանք և փայլողութուն,
Ա՛յս է հոգևոր կերակուր կյանքի:

Ահա ժամանակի դաստիարակության ոգին,
որը դրականության միջոցով հասարակական պար-
տավանքի ու ծաղրի է ենթարկվել և մեր տար-
բեր հեղինակների կողմից: Բավական է հիշատա-
կել Ռ. Պատկանյանի երկու հայտնի բանաստեղ-
ծությունները՝ «Մայրաքաղաքում կրթած հալ երի-
տասարդ» և «Մայրաքաղաքում կրթած հալ աղ-
ջիկ», ուր սպանիչ ծաղրով ներկայացված է հալ
երիտասարդության անբովանդակ կյանքը, օտա-
րացումը ազգից և քաղքենիական դաստիարակու-
թյունը:

Տեղը եկավ՝ հայ է նա, տեղը եկավ՝ այլազգի.

Իրոք ո՛չ այդ և ո՛չ այն է, այլ ծընունդ մի նոր ազգի:

Հալ կիներ անարժան հաջորդն է արժանավոր
նախնիների. հայրենիքի համար անձնուրաց զո-
հաբերվեց Վ դ. հայուհին, սակայն նրա հերոսա-
կան կերպարը չունեցավ իր հաջորդները: Մտա-
վորապես ընկած, բարոյապես ճնշված է ժամա-
նակակից հալ կինը. նա ամուսնու հաճույքի ա-
ռարկան է, ենթակա նրա բանություններին, զուրկ
կամքից և ինքնուրույնությունից: Հոգևորական
կությունն ա. բարոյական ստրկությունն անկարող
են նրան մայր դարձնել՝ ներշնչողը մահուկ սերնդի

հայրենասիրության, անձնվիրության և ազատության գաղափարները:

Ծանոթանալով հայ հասարակական կյանքին, Լևոնը հակադրվում է գոյություն ունեցող իրականության բարոյական չափանիշներին, մերժում է ժողովրդին անհասկանալի ու անիմաստ ազգային գրականությունը և սխոլաստիկ հեղինակներին: Գրական ընդհանուր այս միջավայրում սուսնձնացված է մի պայծառ դեմք, ամբասիր արվեստով ու մարդկային նկարագրով, հոգով հարուստ, գործով անմահ: Անունը հիշատակված չէ, սակայն ընդհանուր հատկանիշների մեջ, որոնցով Շահազիզը բնութագրում է իր սիրած գրողին, դժվար չէ ճանաչել Մ. Նալբանդյանի հերոսական պատկերը.

Բայց քեզ հանում եմ այս տխուր դասից,
Ո՛վ նոր հայտնուս և ազնիվ մշակ,
Քեզ կարող էի անմահ փուշերից
Քաջ մարտիրոսի բոլորել պսակ:

Քնարիդ լարերն ազատ շարժվում ե՛ն,
Երբ ազատ քո կամբ, ազատ քո հոգին.—
Այդպես սոխակներ ներգաշնակում են,
Հեռու վանդակից, թփերի միջին:

Սրտիդ կսկիծը—կսկիծ է ազգի,
Եվ ո՛չ մի դիմակ կեղծավորության,
Գրչիդ վաստակը—մեծությունն Հայի,—
Թեև հայասերք են քո դավաճան:

Ո՛վ ազգի անդամ, հավերժ հարգելի,
Թո՛ղ մխիթարե կուրծքիս հառաչանք
Պայծառ ճակատըդ Հայրենասիրի,
Որի վարձն եզով ապերա՛խս զրկանք:

Լևոնի ուղևորությունը հասնում է չուր բուն նպատակին. նա արդեն Հայաստանումն է, որին և նվիրված է պոեմի վերջին գլուխը:

Գունեղ ներկերով, բանաստեղծական կենդանի պատկերներով նկարագրված է Արարատյան դաշտի կենսաբեր բնության հարստությունն ու գեղեցկությունը՝ վերջինիս հարկադրելով բռնության լծի տակ հեծող, սովամահ ժողովրդի իրավագուրկ կյանքը: Տեսնելով հայրենիքի ստրկացած վիճակը և նրա որդիների անտարբերությունը, Լևոնը կոչ է անում ոտքի կանգնել ընդդեմ բռնության և ինքը զինվորագրվում է այդ պայքարին.

Մի վե՛ր կաց, կանգնի՛ր, աշխարհ Հայաստան,
Մի թա՛փ տուր ուժով, թո՛ղ ձեզքվեն կապանք.
Ահա՛ քեզ արյուն իմ նվիրական,
Թո՛ղ ցողեն դաշտերդ փրկության հոսանք:

Ձենքի ուժով է միայն հնարավոր խորտակել բռնության շղթան, զենքով միայն կարելի է նվաճել ազատությունը:

Ուրե՛՛մըն թրեր, ուրե՛՛մըն սրեր,
Թո՛ղ հանդիսանան այստեղ դատավոր,
Թո՛ղ թափվին անպարտ արյան առուններ,
Դա անմա՛հ գործի է ավետավոր:

Շահագիզի հերոսը հասնում է պայքարի ամե-

նաբարձր ստախճանին. նա «թրուլ» ու «սրուլ» է ուղում ձեռք բերել օտար լծի տակ ստրկացած հայրենիքի ազատությունը, բայց թույլ էր Լեոնի մարտական հոգին, անկալուն և ոչ հեռուդական: Նա բուրժուական լուսավորական դիրքերից պաշարող հերոս էր և նրա ցասումն ու բողոքը ի վերջո հանդում են հայրենիքը ուսմամբ ու կրթությամբ փրկելու գաղափարին, նրա կարծիքով (հեռաբար՝ նաև Շահազիզի համոզմամբ) ժողովըրդի լուսավորությունն էր հայերի ինքնագիտակցության զարգացման և ազգային վերածննդի գլխավոր նախապայմանը:

Ուսո՛ւմ և ուսո՛ւմ մեզ հարկավոր է,
 Ուսումը լինի թո՛ղ մեր թագավոր,
 Ուսումը Հային թո՛ղ բուսուցանե
 Մի բարի վիճակ և կյանք փառավոր:

Այս խորհրդածություններով և համոզմամբ իր ավարտին է հասնում Լեոնի ուղեորությունը, վերջանում է նրա միսիան հայրենիքի հանդեպ:

* * *

«Լեոնի վշտի» հղացման ազդակը, ինչպես տեսանք, հալ ժողովրդի քաղաքական-հասարակական վիճակն էր, նրա ձգտումներն ու իղձերը: Սակայն պոեմում ակնհայտ են և ժամանակի ուսական իրականության՝ 60-ական թվականների ազատագրական շարժման արձագանքները, որոնք

իրենց ներգործութիւնն են ունեցել նրա ընդհանուր ոգու, շոշափլած հարցերի վրա և նպաստել են քննադատական մտքի զարգացմանը:

Յուրի Վեսելովսկուն ուղղած նամակում, Շահազիզը գրում է.

«Յոսք չկա, որ ինձ, ինչպես և մեր ամբողջ սերնդի վրա ուժեղ ներգործութիւն է ունեցել մեծ ռեֆորմների էպոխան և նրա արտացոլումը ռուսական մտավոր կյանքում: «Լեոնի վիշաը», ուր մերկացվում են հալ իրականութիւն մութ երևույթները և արտահայտում են նրա վերածննդյան երազները, զգալիորեն ստեղծվել է այն ոգեւորութիւն ազդեցութիւն տակ, որն առաջացել էր դյուրացիութիւն ազատագրմամբ:

Հիշում եմ, թե ես ինչքան սրտիս մոտ էի ընդունում այդ դեպքը:

Ընկերակիցների շրջանում ես պատկանում էի այն երիտասարդների թվին,—շարունակում է Ս. Շահազիզը,—որոնք ավելի ջանադիր հետևում էին ռուսական ամսագրերին, օրինակ՝ «Современник»-ին: և այնտեղ շոշափած հարցերին... 1859 թ. «Современник»-ից է վերցված «Լեոնի վշաի» երգերից մեկի բնարանը...»¹:

«Լեոնի վշաի» գաղափարների կրողը, հեղինակի մտքերի և խոհերի հաղորդակիցն ու պայքարի

¹ Ю. Веселовский, Русское влияние в современной армянской литературе, Москва, 1903, էջ 14.

անբաժան ընկերը երկի միակ հերոս Լևոնն է, որն իր ժամանակի և միջավայրի մեջ նոր մարդ էր: Նոր էր իր հետաքրքրություններով, ձգտումներով, հնի քննադատությամբ: Քաղաքական նկարագրով Լևոնը հասավ այն բարձրության, որ կարողացավ տեսնել աշխատավոր համքյարին և ողջունել արդար քրահնքով ձեռք բերված նրա ազնիվ վաստակը.

Միայն Համբարն է, որ համեստ բարքով
Սիրում է վաստակ հեռու վաս կյանքից.
Հոլարտ է Համբարն. պարզերես զեմքով,
Ոչինչ ահ չունի զխոտ հարստից:

Լևոնը տեսավ այլելին, հակադրությունը երկու գառակարգերի, թե ինչպես շահագործվում է խեղճ աշխատավորը, լուրացվում է նրա վաստակը անառակության և խարեության ճանապարհով.

Անառակության ճանապարհներով,
Խեղճ չբավորի հացը կորելով,
Գիզում եք առատ արծաթի թումբեր
Նվ ինչո՞ւ համար, աչքածակ գայլեր:

Իբ ուղեորության ընթացքում նա տկանատես դարձավ սոցիալական բաղմաթիվ չարիքների ու հակասությունների, և նրա սիրտը լցվեց զալրուլթի ու ատելության թուչնով: Լևոնը հոգևոր վերածնության գիրքերից պալքարող, դեմոկրատական գաղափարախոսությամբ տողորված բուրժուական երիտասարդության ներկայացուցիչներից էր: Նա օժտված էր գիտելու, վերապրելու,

ներքնապես մաքրակու կարողություններով, բայց դուրաբեկ էր և թույլ պայքարում: Նահողե-բանորեն պարտվեց իրականությունից, մասնավեց հոռետեսության և նույնիսկ իր վերջնական կզրա-կացության մեջ՝ կրթությամբ փրկել հայրենիքը, տոկունություն և հետևողականություն չցուցա-բերեց և հանգեց այն համոզման, թե անկարող է հաղթել չարին:

Նորա սիրտն լցվեց դառն մտածմունքներ,
Որ նա չկարաց թավալել Չարին:

Մեր կզրակացությանը որպես ապացույց կհիշատակենք հետևյալ փաստը: Ըստ Ս. Ման-գինյանի, «Լևոնի վիշտը» ունեցել է նախնական վարիանս, որը Շահազիզը կարգացել է Լազա-րյան ճեմարանի աշակերտությանը և հետագայում ոչնչացրել:

«Վիշտ՞ւմ եք, թե քանի դուխներ Ձեր վիպա-սանությունից մեր առաջ կարգացել եք, ապա ծվին-ծվին պատուել եք, մինչև որ «Լևոնի վիշտը» տպագրված տեսանք և ամսոսացինք, որ մեջը պատռտածների հետքեր չէին մնացել»¹:

Նույն փաստը ավելի շահեկան մանրամաս-նություններով պատմել է Փ. Վարդանյանը, թե ինչպես ինքը՝ Վարդանյանը կարգացել և ուղղում-ներ է կատարել «Լևոնի վիշտի» նախնական օրվ-

¹ Մամբատ Շահազիզյանի երեսնամյա հոբելյանը, 1894, էջ 103:

նակի վրա և համաձայն այդ ձևագրի՝ Լեոնը հուսախաբուծյունից վախճանվել է¹: Լեոնի նման մահը տրամաբանական լուծումն էր նրա ընդհանուր նկարագրի, հասարակական պայքարում հուսախար և պարտված հերոսի: Չիշտ է, տպագիր օրինակում անհայտ է Լեոնի ճակատագիրը, բայց դժվար չէ գուշակել, որ Լեոնը, և՛ թե ոչ Ֆիզիկապես, գոնե հոգեպես սպառված էր արդեն:

Լեոնի հոգեկան պարտուծյունը պայմանավորված չէր նրա նկարագրի թուլությամբ կամ անձնական անհաջողությամբ, այլ ավյալ ժամանակաշրջանի արտահայտուծյունն էր, ռևոլյուցիոն սիտուացիայի նահանջը, վայրէջքը, որը գրեթե ավելի հույսերի խորտակմամբ, տատանումներով ու հուսահատությամբ:

Լենինը Գերցենի հիշատակին նվիրված հոդվածում, խոսելով Գերցենի «հոգևոր ողբերգության» մասին, ցույց է տվել վերջինիս քաղաքական-հասարակական պատճառները, որպես էպոխայի առանձնահատկություն, որն իր անդրադարձումն ստացավ և Գերցենի մոտ:

Վերցենի հոգևոր կրախը, նրա խոր սկեպտիցիզմը և պեսիմիզմը 1848 թվականից հետո, սոցիալիզմի վերաբերմամբ բուրժուական պատրանքների կրախն էր: Գերցենի հոգևոր գրաման ծնունդն ու արտացոլումն էր համաշխարհային պատմական այն դարաշրջանի, երբ բուրժուական

¹ Սմբ. Շահաղիզ, Երկեր, 1947, էջ 228:

զեմոկրատիայի ռեուլյուցիոնությունն արդեն մահանում էր (Եվրոպայում), իսկ սոցիալիստական պրոլետարիատի ռեուլյուցիոնությունը դեռևս չէր հասունացել»¹:

* * *

«Լեոնի վիշտը» անցյալ դարի 60-ական թվականներին հայ հասարակական կյանքն արտացոլող առաջին պոեմն է: Նա հանդես եկավ այն ժամանակ, երբ մամուլի, հրատարակատեսության և գեղարվեստական գրականության մեջ՝ Աբովյանի, Պատկանյանի, Նազարյանի և Նալբանդյանի երկերում ամենայն վճռականությամբ առաջադրված էին հայ ժողովրդի քաղաքական զարթոնքի և մտավոր վերածննդի հարցերը:

Շահազիզի պոեմի գաղափարական տիտղոսները սկզբնավորվում են «Հյուսիսսփայլից»: Հյուսիսսփայլյան դիրքերից քննադատված էր հոգևորականությունը, հայ ժողովրդի մտավոր հետամնացությունն ու բարոյական ալլասեռումը, քաղքենիական կենցաղը, դպրոցների սխալ, հակամանկավարժական դրվածքը, կնոջ իրավազրկությունը: Նույն դիրքերից էր մղվում պայքարը գրաբարի, հնամուլության և նրանց պաշտպանների՝ «ծերերի» դեմ: Եվ վերջապես Շահազիզը Նազարյանին էր ձայնակցում՝ էջմիածնում հոգևոր ակադեմիա հիմնելու առաջարկով,

¹ Վ. Ի. Լեևին, Երկեր, 4-րդ հրատ., հատոր 18, էջ 14:

հայրենիքը լուսավորությամբ ազատագրելու որպես միակ ուղի: Եվ բնավ պատահական չէ, որ «Լևոնի վշտի» հրապարակումից հետո, ողջունի առաջին ջերմ խոսքով «Հյուսիսափայլում»¹ հանդես եկավ Նազարյանը: Նա Շահազիզի ստեղծագործությունն մեջ տեսավ «Հյուսիսափայլի» հրապարակախոսության գեղարվեստական ընդհանրացումը:

Նազարյանը արժեքավորեց նաև երկի իդեական՝ իր տեսակետով ճիշտ ելակետը, որն ազգի փրկության միակ ուղի համարել է կրթությունը, ուսումը և անվերապահ ժխտումը հնամուլության ու պահպանողականության:

«Ամենևին ուղիղ և ճշմարիտ ձայն է տալիս Լևոնը, ուժգին բարձրացնելով լուր բարբառը, թե միակ ճանապարհը փրկության է ուսումն, դպրոց, բանագիտ վարժապետք, խելացի կրոնուսույցք, ոչ հնամուլ ուսուցիչք Հայոց ճարտասանության, այլ նոր ժամանակի հոգուն և պիտույքին քաջ ուշադիր մարդիկ, որով միայն կարելի էր դարման տանել ազգային ցավերին և մեր ընդհանուր հայկական թշվառությանը, բուն արմատից սկսանելով ցավագարված ազգի բժշկությունը: Մեք առ

¹ Հայանի է, որ «Հյուսիսափայլը» փակվեց 1864 թ., իսկ «Լևոնի վիշտը» լույս տեսավ 1865 թվականին և որովհետև ամսագիրը միշտ ուշացումներով էր տպագրվում, խմբագրությունը հնարավորություն ունեցավ «Լևոնի վշտի» մասին ասելու իր խոսքը:

ի սրտե ձայնակից կնք Լևոնին և բանաստեղծի
գեղեցիկ ու առողջամիտ գաղափարներին»¹:

Մի քանի մասնակի գիտողություններից հե-
տո Նազարյանը տալիս է երկի ընդհանուր գնա-
հատականը, որպես հայրենասիրական գործի, որը
«...ոչ մի առողջամիտ հայրենասեր ընթերցող
ձեռքից ցած գնելու չէր, առանց սիրտը շարժվե-
լու նույնպիսի տաք հայրենասիրական զգաց-
մամբք, որ սկզբից մինչև վերջը փչում են Շա-
հազիզյանի բանաստեղծական գրվածի մեջ»²:

Նազարյանից հետո «Լևոնի վիշտը» մատնը-
վեց լուսթյան, ավելի ճիշտ՝ հալածանքների: Ան-
ցյալի հալ սեակցիոն մտավորականությունը Շահա-
զիզի համարձակ և անողոք մեղադրանքների,
քննադատությունների մեջ տեսավ իրականության
մերկացումն ու խարազանումը: Բացի այս, «Լևո-
նի վշտում» ակնհայտ էր Նալբանդյանի ազատա-
տենչ ոգու, առաջավոր գաղափարների ազդեցու-
թյունը, որի համար, իրավամբ, ժամանակակից-
ները «Լևոնի վիշտը» համարեցին «Նալբանդյանի
վիշտը»: Ուշագրավ է նաև այն ավանդությունը,
ըստ որի Նալբանդյանը բանտում կարգալով պոե-
մը, բացականչել է. «Լևոնի վիշտը իմ վիշտն է»:

Այս բոլորից հետո պարզ է, թե ինչո՞ւ ցա-
րական կառավարության ներքին գործոց մինիստր
Վալուեին, Շահազիզի գաղափարական հակառա-

¹ «Հյուսիսափայլ», 1864, № 12, էջ 779:

² Նույն տեղում, էջ 780:

կորդների նախաձեռնութեամբ, ուղարկվեց անստորագիր, գաղտնի լրտեսագիր «Լեոնի վշտի» հրատարակման առթիւ: Լրտեսագիրը պետութեան ուշագրութեանն էր հանձնում Շահազիզին իր երկի այն լուսավոր, առաջավոր գաղափարների համար, որոնցով նա արժեքավորվում է այսօր:

Ի՞նչ մեղադրանքներ էին Շահազիզին վերագրված:

Նախ, «Հյուսիսափայլի» գրական կարծիքը «Լեոնի վշտի» հրատարակութեան առթիւ, որովհետեւ այդ ամսագրի հետեորդները «քաղաքական հանցավոր, Պետրոպավլովսկ բերդում նստած Նալբանդովի հետեորդներն են» և «Լեոնի վիշտը» ոմանց կողմից համարվել է «Նալբանդյանի վիշտը»:

Երկրորդ, «Լեոնի վշտի» մեջ կան բազմաթիւ հակապետական արտահայտութեւններ, ակնարկներ Գարիբալդիի, իտալացիների և լեհերի մասին: Խորհուրդ է տրվում հայերին ամեն ջանք գործադրել ստրկութեւնից ազատագրվելու համար: Բացի այս, խիստ քննադատված է հոգեորականութեւնը: Մեղադրանքների կետերից էր և այն, որ Շահազիզի աշխատութեան մեջ հարձակման են ենթարկված ռուսական կառավարութեանը հալատարիմ և «Նալբանդովի կուսակցութեանը չպատկանող» անձինք:

Ահա այն հիմնական մեղադրանքները, որոնց համար առաջարկվում էր հանդիմանել գրաքննիչին, որ թույլատրել է գաղտնի նպատակներ հե-

տապնդոդ այդ մնասակար գրքի տպագրութիւնը
և հսկողութեան տակ առնել գրքի հեղինակին:

Լրտեսագրի հեղինակի բուն նպատակը «Լեո-
նի վիշտը» քաղաքական անվտանգութեան, կառ-
կածանքի տակ առնելն էր, բայց նա ընդհանրա-
պես հետաքրքրական փաստաթուղթ է՝ ժամանա-
կի գրական-հասարակական միջավայրի որոշ խըն-
դիրներին և հատկապես «Հյուսիսափայլի» ու Նալ-
րանդյանի նկատմամբ հակառակորդ բանակի ներ-
կայացուցիչներին դիրքորոշումը լուսարանելու տե-
սակետից:

Շահագիլի հակառակորդները չհասան իրենց
հուսացած արդյունքին: «Լեոնի վիշտը» ուղարկվեց
քննութեան Կ. Նզյանին. քննութեան արդյունքները
հօգուտ հեղինակին էին, չնայած, Նզյանի դիտողու-
թիւններին մեջ ուշագրութեան էր առնված «...որ
կան կառավարութեան դեմ ուղղված թշնամական
տեղեր, ակնարկներ այն մասին, որ ժողովուրդը
չպետք է կուրորեն հնազանդի ցարական կառավա-
րութեան, շատ է խոսվում Գարիբալդիի մասին»²:

Բացի հիշյալ լրտեսագրից, գրվել էր և մի
բողոքագիր «Լեոնի վշտի» ընդհանուր քննադա-

¹ Այս փաստաթուղթը առաջին անգամ հրատարակեց
Ա. Հովհաննիսյանը Մ. Նալրանդյանի «Անտիպ երկերում»,
1935, էջ 705:

² Կ. Նզյանի կրթակազմութիւնը «Լեոնի վշտի» մա-
սին նույնպես առաջին անգամ տպագրվեց Մ. Նալրան-
դյանի «Անտիպ երկերում», էջ 706:

տական ոգու և հարուցած հարցերի դեմ: Շահագիղին անհայտ էր բողոքագրի հեղինակը, բայց նա համոզված էր, որ այն գրված պետք է լիներ երեք անձերի մասնակցութեամբ՝ Մ. Էմինի, Մ. Մսերյանի և հետագայում ճեմարանի վերատեսուչ Գ. Քանանյանի, որոնք հանձին Շահագիղի տեսան իրենց գաղափարական նոր հակառակորդին և «Լեոնի վիշտը» ամբաստանեցին ճեմարանի հոգաբարձու Սաչատուր Լոզարյանի մոտ: Վերջինս երկի քննութեանն հանձնեց ճեմարանի պրոֆեսոր Իվան Կոնդրատիչ Բաբստին: Քննութեան արդյունքը ի նպաստ Շահագիղի էր: Բաբստի տված կզրակացութեանից պարզվում է, որ մինչև իսկ հարց է հարուցված կղկղ Շահագիղին աշխատանքից ազատել, որի դեմ իր տարակուսանքն է հայտնել պրոֆեսորը.

„Он любим всем заведением; энергичен, честен. Возможно ли его уволить?“¹: «Լեոնի վիշտը», բացի ակնհայտ հալածանքներից ու գաղանի ամբաստանութեանից, ինչպես ասացինք, մատնված էր անուշադրութեան ընդհանրապես ժամանակի քննադատական, հասարակական մտքի կողմից: Այս մասին անդրադարձել է Ա. Ծատուրյանը 1894 թ. Մոսկվայում լույս տեսած «Ս. Շահագիղի երեսնամյա հոբելյանը» վերնագրով ժողովածուի ներածութեանում:

¹ Մմբ. Շահագիղ, Հոբելյանի տարեգարձ, 1893, էջ 45:

«...«Լևոնի վշտի» նման մի փալլուն գործը համարյա աննկատելի մնաց այն ժամանակվա աշխարհիկ անփալլ և աղքատիկ բանաստեղծական գրականության մեջ»¹:

Ծատուրյանի խոսքը վերաբերում էր Շահազիզի ստեղծագործությունն արժեքավորող լուրջ ուսումնասիրությունների բացակայությունը, այլապես հետագայում եղան Շահազիզով՝ հատկապես «Լևոնի վշտով» զբաղվողներ, որոնք, բացառությամբ Եղիշե Մազաթյանի, չկարողացան գնահատել հեղինակի քաղաքական-հասարակական նպատակագրումները և արժեքավորել այն նորը, որ կապվում է Շահազիզի անվան և հատկապես «Լևոնի վշտի» հետ: «Լևոնի վիշտը» համարվեց «Հյուսիսափալլ»-ի գաղափարների սոսկական կրկնությունը, զրկելով հեղինակին ինքնուրույնությունից և գեղարվեստական ընդհանրացման կարողություններից: Այս մասին հեղինակը Եր. Շահազիզին գրած նամակներից մեկում ասում է:

«Սխալված չեմ լինի, եթե ասեմ, որ հիշյալ թղթակցությունը (այսինքն՝ «Նոր Դարի» — Ա. Մ.) Մոսկվայի ցեցերի ծեփածն է: Մոսկվայի ցեցերը, իրանց նկարագիրը տեսնելով մեր գրքուկի 15, 16, 48 և 49 երեսների վերա, չէին կարող հանդիսատեղը նստել: Ասածս հաստատում եմ այն բանից, որ գրություն եղանակը, — զուտ թշնամական, —

¹ «Մերառ Շահազիզյանի երեսնամյա հորելյանը», 1894, էջ 6:

այն է, ինչ որ անցյալ տարին տպած պասք-
վիլը «НОВОСТИ ДНЯ» լրագրի մեջ: Այնտեղ
ասած էր, որ «Լեոնի վիշաբ» ամբողջապես քա-
ղած է «Հյուսիսափայլի» առաջնորդողներից. այդ
հոդվածի մեջ կրկնված է նույն բանը, ավելացնե-
լով «այժմյան զանազան պարբերական հրատա-
րակություններից...»¹:

Շահազիզի և «Լեոնի վշաբ» շուրջը գոյու-
թյուն ունեցող սխալ մեկնություններին ու անտար-
բեր լուծյան վերջ տվեց երիտասարդ քննադատ
Ն. Մադաթյանը՝ «Մմբ. Շահազիզյան, բանաստեղծ-
հրատարակախոս» ընդարձակ և շահեկան հոդվա-
ծով՝ տպագրված «Մուրճ» ամսագրի 1891 և 1892
թվականների համարներում:

Քննադատը, ելնելով միանգամայն օբյեկտիվ
դիրքերից, փաստական մեջբերումներով ցույց
տվեց Նազարյանի և Շահազիզի գաղափարական
ընդհանրությունները, բնավ չժխտելով բանա-
ստեղծի ինքնուրույնությունը:

Երկրորդ հարցը, որը զբաղեցրել էր Մադա-
թյանին, հեղինակի և Լեոնի անհատական նկարա-
գրերի, նրանց խառնվածքի նույնության ապա-
ցուցման հարցն էր: Այս բոլորից հետո ուսում-
նասիրության էր ենթարկել Լեոնի բարոյական-
հասարակական կերպարը՝ համարելով նրան նոր և
լուսավոր գաղափարների սերմանող, որի «...ուժը

¹ Գրականության և արվեստի թանգարան, Եր. Շա-
հազիզի ֆոնդ, III բաժին, № 259:

յուր համոզմունքների անկեղծութեան և անկաշա-
ռութեան մեջ է, իսկ թուլութիւնը՝ իրական կյան-
քին անծանոթ լինելու, կամ քի անդորութեան և
անգործունեութեան մեջ»¹:

Ավարտելով պոեմի գրական-գեղարվեստական
վերլուծումը, Մաղաթեանը ցույց է տվել Շահա-
զիզի կրած ազդեցութիւնները ուս և օտար գրա-
կանութիւններից՝ հատկապես Բայրոնի «Չալլի
Հարոլդ»-ից:

Մաղաթեանի ուսումնասիրութիւնը նվիրված
էր ո՛չ միայն «Լևոնի վշտին», այլև հեղինակի
ողջ ժառանգութեանը, բանաստեղծութիւններին
ու հրապարակախոսական երկերին: Ե. Մաղաթեա-
նը իրավամբ արժեքավորել է Շահազիզին իբրև
սիրո և բնութեան երգչի, որպես հայ նոր պոե-
զիայի հիմնադիրներից մեկի, մի բանաստեղծի,
որը երգել է ազատութեան և հայրենասիրութեան
սուրբ գաղափարները, անմիջականորեն արձա-
գանքելով հայ հասարակական կյանքի զարթոնքին:

Սմբ. Շահազիզի հրապարակախոսական երկե-
րը վերլուծելիս Մաղաթեանը ծանրացել է հատ-
կապես նրա մանկավարժական հայացքների վրա,
նշելով դրանց առաջավոր բնույթը, իսկ «Հրապա-
րակախոս ձայնի» մասնակի վերլուծումներով փոր-
ձել է ապացուցել Շահազիզի մտածողութեան
ինքնուրույնութիւնը, որոշ հարցերում նրա հա-
կադրութիւնն և քննադատական մտանցումը Նա-

¹ «Մուրճ», 1892, № 1, էջ 121:

զարչանի նկատմամբ: Շահագիզը, գրում է Մա-
գաթյանը, «...ո՛չ որպես կույր երկրպագու, այլ
որպես համոզված գաղափարակից է մտնում նա-
զարչանցի գրոշակի տակ»¹:

Վերջնական եզրակացության մեջ Մագաթյա-
նը Շահագիզի պոեզիայում գերիշխողը համարել
է հրապարակախոսական տարրը, չնսեմացնելով
երեք բանաստեղծի վաստակն ու արժանիք-
ները:

Իստեպես քննադատների անհողի վերաբեր-
մունքից, առանց սեփական ուժերի վերադնահա-
ման, Շահագիզը ինքը ևս փորձել է ցույց տալ
«Լեոնի վշտի» հասարակական նշանակությունը:
Եր. Շահագիզին գրած նամակում մի քանի տո-
ղերով նա բացատրել է, թե ի՛նչ մղումների ծը-
նունդ էր «Լեոնի վիշաք» և ինչ կենսական հար-
ցեր են առաջ քաշված այստեղ:

«...Գրա մի ժամանակ, երբ անաչառ դատա-
վորները, հայանի բան է, չհեռակելով Թիբրաննե-
րին (ակնարկում է Տիբրան Հովհաննիսյանին—
Ս. Մ.) կտան «Լեոնի վշտին» իր անզը հայ գրական
վերածնության մեջ: Այդ անաչառ դատավորները
ո՛չ «Լեոնի վշտի» ճրագին կնախանձին, և թե ար-
դարև մի այդպիսի ճրագ կա նրա մեջ, և ո՛չ կթաք-
ցընեն սույն հանգամանքը, որ նույն «վիշաք» ոչ թե
ճրագ է կղել, այլ միայն մի հաղիվ հազ ասկայծող

¹ «Մուրճ», 1891, № 5, էջ 633:

պատրույք, որ խսկույն հանգիւ է և թանձր մուր է
 թողել նոր գրականութեան մեջ: Մի բուն միայն ևս
 չեմ հասկանում, թե ի՞նչպես է կարելի «հին հա-
 գուստ» կոչել այն, որ դեռ ոչ ոք չհագած մաշվել
 է: Մի՞թե մեղավոր է հագուստի կարող-ձեռքը,
 եթե նրա տերը — հասարակութեանը — կամ մեռած
 է և կամ թե երկարատե հիւլանդութեան անկող-
 նում ընկած: «Լեոնի վշտի» գաղափարները, վերա-
 բերյալ հասարակաց կյանքի կտրմակերպութեան,
 շորի պես հնանում են այն ժամանակ, երբ «այդ
 հասարակաց կյանքը» արդեն մշակագործել է ինքը
 յուր մեջ և այնուհետև կարոտ է ուրիշ գաղափար-
 ների բարձրագույն առաջադիմութեան համար:
 Ինչ-որ «Լեոնի վշտը» պահանջել է հայերից,
 մինչև այսօր այնքան է իրագործվել, որ համա-
 բն թե անկարելի է նկատել: «Լեոնի վշտի» առաջ-
 նորգող գաղափարը է մայրենի լեզվի զարգացու-
 մը հայերի մեջ, որի սկիզբը լիապես տրվում է
 մայրերի միջոցով: Վաթսուն թվականներից մինչև
 այսօր շատ է առաջ գնացել հայ կինը, և կարծում
 ենք, շատ և շատ փոքր: Հայ կինը առաջ է գնա-
 ցել միայն նրանով, որ ամբողջապես ծփում է մո-
 տաների բազմատեսակութեան մեջ: Այս տեսակ հար-
 ցերի մասին շատ երկար կլինեն խոսել: Իսկ մեր
 կրիտիկոսները, որոնց համար խոսքի տնտե-
 սութեան չկար, անդադար շռայլում են տողեր ու

էջեր, միայն թե կարողանային «Լեոնի վշտի» նշանակութիւնը նսեմացնելու»¹:

Բանաստեղծի հուշերն արդարացան. ապագան արժեքավորեց նրա կրկը, որը հայ գրականութեան պատմութեան մեջ նշանակալից կրեուլթ էր: Մինչ Շահազիզը պոեմի ժանրը մշակել էին Մ. Թադիսդյանը, Ղ. Ալիշանը, Ռ. Պատկանյանը, սակայն նրանց ստեղծագործութեան բովանդակութիւնը դերազանցորեն պատմական անցյալն էր, ինչպես օրինակ, Ռ. Պատկանյանի «Քաջ վարդան Մամիկոնյանի մահը» և Ալիշանի «Պլպուն Ավարայրին»: Շահազիզն առաջինն էր մեր գրականութեան մեջ, որ իրական կյանքը, նրան հուզող առօրյան դարձրեց պոեմի նյութ:

«Լեոնի վիշտը» լիրիկական-նոստալիկական պոեմ է. նա չունի սյուժետային բարդ կառուցվածք և բազմաթիւ կերպարներ: Միակ հերոսը Լեոնն է, որի ներքնաշխարհի, հուլիւրի, խորհրդածութիւնների նկարագրութեանն է նվիրված կրկը:

Լեոնը հավաքական տիպ է, հեղինակի անհատականութեան գերակշռող հատկանիշներով, և զրգովար է սահմանադատել բանաստեղծին իր հերոսից: Հեղինակի ներկայութիւնը, նրա միջամտութիւ-

¹ Գրականութեան և արվեստի թանգարան, Եր. Շահազիզի ֆոնդ, III բաժին, № 231:

ներ, դատողութիւնները, համակրանքն ու հակա-
կրանքն զգալի են ամենուրեք, հասարակական
երևույթների, թե պատմական իրադարձութիւն-
ների գնահատման դեպքերում:

Անկախ պաշտոնական հետապնդումներից,
հալածանքից ու անտարբերութիւնից, մեծ էր
«Լեոնի վշտի» առաջադրած հարցերի հասարակա-
կան նշանակութիւնը, այն դերն ու ներգործու-
թիւնը, որ նա ունեցաւ ժամանակակից և հատ-
կապես հետագա տասնամյակների հայ գրականու-
թիւնն ու ընթերցող հասարակութիւնն վրա: Անժըխ-
տելի է նրա ծառայութիւնը լեզվի՝ հատկապես
աշխարհաբարի հաղթանակի ու ծափալմտն գոր-
ծում, այն ժամանակ, երբ դեռևս ուժեղ էր գրա-
բարի մրցակցութիւնը և աշխարհաբարի հակաու-
կորգների դիմադրութիւնը:

* * *

Շահագիւղ-բանաստեղծի ամբողջական բնու-
թագրման համար չպետք է անտեսել և այն հան-
դամանքը, որ բացի Կարաշրջանի և «Հյուսիսա-
փայլի» գաղափարական ազդեցութիւններից, նա,
որպես ստեղծագործող, կրել է ուսական և հա-
մաշխարհային գրականութիւնն ազդեցութիւնը:
Ռուսական գրականութիւնից Շահագիւղի նախասի-
րած հեղինակներն էին Պուշկինը և Լերմոնտովը:

Յուրի Վեսելովսկուն ողջած նամակում, Շա-
հագիւղը հայտնել է, որ Պուշկինի պոեզիայի, հատ-

կապես «Եվզինի Օնեգինի» և մասամբ «Գրաֆ Նուլինի» ազգեցությունը զգայի է «Լեոնի վշտում»։ Նա մինչև իսկ մտադիր է եղել ժամանակակից հայ կյանքից զրել «Եվզինի Օնեգինի» նմանությամբ մի պոեմ։

Պուշկինի ազգեցությունն զգալի է Շահազիզի բանաստեղծությունների առաջին ժողովածուի («Ազատության ժամեր») վրա։ Այստեղ է ապագրվել «Кубок янтарный» բանաստեղծության թարգմանությունը։ Իր բանաստեղծություններից մի քանիսի բնաբանները նա վերցրել է Պուշկինից։

Լերմոնտովի «Մեր ժամանակի հերոսը» եղել է Շահազիզի սիրած գրքերից մեկը, որից նա վերցրել է «Լեոնի վշտի» նախերգանքի բնաբանը։ Լերմոնտովի «Прощались мы, но твой портрет» բանաստեղծությունից երկու տող օգտագործված է «Մի քանի խոսք իմ ընթերցողներին» հրապարակախոսական աշխատության մեջ։

Շահազիզի ստեղծագործական կյանքի անբաժան հեղինակը Բալրոնն էր, որի երկերը կարդացել է հափշտակությամբ, ապրել, ոգևորվել անգլիացի մեծ բանաստեղծի ստեղծագործական հանճարով և հետևել նրան։

Բալրոնը գրական ասպարեզ մտավ 19 տարեկան հասակում «Ազատության ժամեր» («Hours of idleness») ժողովածուով, որը նրա պատանեկան երախայրիքն էր։

Բալրոնի առաջին գրքույկը ինքնուրույն և

Թարգմանական բանաստեղծությունների ժողովածու է: Նա Թարգմանություններ կատարել է Էվրիպիդեսից, Էսքիլեսից, Կատուլլից, Հորացիոսից, Անակրեոնից, Վիրգիլիոսից և այլ հեղինակներից: Բայրոնի անդրանիկ ժողովածուն ուներ կենսագրական որոշ արժեք, հետաքրքիր տվյալներ էր պարունակում բանաստեղծի պատանեկան տարիների ընկերական կապերի վերաբերյալ:

1860 թ. 19-ամյա Շահազիզը լույս ընծայեց իր բանաստեղծությունների առաջին ժողովածուն, Բայրոնի գրքի՝ «Ազատության ժամեր» վերնագրով: Նմանությունը պատահական չէր. պատանի հայ բանաստեղծը գրական իր նախափորձերն սկսել էր Բայրոնի հետեոգությամբ:

Շահազիզն իր առաջին գրքուկով ընթերցող հառարակությանը՝ ծանոթացնում էր իր ներքնաշխարհի, հոգեկան տառապանքների ու հույզերի հետ. սգում էր եղբոր մահը, նկարագրում օտարության մեջ սովորող իր, միայնակ պատանու թախիծը, երգում բնությունը, հայրենի գյուղից ու հարազատներից անշատովիլու վիշտը: Անշուշտ այս բոլորը միշտ էլ, բոլոր բանաստեղծների կողմից կարող են երգվել, բայց էականը Շահազիզի լիրիկայի ընդհանուր տրամադրությունն է, որը ներշնչված էր Բայրոնից: Բայրոնի լիրիկան անկեղծ է, կոնկրետ և հարուստ կենսագրական փաստերով: Այս ընդհանուր տրամադրությունն է, որ զգացվում է Շահազիզի մոտ, իհարկե վերարտա-

դրված ստեղծագործական անհամեմատ փոքր
ավյալներով և նվազ կարողութեամբ:

Եթե գրական փորձի նախնական շրջանում
անդլիացի բանաստեղծը Շահազիզի համար գե-
րազանցապես ներշնչումների աղբյուր էր, ապա
հետագայում այդ ներշնչումներն ընդունեցին ավե-
լի որոշակի արտահայտութիւն, հատկապես «Լեո-
նի վշտի» մեջ:

1812 թ. լույս տեսավ «Չայլդ Հարոլդը», ա-
վելի քան 50 տարի անց՝ 1865 թվականին՝ «Լեոնի
վիշտը»:

Տարբեր երկրների, քաղաքական-հասարակա-
կան տարբեր միջավայրերի ծնունդ են «Չայլդ
Հարոլդը» և «Լեոնի վիշտը», սակայն, այս չի խան-
գարել, որ Շահազիզը որպէս ստեղծագործող
հետևեր Բայրոնին:

Երկու պոեմները տարբեր են նաև իրենց հիմ-
նական բովանդակութեամբ և հերոսների նկարա-
գրերով: Բայրոնի Հարոլդը կյանքից հազեցած է,
հզօացած: Նրան անհայտ հեռուներն է մղում
կյանքի քաղմապիտութեամբ ապրելու ցանկութիւ-
նը: Լեոնը՝ հակառակը: Հարոլդը ապրում է իր
հայրենիքում և հիասթափված նրանից մեկնում է
գեպի օտար երկրներ, իսկ Լեոնը օտարութեան
մեջ է, հայրենիքի կարոտն ու նրան օգնելու գի-
տակցութիւնը հարկադրում են թողնել հյուսիսը:
Հարոլդը ուղևորութիւնների ընթացքում վերապ-
րում է այցելած երկրների՝ Իտալիայի, Իսպա-

նիայի, Հունաստանի կրթմանի փառքը. նրա առջև վերակենդանանում են պատմության անջնջելի էջեր հերոսների սիրազործությամբ և նա անցյալը հակադրում է այդ ժողովուրդների ներկա ստրկացած վիճակին: Տեսնելով այս բոլորը, Հարսիլը ապրում է համամարդկային վիշտ: Բայրոնի պոեմը միայն վառ զգացմունքներով հարուստ ճանապարհորդական օրագրությունն չէ: Իր երկում նա անդրադարձել է ժամանակի քաղաքական-հասարակական հուզող հարցերին: Նա ջերմորեն արձագանքել է փոքր ժողովուրդների, մասնավորապես Հունաստանի ազգային-ազատագրական շարժմանը:

Շահագիզի՛ հերոսին՝ Լեոնին, տանջող ցավը հայ իրականությունն էր, հայ ժողովրդի քաղաքական վիճակը, նրա կուլտուրական և քաղաքական վերածնություն խնդիրը: Հանձին հայ ժողովրդի նրա քնարից՝ որպես հումանիստ երգչի, հնչեցին ճնշված ժողովուրդների իրավունքի և ազատության պաշտպանության կրեկրը:

Լեոնի, ինչպես և Բայրոնի հերոսի թախիծը բողոք էր տիրող հասարակարգի դեմ: Բայրոնը և Շահագիզը միայն վշտի ու թախծի կրողիչներ չէին, նրանց վիշտը զայրույթի ու ատելության խոսք էր դաժան իրականությանն ուղղված:

«Լեոնի վիշտը» իր կառուցվածքով հիշեցնում է «Չայլդ Հարոլդին»: Բայրոնի պոեմը չափն սյուժեկետային ամբողջութուն և ոչ էլ գործող անձինք:

Չորս գլուխներից կազմված պոեմի յուրաքանչյուր գլուխ ինքնուրույն ամբողջութիւնն է, ներքին կապը միակ հերոս Չալլգ Հարուլֆնն է: Այս է հիմնականը և ընդհանուրը երկու պոեմների կառուցվածքի մեջ: Չալլգ Հարուլֆի և Լեոնի գործողութեան միջավայրերն ու նկարագրերի հիմնական սուսնձնահատկութիւնները տարբեր լինելով հանդերձ, Շահադիդի հերոսը վերապրում է իր ազգի ողբերգութիւնը հոգեկան այնպիսի տառապանքներով, ինչպես Հարուլֆը՝ տարբեր ազգերի: Մեկը մյուսին հաջորդող պատկերներով Լեոնի սուշև վերակենդանանում են հալ ժողովրդի պատմութեան դրվագները և անցյալը հակադրվում է ստրկացած ներկային: Ուղեորութեան ընթացքում ծանոթանալով իր ժողովրդի հասարակական կյանքի դաժան պայմաններին, հայրենի երկրի բնական գեղեցկութեանն ու հարստութիւններին, Լեոնը Հարուլֆի նման անձնատուր է լինում տխուր խորհրդածութիւնների ու մտորումների: Երկուսն էլ ապրում են նույն հոգեվիճակը, այն տարբերութեամբ, որ Հարուլֆը Հունաստանի կամ Իսպանիայի անհետացած փառքն է գրվատում, իսկ Լեոնը՝ իր հայրենիքի:

Շահադիդը և Լեոնը իրենց գաղափարական ու անհատական ընդհանուր նկարագրերով նույնն են, ինչ-որ Բայրոնը և Հարուլֆը: Պոեմում կան որոշ հաստատման, լիրիկական շեղումներ, որոնք հիշեցնում են «Չալլգ Հարուլֆը»:

Յուլյց տալով ընդհանրությունները, բնավ
չպետք է չափազանցնել բայրոնիզմի ազդեցու-
թյունը Շահազիզի վրա, ինչպես այդ արվել է
անցյալում: Շահազիզին Բայրոնի հետ կապողը
մեծ երդչի ընդվզող քնարն էր հանուն ժողովուրդ-
ների ազատության և իրավունքների պաշտպա-
նության: Շահազիզի «Լևոնի վիշաք» գուտ ազգա-
լին ստեղծագործութուն է, 60-ական թվականնե-
րի հալ հասարակական-գրական շարժման հարա-
գատ ծնունդը:



Շահագրիլի գրական ժառանգութիւնը հարուստ է հրապարակախոսական աշխատութիւններով: Սկսած 1881 թ., երբ Մոսկվայում տպագրւիւց նրա «Հրապարակախոս ձայնը», հաջորդաբար լույս տեսան «Ամառնային նամակները», «Հիշողութիւններ վարդանանց տոնի առիթով», «Մի քանի խոսք իմ ընթերցողներին» երկերը, որոնցից յուրաքանչյուրի հղացման առիթները տարբեր լինելով հանդերձ, իրենց հիմնական բովանդակութեամբ շոշափում են ժամանակի հայ իրականութեան քաղաքական-հասարակական կենսական հարցերը:

1879 թ., Նազարյանի մահվանից մի քանի ամիս անց, «Փորձի», 11-րդ և 1880 թ. առաջին համարներում տպագրւիւց Ա.լ.ք. Երիցյանի՝ «Ստեփանոս Նազարյանց և նրա գրական գործունեութիւնը» վերնագրով ուսումնասիրութիւնը: Երիցյանը իր քննադատութեամբ փաստորեն ժխտում

էր Նազարյանի գերն ու նշանակութիւնը 50—60-ական թվականների մեր մտավոր վերածնութիւնը դործում, ամբողջովին կանգնելով սեփականներին՝ Նազարյանի հակաաւորողների գիրքերում: Նազարյանին նա մեղադրում էր հալ կլանքի, հալոց լեզվի, ժողովրդի վարքի ու բարքի անդիտութիւն, բանադոզութիւն, փաստերի ազատաման և բազմաթիւ նման այլ թերութիւններին ու զանցանքներին մեջ: Նազարյանին հասցեագրւած այդ մեղադրանքները միակողմանի էին և միտումնավոր:

Կարճ ժամանակ անց, հանդես եկավ Շահագիզը «Հրապարակախոս ձայն» պոլեմիկական աշխատութիւնը, որը նվիրւած էր Նազարյանի և «Հյուսիսափայլի» պաշտպանութիւնը՝ Երիցյանի հարձակումներից:

Ուսումնասիրութիւն մեջ, նախքան բուն նյութերին անցնելը, Շահագիզը քննութիւն է կենթարկում հալ գրականութիւն վիճակը՝ սկսած հնագույն շրջաններից: Հասնելով XIX դարին, նա բարձր է գնահատում Աբովյանի «Վերք Հայաստանին» որպէս ազգային վերածնունդը, ազգային գարթոնքը ավետող առաջին վեպ, որը հակալական ներդործութիւն է տնեցել հալ գրականութիւն վրա:

«...ազգային լուսավորութիւն վերախոսելով,— գրում է Շահագիզը,—մեծ անարդարութիւն պիտի լիներ մասնագրողի կողմից, և թե գա չհիշեր և Խ. Աբովյանի վաստակը: Առաջին արտասուքը, որ

մեր թմբության միջոցին ընկալ շալի վերքի վերա, էր Աբուլյանի սքանչելի գործը՝ «Վերք Հաստանի»¹:

Գրականության տեսական հարցերից Շահագիզին հատկապես զբաղեցրել է գրականության և կյանքի փոխադարձ կապը, գրականության զարգացման ընթացքը: Շահագիզը նշում է, որ կյանքի հարատև փոփոխությունների հետ փոխվում է նաև այդ կյանքն արտացոլող գրականությունը. «Եթև կյանքը, կենդանությունը հասկացվում է նյութերի անդադար փոփոխությունը թե՛ մտավորապես և թե՛ ֆիզիկապես,—ասպա ուրեմն և գրականությունը չէ մնում կապած և կաշկանդած յուր շրջանի մեջ, այլ ձևան ի ձևոն հառաջ է խաղում այն նյութերի փոփոխության հետ, որպես նոցա արձագանքը ու պատկերը»²:

Շահագիզը միանգամայն ճիշտ է ըմբռնել գրականության ու կյանքի փոխհարաբերությունները: Այս առումով ուշադրավ են նրա դիտողությունները գրական ուղղությունների մասին: Նա արժեքավորում է և հաղթող համարում գրական այն ուղղությունը, որն առավել հարազատորեն է արտացոլում իրականությունը և կյանքի առաջադրած պահանջները. «Սովորաբար հաղթող է հանդիսանում այն ուղղությունը, — գրում է նա, — որ ար-

¹ Ամբ. Շահագիզ, Հրատարակախոս ձայն, էջ 36:

² Նույն տեղում, էջ 25—26:

տահայտում է հասարակութեան ամենահարկավոր ինքնակացութեան պայմանը և ժամանակակից է նորա բարոյական օգուաներին»¹:

Գրականութեւնը Շահազիզը իրավամբ համարում է ազգութեան պահպանման և զարգացման կարևորագույն գործոններից մեկը. «Գրականութեւնը, որպէս նախապատճառ քաղաքակրթութեան, ալն ազգերի համար է ուժ և զորութեւն, պահպանող ազգութեան, ամուր թումբ ընդդէմ թշնամու»²:

Ընդհանուր ալս հարցերից հետո, Շահազիզը վերլուծման է ենթարկում Նազարյանի ողջ գործունեութեւնը, և, հակառակ Երիցյանի, բարձր գնահատում «Հլուխափայլի» խմբագրի գրական-հասարակական դերը:

Շահազիզը ցույց է տալիս Նազարյանի հրակայական նշանակութեւնը, նրա առաջավոր հայացքները, ի հակադրութեւն Երիցյանի սահմանափակ մտածողութեան: Նա պերճախոս մեջբերումներ է անում Երիցյանից, Առ. Արարատյանից և Չերքեզյանից, համեմատում է նրանց լեզվական հայացքները աշխարհաբարի մասին և իրավամբ գտնում, որ Երիցյանը նույն պահպանողական դիրքերի վրա էր կանգնած, ինչ-որ Արարատյանն ու Չերքեզյանը, ալսինքն՝ պաշտպանում էր զրարարը ընդդէմ աշխարհաբարի:

¹ Ամբ. Շահազիզ, Հրապարակախոս ձայն, էջ 26:

² Նույն տեղում, էջ 27:

Շահագիղը, անցյալ դարի 50-ական թվականների մտավոր վերածննդի մեծագույն նվաճումը համարում է աշխարհաբարի հաղթանակը, որը վերագրում է «Հյուսիսափայլին»:

«...Պ. Երիցյանը հիսնական թվականների հնության և նորության պատերազմը մեջ բերելով, միաքը չէ ընկնում ասել, որ գոցա շարժարանը «Հյուսիսափայլն էր»¹:

Ուսումնասիրության հետագա ընթացքում ավելի մանրամասնությամբ անդրադառնալով նույն հարցին, Շահագիղը գրում է. «Նաղարյանցի հաղթության պսակը հաստատ է. նոր աշխարհաբարի խնդիրը յուր հառաջագիծ գաղափարներով հավիտյան շաղկապված է նորա անվան հետ. ազգային մատենագրությունը խլելով գիտության բռնակալներից, որ կամեին սեղմել ընդհանուրի հոգին և թաղել ամենայն քանքար, Նաղարյանցը կտակեց մեզ և՛ ժամանակի ինքնաշարժ սկիզբը»²:

Շահագիղին հուզող հաջորդ հարցը կրոնն էր: Նա բավական հանդամանորեն կանգ է առնում Նաղարյանի կրոնական հայացքների վրա, ցույց տալով, որ Նաղարյանը ջերմեռանդ լուսավորչական է և երբեք չի դավաճանել իր կրոնական համոզումներին, ինչպես նրան մեղադրել է Երիցյա-

¹ Սմբ. Շահագիղ, Հրատարակախոս ձայն, էջ 100:

² Նույն տեղում, էջ 162:

նը և մասնակից համարել Հայաստանում ունիթո-
րական շարժման հրահրման մեջ:

Ամփոփելով Նազարյանի հրապարակախոսու-
թյան և գործունեութեան հիմնական սկզբունքնե-
րը, Շահազիզը գրանք բաժանում է հինգ խմբի.
Առաջին. Պալքար աշխարհաբարի հաղթանա-
կի համար:

Երկրորդ. Ռեֆորմ հայ եկեղեցու մեջ, պալ-
քար կրոնական փանսաթիզմի և ազեա հոգևորա-
կանութեան դեմ, շնորքելով երբեք կրոնի և եկե-
ղեցու անհրաժեշտութեանն ու դերը:

Երրորդ. Ազգի լուսավորութեան և վերանոր-
ոգման համար իբրև միակ և ճիշտ ուղի հետևել
Եվրոպային:

Չորրորդ. Հիմնել հանրային նպատակների
համար կրթական և բարեօգուտ հասարակական
կազմակերպութեաններ, որովհետև մարդը, ըստ
Նազարյանի, լուր առանձնութեան, միայնութեան
մեջ թուլ է և անկարող:

Հինգերորդ. Զարգացնել թատերական արվես-
տը, նկատի ունենալով նրա բարոյացուցիչ դերը,
որովհետև թատրոնի ներգործութեանը հասարա-
կութեան վրա առավել մեծ է, քան գրավոր խոս-
քը: Ըստ Նազարյանի, հայ ազգային թատրոնը
պետք է վերակենդանացնե՛ անցյալի այն էջերը,
որոնք կարող են դաստիարակել ժողովրդի ազա-
տասիրութեան և հայրենասիրութեան ուղին:

Շահազիզը պաշտպանել է Նազարյանի քա-

դաքական-հասարակական դավանանքը, և համարել նրան ազգի վերանորոգիչ:

«Մեր վերանորոգողը Ստ. Նազարյանցն է. վերանորոգողի անունը ժառանգել է նա յուր հրապարակախոսության հանճարով և գաղափարական ճշմարտասիրությամբ...»¹:

Շահագիզը ի վերջո համեմատություն է արել Նազարյանի և Նալբանդյանի միջև, նկատի ունենալով հրկուսի հյուսիսափայլյան համատեղ գործունեության շրջանը:

«Այժմ կարող ենք ասել,— գրում է Շահագիզը,— որ արդարև Միքայել Նալբանդյանցը աջողության գործի է եղել «Հյուսիսափայլի» համար, բայց բուն «Հյուսիսափայլի» աջողությունը միայն դորան ընծայել,— վերջին տղայամտության գործ է: Նոր գաղափարներին հառաջադեմ ծառայելու համար բավական չէ մատենագրական քանքարը, այլ հարկավոր է բազմահայաց կրթություն, դարին և ժամանակին հավասար: Եթե Նազարյանցը չուներ Նալբանդյանցի մանրապատիւ ծանոթությունը ամենօրյա կյանքի հետ ու նորաստորագրական տաղանդը, բայց նա ուներ լիակատար գիտություն, գիտություն ընդհանուր մարդկեղեն՝ զարգացավորության, որով և դրել է սկիզբը նոր գաղափարակոթյան»²:

¹ Սմբ. Շահագիզ, Հրապարակախոս ձայն, էջ 272:

² Նույն տեղում, էջ 287—288:

Այս Շահազիզի անկեղծ համոզումն էր, իսկ բուն դրդապատճառը Նազարյանի և Նալբանդյանի հասարակական դերերի համեմատութեան, Երիցյանի գնահատականն է, որ ամէլ է Նալբանդյանին: Նա արժեքավորել է «Հյուսիսափայլի» սկզբնական երկու տարիները, Նալբանդյանի աշխատակցութեան շրջանը, որն իրավամբ «Հյուսիսափայլի» ամենափայլուն շրջանն էր. «Բայց այստեղ էլ արդեն, — գրում է Երիցյանը, — ամսագրին այդ կենդանութեան ամբողջ դորս օգնական տաղանդավոր Նալբանդյանցն է»¹:

Չհամաձայնելով և միակողմանի համարելով Երիցյանի գնահատականը, Շահազիզը փորձել է ճշտել, բնութագրել նրանցից յուրաքանչյուրի տեղը և դերը «Հյուսիսափայլի» մեջ:

Բարձր գնահատելով Նազարյանին, Շահազիզը նույնքան բարձր է գնահատել և Նալբանդյանին: Նա երկուսի, ինչպես և Աբովյանի, մեծագուշն վատտակը համարել է նրանց ստեղծագործութեան և հասարակական գործունեութեան դեմոկրատական ոգին: Իր ուսումնասիրութեան մեջ XVIII դարի վերջի և XIX դարասկզբի գերմանական գրականութեան օրինակով ցույց է տալիս, թե ինչպես գրականութեան դեմոկրատացումը հատուկ է ազգային վերածնունդ ապրող ժողովուրդների գրականութեանը.

¹ «Փորձ», 1880, № 1, էջ 83:

« Դեմոկրատիկական ոգին, որ այն միջոցին տիրապետել էր գերմանական գրականությանը, որոշելով և դասակարգելով նոր ժամանակի հարարերությունները, ներս բերեց և կենդանի հոսանք ու շարժողություն ժողովրդական կյանքի մեջ: Ռոմանտիկական վերացականությունը, որ ջանադիր էր վերականգնել միջին դարերը կրոնական և սոսկետական զանգվածով, այժմ փուլ էր հկել հառաջագեմ գաղափարների առջև»¹:

Շահագիլի «Հրապարակախոս ձայնը» անցյալի գրական ժառանգությունը արժեքավորող մի առումնասիրություն էր՝ ուղղված Երիցյանի ոչ պատմական մոտեցման դեմ: Շահագիլը պահանջում էր պատմական գործիչներին արժեքավորելիս նկատի առնել քաղաքական-հասարակական այն կոնկրետ միջավայրը, ուր հանդես են հկել նրանք ու գործել: Այս առումով «Հրապարակախոս ձայնը» մեր գրականության պատմության 50—60-ական թվականների ժամանակաշրջանը լուսաբանող կարևոր փաստաթղթերից է, որը ժամանակին գրական դեր կատարեց Նաղարյանին Երիցյանի միտումնավոր, հակապատմական քննադատությունից իրավամբ պաշտպանելու խրնդրում: Հիմնական այս առաջադրանքին զուգընթաց, «Հրապարակախոս ձայնի» մեջ կան հետաքրքիր մտքեր, վերլուծություններ, հեղինակին

¹ Սմբ. Շահագիլ, Հրապարակախոս ձայն, էջ 13:

ճանաչելու, հատկապես նրա գրական ըմբռնում-
ներն ու հասկացությունները պարզաբանելու
համար:

Բայցի «Հրապարակախոս ձայնից», Շահազիզը
Նազարյանի մահվան առթիվ գրել է նրա դերն ու
հասարակական նշանակությունը մեծարող երկու
բանաստեղծություններ, որոնք ուսուցչի և բարե-
կամի հիշատակին նվիրված ջերմ խոսքեր են՝
երախտագետ աշակերտից նվիրաբերված:

Անձևագործ դու մահարձան քեզ կանդնեցիր,
Ո՛չ հողանյութ, որպես երկաթ կամ որձաքար.
Հրդոր զըրջով, սուրբ վաստակով և անձանձիր,
Շունչ կենդանի և հեռ մահվան հանդիսացար:

Ահա նոր Ազգ և նոր Լեզուդ յուր ձիթենին,
Քո ջրով բուսած, քե՛ղ է բերում, ո՛վ Ստեփանոս,
Խաղաղ մնա՛, մի՛ վրդովվիր, քոնն է դավնին,
Խավարի մեջ մեզ յույս ծագող, Պսոմեթեոս:

Աշխարհ ծնար և աշխարհիս դարձար մշակ,
Բայց չը տեսար այս աշխարհից անդորրություն.
Աշխատավոր մարդկանց բաժին է փշյա պսակ,—
Ա՛հ, քրտնաջան ոսկրներիդ խաղաղություն:

«Հրապարակախոս ձայնի» վերջին կցված է
մի փոքր ուսումնասիրություն՝ «Մեր առօրեական
չարն ու բարին» վերնագրով, որը նվիրված է
հատկապես սուլթանական լծի տակ ապրող թուր-
քահայերի վիճակին: Հեղինակը մեծ տաղնապ է

ապրում հայերի կրօնական տարբեր գավառանք-
ների հետեանքով առաջացած ներքին երկպառա-
կությունների պատճառով:

«Բոլոր մեր ազգի թշվառությունը,— գրում է
Շահազիզը,— այն բանումն է, որ նա երբեք չուր
համագումար ուժերով չէ գլխել գեպի մի հայա-
նի նպատակ. բաժան-բաժան, պատառ-պատառ
միմյանցից, միշտ եղել է խաղալիք խորագետ
թշնամու ձեռքում. և այսօր տաճիկ փաշաները
գեղեցիկ պտուղ են քաղում նույն ազգի անընկերա-
սեր բարք ու վարքից»¹:

Ժողովրդի գոյությանն սպառնացող այս
վտանգը Շահազիզը քննարկել է ո՛չ միայն իր
հրատարակախոսական երկերում, այլև ամենայն
սրությամբ դրան անդրադարձել է և իր գեղարվես-
տական ստեղծագործություններում: Ջելթունի
ապստամբությանը նվիրված բանաստեղծության
մեջ մենք տեսանք, թե նա ինչպես տհազանգում
էր ապստամբներին՝ զգուշ լինել նույնքան վտան-
գավոր մի այլ թշնամուց՝ կաթոլիկ քարոզիչ-
ներից:

Գոյություն ունեցող իրականության դաժա-
նությունները Շահազիզը տեսնում էր բոլոր ման-
րամասնություններով և, ի պատիվ նրան, պետք
է նշել, որ վերապրելով իր ազգի քաղաքական

¹ Ամբ. Շահազիզ, Հրատարակախոս ձայն, էջ 347—
348:

ու բարոյական ողբերգությունը, երբեք չմատնել-
վեց հուսահատության: Նա լավատես էր ապագա-
յի նկատմամբ և երիտասարդությանը համարում
էր այն ուժը, որն իր ժողովրդին հասցնելու էր
մարդկության առաջավոր մտքի նվաճած բար-
ձունքներին, խառնարի ու տգիտության դեմ պայ-
քարելով:

«Այո՛, ևս հավատում եմ մի առավել պայծաս
ժամանակի ա՛յն ազգի համար, որի մեջ ծնվել է
և մեծացել. ևս հավատում եմ, որ այս իմ առաքի-
նական զգացմունքը փոխանորդաբար պիտի անցնի
ազգից ազգ, մինչև այդ ազգը կհասնի յուր ցան-
կացածին. և եթե՞ իմ սիրտս չբաբախվի այդ սուրբ
ողևորությամբ, ապա ի՞նչ հուսով այսքան երկար
խոսում եմ՝ ձեր հետ, Հայե՛ր: Ես գիտեմ, որ
մարդկությունը եթե ո՛չ շարունակաբար, բայց
մշտապես առաջ է գնում, և մենք, որպես մի
փոքրիկ հասարակություն, մարդասեր դարձնա-
օրենքով ապահովված, չպիտի դադարինք այդ
հառաջադիմության ճանապարհին...

...Իմ միակ հույսս է այն մանուկ ազգը, որի
կենդանության տերևները ահա սկսում են կանա-
չել»¹:

Ի՞նչ հեռանկարներ ու հույսեր կալին «մա-
նուկ ազգի» կենդանության համար և որո՞նք էին

¹ Սմբ. Շահագիզ, Հրապարակախոս ձայն, էջ 350—351:

Նրա զարգացմանը նպաստող ու արգելափակող ուժերը: Ազատութիւն ստրկութիւննից և միջնադարյան խաւարից, լուսավորութիւնն, ազգային լեզվի ու նկարագրի պահպանում, երիտասարդ սերնդի՝ որպէս մարդկութեան ապագայի ճիշտ դաստիարակութիւնն, պալքար կրոնական նախապաշարումների, կամայականութիւնների և շարաշահումների զեւթ,— ահա Շահազիզի երկերի հիմնական հարցերը, որոնց նա անդրադարձել է տարբեր վերնագրերի տակ լույս տեսած իր աշխատութիւններում:

1897 թ. լույս տեսավ Շահազիզի «Ամառնային նամակները», շարժաւիթը՝ Գ. Խալաթյանի «Армянский эпос в истории Армении М. Хоренского» գիրքն էր:

Պաշտպանութեան տակ վերցնելով Խորենացուն նրա զեւթ հարուցվող մեղադրանքներից, Շահազիզը հաճախ դուրս է գալիս բանասիրական պրպտումների սահմաններից:

Նրա համար Խալաթյանը և Գարագաշյանը տախտակներ էին միայն, ժամանակի հուզող հարցերին անդրադառնալու համար.

«Ինչպէս տեսնում ես,— հայտնում է Շահազիզը,— գրեցի քեզ ոչ Ա. Գարագաշյանի և ոչ պ. Խալաթյանի շարադրութեան մասին, այլ շարագրութեան տախտակով»¹:

¹ Ամբ. Շահազիզ, Ամառնային նամակներ, էջ 138:

Շահագրիզի հայացքներն իր ապրած ժամանակաշրջանի գեպքերի, քաղաքական-հասարակական հարցերի մասին ավելի հետաքրքրական և կարևոր են, քան պատմական զանազան անցքերի կոմպիլատիվ բնույթ կրող վերլուծումները¹:

Շահագրիզը պատկանել է այն մտավորականների թվին, որոնք իրենց հայացքը թե՛ գեղարվեստական ստեղծագործության մեջ և թե՛ հրապարակախոսական երկերում սեռեւ են միշտ գեպի նորը, առաջավորը: Եվ այս գիրքերից նա վերանայել է պատմութունը, անցյալն իր դրական և բացասական էջերով օրինակ ծառայիցնել ներկային, ներառյալ մինչև իր օրերի քաղաքական-հասարակական գեպքերը, որոնց ըմբռնման ու մեկնաբանման մեջ զգացվում է հեղինակի սուր և թափանցող միտքը, հարցերի ճիշտ ընկալումը:

Շահագրիզի տեսադաշտից չի վրիպել կապիտալիստական աշխարհի անհավասարությունը, հալիշտակություններն ու իրավունքի ոտնահարումը, ինչպես և սոցիալական բնույթը: Նա սուր երգիծանքով ներկայացրել է «Երկաթյա կանցլիս» Բիսմարկին:

¹ Շահագրիզը ինքը խոստովանել է, որ օգտվել է պրոֆ. Պետրովից՝ «որից զլիսավորաբար առել եմ այդ հոդվածը», այսինքն ուսումնասիրության այն բաժինը, ուր խոսում է պատմության, նրա գերի և հասարակական նշանակության, ինչպես և XVIII դարի փիլիսոփայության հարցերի մասին:

«Այն ինչ մեր օրերում, իշխան Բիամարկի շնորհիվ, մեծ փառքի է հասել Ուլիմպիոսի աքսորական՝ չոլախ Հեփեսոսը, որովհետև երկաթ է ծածում կուռպյան թնդանոթների համար և երկաթի սրակը ձուլում վերահող սերունդի համար»¹:

Հասարակական խնդիրներին զուգահեռ, Շահազիդն անդրադարձել է պատմության և գրականության գերին ու նշանակությանը: Գրականությունը, ինչպես նախորդ աշխատության մեջ, նույնպես և այստեղ, նա համարում է կյանքի երևույթները և կենսական առաջադրանքները արտացոլող արվեստ:

«Հայտնի է մեզ բոլորիս, — գրում է նա, — որ մինչև վաթսուենական թվականները, գրականությունը մեր մեջ համարվում էր որպես արվեստ, կտրված կենսական հարցերից և լուր հիմքը դրած ավելի օգի վերա, քան թե հողի: Նույն թվականներին՝ առաջ Ս. Աբովյան, բայց գլխավորաբար Ս. Նազարյանց և Մ. Նալբանդյանց լուրյանց կրիտիկական հոդվածներով ցույց տվին, որ գրականությունը ազգի պատմության գլխավոր գործորդն է. պատկանում է գեղարվեստին և գիտության և բացի լոկ ներշնչումներից, պետք է տարածեն ժողովրդի մեջ իդեաներ»²:

¹ Սմբ. Շահազիդ, Ամառնային նամակներ, էջ 139:

² Նույն տեղում, էջ 174:

Գրականութիւնն և արվեստի գնահատման հարցերում Շահագլխը կանգնած էր դարաշրջանի առաջավոր դիրքերում: Նրա գիտողութիւնները գրականութիւն մասին այժմ էլ հետաքրքրական են և ուշագրայի: Առաջնութիւնը տալով գրականութիւն մեջ սեփական ուղղութիւնը, նա օրինակներ է բերում առսաց գրականութիւնից, հատկապէս Գոգոլից, որը կյանքը վերարտադրեց ո՛չ թէ նրա գեղեցիկ ու հրապուրիչ կողմերով, այլ ներկայացրեց ճորտատիրական իրավակարգի անխուսափելի հետեանքն հանդիսացող առսական մուլլ իրականութիւնը, անխնա մերկացրեց ցարական Ռուսաստանի բյուրոկրատիան, կալվածատիրութիւնն ու չինովնիկների աշխարհը:

Շահագլխն ուներ գրականագիտական այնքան հասունացում, որ կարողացավ արժեքավորել, վերբարձրացնել առս հանճարեղ գրողի սակեղծագործական առանձնահատկութիւնները.

«Այլ բան է Գոգոլը. սա պոպուլեն և սելիսֆներկերով երևան հանեց առսաց նիտ ու կացի մանրանկարը, պոմեշչիկների ընտանեկան կյանքը չինովնիկների բյուրոկրատիական ձևապաշտութիւնը և սոհասարակ երկրի մումիական անշարժութիւնը, այնպէս որ օրհասականները դուրս պրծան նահապետական որջից և սկսեց մի սարսափելի իրարանցում և պատերազմ, որ շարունակվում է մինչև օրս:

Այս գոգոլյան ուղղութիւնը և այսօր իսկ

մնում է տիրապետական ուսաց ընտիր գրականության մեջ»¹:

Շահագիղը Գոգոլին բարձր է գնահատել որպես Ռուսաստանի ժամանակակից կյանքը գեղարվեստական խոսքի միջոցով տաղանդավոր պատկերողի, ընդգծելով նրա սեպտիմանտական արվեստի հզորութունը.

«Գոգոլի մեծ արժանավորութիւնը նրանումն է, որ նա յուր տիպերը առնում է կենդանի շրջանից, այս պատճառով և այդ տիպերը խիստ սեպտիմանտ են և պլաստիկական գծերով»²: Շահագիղը գրական լեզվի և ոճի հարցերը քննելիս ևս ելնում է սեպտիմանտ պահանջներից: Ոճի «վայելչութիւնը» նա տեսնում է պարզության մեջ. միաժամանակ, նա գտնում է, որ գրական լեզուն պետք է հարստանա՝ «...գալառականի կենդանի ձևերը փոխ առնելով և մասամբ կանոնավորվելով հմուտ գրողներից ու թարգմանիչներից»³:

«Ամառնային նամակներում» Շահագիղին զբաղեցրել են մարդկային հասարակարգի, հատկապես հայ ժողովրդի հոգեկան և բարոյական կեցութեանն առնչվող բազմաթիվ երևույթներ: Այս բաժնում մասնակի ուշադրութեան են առնված երիտասարդ սերնդի մտավոր կրթութեան ու գաստիարակութեան խնդիրները:

¹ Մմբ. Շահագիղ, Ամառնային նամակներ, էջ 175—176:

² Նույն տեղում էջ, 178:

³ Նույն տեղում, էջ 186:

Շահագլխը ամենայն վճռականությամբ պաշար է հայտարարում «միջնադարյան մտածողության», հնամուտության դեմ, որոնք ազգի դարպացման մեծագույն արդեւքներն են:

Փոքր ժողովուրդների, այդ թվում հայ ժողովրդի համար մահացու համարելով ձուլման վտանգը, Շահագլխը ազգության պահպանման դործում առաջնակարգ դեր է հատկացնում դպրոցին, նշելով, որ «մտավոր զենքի շարժող ուժը դպրոցն է», հետեւաբար և ուսուցիչն է այն հզոր, ներգործող անձը, որ մշակում է մատաղ սերնդի միտքը, բարոյական նկարագիրը և կազմակերպում հոգեկան կերտվածքը: Իբրև փորձառու մանկավարժ, Շահագլխը կարողացել է հմտորեն բացահայտել, թե ի՞նչ մեծ դեր է վիճակված ուսուցչին ազգության պահպանման և նրա ապագայի մեջ: Եվ այս առթիվ է, որ նա շարագրել է իր մանկավարժական մի քանի էական դրույթները:

Շահագլխը պաշտպանում է աշակերտի անհատական ընդունակութունների, հակումների ազատ դարգացման սկզբունքը, բացասելով ծեծի, ահաբեկման հակամանկավարժական միջոցները: Ուսուցչի և աշակերտի կապերը խարսխված են լինելու «կենդանի» և «ազատ» փոխհարաբերութունների վրա, միայն այդպիսով կարող է ապահովվել ուսուցչի հաջողութունը: Հիմնված անձնական մեծ փորձի վրա, Շահագլխը մանկավարժական իր ողջ ուսմունքը տողորել է հումանիզ-

մի ոգով: Նա պահանջում էր ժամանակի տաշա-
վոր գաղափարներով դաստիարակել ու զինել նոր
սերնդին, որովհետև նա է մարդկության ապագան,
նա է կյանքի վերանորոգիչ ուժը՝ ստեղծողը նորի:
«Ամեն ազգի վերանորոգիչ ուժը յուր մատաղ սե-
րունդն է»: Ահա այն թեզը, որին Շահազիզը ան-
դրադարձել է լազմիցս, որը գաղափարական հիմքն
է նրա զեղարվեստական ստեղծագործության և
հրապարակախոսական երկերի:

Հասարակական սկոխով կյանքով ապրող բա-
նաստեղծ-քաղաքացուն, լացի ժողովրդի հոգեկան
վիճակից և դաստիարակչության հարցերից, հե-
տաքրքրել է և հասարակական գործչի կերպարը:
Ըստ Շահազիզի, վերջինը պետք է ծառայե վեհ
գաղափարների և իդեալների, նա կոչված է վի-
րահատի նշտարը ձևաքին արմատախիլ անել իրա-
կանության ժահրոտ, փտած, խոցելի կողմերը և
ո՛չ թե այն քողարկել: Նա անձնուրացությամբ
պայքարելու է, մինչև իսկ պատրաստ անձը զո-
հաբերելու:

«Ապրել հասարակության մեջ չի նշանակում
մասնակից լինել և նորա թերություններին: Ընդհա-
կառակն, գործիչը անդադար պիտի մաքառե այդ
թերությունների դեմ թե՛ գրչով, թե՛ գործով:
Հասարակության անկեղծ բարեկամը այդպիսի
դեպքերում չպիտի խնայե և ո՛չ մի միջոց, մինչև
անգամ, եթե պահանջում է հանգամանքը և զին-

վորի պես, սուրը ձեռին, ընկնել կովի դաշտում»¹։
«Ամառնային նամակները» լույս տեսան
1897 թ., Արևմտահայաստանում համիդյան ա-
րյունարրու կոտորածներին հաջորդող սեպտեմբերի
շրջանում։ Սրտի գառնությամբ ու ատելության
թուլնով Շահազիզը անարդանքի սլունին է գա-
մում կվրոպական տերությունների վսյրագ, ան-
հոգի վերաբերմունքը դեպի հայերը.

«...Այս նամակս գրում եմ 14 օգոստոսի, որ
պիտի արձանագրվի ոչ որպես «բարդուղիմեյան
գիշեր», այլ բարդուղիմեյան օր և դժոխքի արյու-
նաշաղախ հաբսանիք, որ կատարվեց աշխարհա-
քաղաք»² Պոլսում, փափկասիրտ կվրոպացվոց աչ-
քի առջև»³։

Նույն թուրքիայի բարբարոսությունները և
կվրոպական «քաղաքակիրթ» տերությունների
դժան անտարբերությունը հարկադրեցին Շահա-
զիզին հանգել ծանր, բայց իրավացի հեռուության,
որ ժամանակակից իրականությունը «փառաբանիչ
է հանդիսանում մարդազոհության կուլտին»³։

* * *

Շահազիզի կյանքի վերջին տարիների աշխա-
տությունները ղուգադիպեցին 1905 թ. սեպտեմբերին

¹ Սմբ. Շահազիզ, Ամառնային նամակներ, էջ 182։

² Նույն տեղում, էջ 35։

³ Նույն տեղում, էջ 144։

ցիային նախորդող ազատագրական շարժման վերելքին:

Բանաստեղծն իր աշխարհայացքով, հասարակական իդեաներով հեռու էր սևուցիայից, սակայն երկրում ծավալված բանվորական շարժումները, գյուղացիական հուզումները, ցարիզմի հայահալած քաղաքականությունը, հայկական դպրոցների փակումն ու եկեղեցական կալվածների բռնագրավումը որոշակի ազդեցություն ունեցան Շահազիզի քաղաքական-հասարակական հայացքների վրա: Այդ կն վկայում բանաստեղծի այս շրջանի նամակագրությունները հարազատների հետ, «Հիշողություններ Վարդանանց տոնի առիթով» և «Մի քանի խոսք իմ ընթերցողներին» աշխատությունները:

Շահազիզի ուշագրությունը սկսված էր Ռուսաստանի փոքր ազգերի, մասնավորապես հայերի նկատմամբ ցարիզմի վարած ազգային քաղաքականությանը: Նամակների բովանդակությունից պարզվում է, թե ինչպիսի ուշագրություն է նա հետևել ժամանակակից սուսական մամուլին: 1904 թ. նոյեմբ. 12-ին եղբորորդուն գրած նամակում, բանաստեղծը դիպուկ տողերով մերկացրել է Սուլվորինի սեպտեմբերյան «Новое время» թերթը.

«Այո՛, ես էլ կարդում եմ համեմատաբար ազատ մամուլի թերթերը, բայց մշտափոփոխ և բազմերեսանի Սուլվորինի ազատամիտ հոսանքին չեմ հավատում. ես նրա թերթը ամենավը-

տանգավորն եմ համարում համայն կայսրության մեջ»¹:

Նույն նամակում Շահազիզը ամենախիստ որակումներով ու երգիծական բառախաղերով մերկացրել է ցարական ինքնակալության ներկայացուցիչներ Ֆոն Պլեկի և Գոլիցինի հակաժողովրդական գործունեությունը.

«Ռուս մեծավորները, որպիսի են Ֆոն-թքածները (Ֆոն Պլեկ. — Շ. Շ.) և գալլածիններ (Գոլիցիններ. — Շ. Շ.) կարծելով, որ հպատակները քանի լուսավորված լինեն, այնքան էլ կարող են վրդովել աշխարհի բարօրությունը, ամեն արգելքներ գործ են դրել, որ այդ հպատակները խավարում նստեն»²:

Հիշյալ նամակից տարիներ առաջ, 1901 թ., Մոսկվայում հրատարակվեց «Հիշողությունների Վարդանանց տոնի առիթով» աշխատությունը, ուր շոշափված էին վերոհիշյալ հարցերը անուղղակի ձևով, որպես պատասխան Կովկասի կառավարչապետ Գոլիցինի, Կովկասի ուսումնական շրջանի հոգաբարձու Յանովսկու և «Кавказ» պաշտոնական թերթի խմբագիր, բանաստեղծ Վելիչկովի հայահալած, մոլեգնող քաղաքականությանը:

Ազգային լիզվի ու գրականության պահպանման, երիտասարդության դաստիարակության հարցերը միշտ կզել են Շահազիզի ուշադրության

¹ Եր. Շահազիզ, Սմբատ Շահազիզի կենսագրությունը, 1944, էջ 70:

² Նույն տեղում, էջ 71:

կենտրոնում, սակայն նրանք այնչի հրատապ կերպով ծառանում են բանաստեղծի առջև այդ տարիներին: Ժամանակի հրամայական պահանջն էր պայքարել մոլեգնած ցարական սեակցիայի հաշահալած քաղաքականության դեմ:

Վարդանանց օրինակով Շահազիզը դիմում է նոր սերնդին, խրախուսելով նրանց մեջ ազնվություն և հայրենասիրության վեհ դադափարներ. «Բայց այստեղ հոգվածիս նյութը Վարդանանց երիտասարդական գործը լինելով, չեմ կարող չդիմել մեր երիտասարդ սերնդին և ասել. ո՞վ ազնվով սերունդ, ցանիր գեղեցիկն ու աստվածալինը, որ քո այգին էլ կանաչի բարի սերմերով, ցանի՛ր, եթե կամենում ես, որ դու, քո ընտանիքը, քո ազգն էլ բախտավոր լինիք»¹:

Նույն V դարի հերոս հայուհիների կերպարները Շահազիզին ներշնչում են այն հաստատ համոզումը, թե մատաղ սերնդի դաստիարակության մեջ մեծ դերը վիճակված է կանանց. մայրն է մանուկի առաջին դպրուցը: Եվ որովհետև Շահազիզը մանկան դաստիարակությանը տալիս է քաղաքական նշանակություն, հետևաբար՝ «Միակ դենքը, որ մենք այսուհետև պիտի գործ դնենք վտանգավոր հոսանքների դեմ,— այդ մանուկների

¹ Սմբ. Շահազիզ, Հիշողություններ Վարդանանց տոնի տոթթով, էջ 48:

դաստիարակութիւնն է, որ նույնիսկ բնութիւնից հանձնված է ձեր մալրական խնամքին»¹:

Շահագիզի «Հիշողութիւններ Վարդանանց տոնի առիթով» երկը պատմական ուսումնասիրութիւնն է: Պատմութիւնը այն կենդանի վկան էր, լավագոյն օրինակը, որի օգնութեամբ նա ցանկանում էր բարձրացնել լեզվի, կրօնի, ինչպես և ժամանակակից հայ հասարակական-քաղաքական կյանքին հարակցվող կենսական մի քանի խնդիրներ: Այս մասին են վկայում Եր. Շահագիզին ուղղած նամակի այն հատվածները, ուր բանաստեղծը հայտնում է, թե սկզբում ինքը ցանկացել է գրքի վերնագիրը դնել «Կարևոր խորհրդածութիւններ», բայց գրաքննչական խստութիւններից վախեցած, հրաժարվել է: «Գործը Հազկերտի, Միհրներսէհի և պարսիկների անունով հարմարացրած է ներկա կարևոր կարակացութիւնների հետ և կարծում եմ բավական հետաքրքրական պիտի լինի հասկացողների համար»²:

Շահագիզին զբաղեցնում էր ժողովրդի մտավոր և բարոյական ծանր դրութիւնը, մասադ սերնդի ազգային դաստիարակութեան հարցը, դպրոցների վիճակը և կրօնի դերը հասարակական կյանքում: Ահա կենսական այն խնդիրները, որ

¹ ՄԲ. Շահագիզ, Հիշողութիւններ Վարդանանց տոնի առիթով, էջ 59:

² Եր. Շահագիզ, ՄԲ. Շահագիզի կենսագրութիւնը, 1944, էջ 71:

բանաստեղծը արծարծում է հիշյալ աշխատութեան մեջ, միաժամանակ կոչ անելով հետեւել կվրոպական քաղաքակրթութեանը.

«Ամեն ազգի առաջադիմութեան հաստատ ճանապարհը է խոստովանել յուր բարոյական ցափերը և առանց ծածկելու դնել դրանց հրապարակի վերա: Հին մեղքերը մեզանից անպակաս կմնան, մինչև որ մենք չընդունենք կվրոպեաբար մտածելու և գործելու եղանակը»¹:

Դիմելով պատմութեան, Շահազիզը քննութեան է առնում զրադաշտական կրոնը և այն կորըստաբեր հետեանքները, որոնց կարող էր ենթարկվել հայ ժողովուրդը կրոնափոխութեան պարագայում: Կրոնը, ըստ Շահազիզի, ազգի պահպանման հիմնական նախադրյալն էր, և պատմութեան օրինակներով նա ցույց է տալիս օտար ազդեցութեաններէ՝ հատկապէս օտար լեզվի և օտար դպրոցների քայքայիչ ներգործութեանը:

Ազգային կուլտուրայի, դպրոցի, լեզվի և գրականութեան զարգացման հարցերն առաջ քաշելով, Շահազիզի նպատակն էր պայքարել մի կողմից ցարական ռեակցիայի, մյուս կողմից կաթոլիկ քարոզիչներէ դեմ, որոնք, թե՛ մեկը և թե՛ մյուսը սպառնում էին հայ ժողովրդի գոյութեանը:

¹ Սմբ. Շահազիզ, Հիշողութեաններ վարդանանց տոնի տոթիթով, էջ 24:

1903 թ. լույս տեսավ Շահագիլի «Մի քանի խոսք իմ ընթերցողներին» աշխատութիւնը: Այստեղ ևս բանաստեղծի ուսումնասիրութեան հիմքը փոքր ազգութիւնները՝ հատկապէս հայ ժողովրդի ազգային ինքնութեան պահպանման, ասիմիլյացիայի լուրջ վտանգին դիմադրելու խնդիրն էր. «Ի՞նչ անենք, — տազնապած դիմում է հեղինակը, — որ փոքր ազգերը չհալվին ժամանակիս լայնափոր և լայնաբերան քուրայի մեջ»¹:

Հարցի պատասխանը որոնելու համար նա դարձյալ հետադարձ հայացք է նետում գեպի անցյալը, արժեքավորում Մամիկոնյան տոհմի մեծ դերն ու ժառանգութիւնները հայ ժողովրդի անկախութեան պահպանման խնդրում:

Պատմութիւնից անցնելով ժամանակակից անցքերին, Շահագիլը օրինակներ է բերում միջազգային կյանքից, թե ինչպէս եվրոպացիները արեւելքի մի շարք ժողովուրդները՝ չինացիներին և բուրերին մատնում են վայրագ ստրկացման, զրկելով նրանց ազատութիւնից:

«Եվրոպայի վարմունքը Չինաստանի հետ կմնա մի սե բիծ համաշխարհային պատմութեան մեջ, մի վերին աստիճանի անիրավութեան կոթող, որովհետեւ այն անպաշտպան աշխարհը ողողվեց յուր հարազատ գավախների արյունով»²:

¹ Ամբ. Շահագիլ, Մի քանի խոսք իմ ընթերցողներին, էջ 22:

² Նույն տեղում, էջ 24—25:

Չինացիների իրավունքների պաշտպանութ-
 լիքանն է նվիրված բանաստեղծի մի նամակը՝
 ուղղված իր կզբորոքուհուն: Շահագրկիլը համակրան-
 քով լցված դեպի չինացիները, ամենայն խստու-
 լիքամբ դատապարտում է «քաղաքակիրթ» ազգե-
 լի գողութային բարբարոսությունները: «Չինա-
 ցիների մեծ բռունցքը¹, չինաց պատերազմի ժամա-
 նակ, մեղ էլ ոչ փոքր բռունցք պատճառեց դրամա-
 կան տեսակետից: Թեև այս այսպես է, բայց ես
 շատ ուրախ եմ, որ արդարության գավազանը
 բարձրացավ մեղավորի գլխին—Եվրոպայի: Այն-
 քան արհամարհանք, որ Մաքիավելի Եվրոպան
 հասցրեց խաղաղասեր խեղճերին, հարկավոր էր,
 վերջապես, վրեժխնդրություն: Այժմ, կարծեմ, չի-
 նացիների մեծ փրկիստփա Մինչցիին էլ չի կարող
 կրկնել յուր մի անգամ ասածը. «Ես, հիրավի,
 լսել եմ, որ բարբարոսները էլի մի բան սովորել
 են չինացիներից, բայց ես երբևք չեմ լսել, որ
 Չինաստանը մի բան սովորած լինի բարբարոս-
 ներից...»²:

¹ Շահագրկիլ այս նամակը ամենայն հավանականու-
 թյամբ արձագանքն է 1899—1901 թթ. Չինաստանում
 ծագած հակաֆեոդալական, հակաիմպերիալիստական ժո-
 դովրդական շարժման, որը կոչվում էր բոկսյորական
 շարժում (բռունցքը սիմվոլն էր արդարության և համա-
 ձայնության):

² Եր. Շահագրկիլ, Մերսա Շահագրկիլի կենսագրություն-
 նը, 1944, էջ 64:

Գաղութարարների նվաճողական քաղաքականության գլխավոր նպատակն էր նախ և առաջ հպատակ ժողովրդի քաղաքական ստրկացումը տնտեսական շահագործման հետ միասին, որոնց հաջորդում էր հալածանքը հոգևոր կուլտուրայի, մայրենի լեզվի ու գրականության դեմ, և այսպիսով «...սկսվում է մի կատարյալ որսորդական արշավանք, ինչպես վայրենի թռչունի և վայրենի դադանների դեմ: Տիրապետողը ասում է. «այս ավելորդ, այս պակասորդ. պետք է խուզել, պետք է դղել, պետք է դգել», — բայց այնպես է խուզում, որ կաշին էլ հետն է՝ քերթում և այնպես դգում, որ բոլոր ոսկորներն էլ միասին ջարդում»¹:

Ահա թե ինչպես հոգևոր ստրկացմանն հաջորդում է տնտեսական քայքայումն ու ֆիզիկական բնաջնջումը:

Շահագլխի գիտողությունները սուբ կն և ամբողջությամբ ուղղված գաղութային քաղաքականության դեմ, բայց երբ նա անդրադառնում է բուրերի ազգային ինքնուրույնության և մարդկային իրավունքների պաշտպանության հարցերին, դրում է.

«Ենչ ասենք այն խեղճ բուրերի մասին, որ ամբողջ երկու տարի պատերազմեցին բազմաթիվ անդլիական զորքերի դեմ և վերջ ի վերջո պետք է հրաժարվեին անկախությունից և բռնի մահի

¹ Սմբ. Շահագլխ, Մի քանի խոսք իմ ընթերցողներին, էջ 23—24:

ննթարկվելին: Թեպետ չի կարելի չհամակրել ան-
 գլխացւոց մտքի մեծության, նրանց դաստիարակ-
 չական ու վարչական սխտեմին ու հասարակաց
 տարք ու կարգին, բայց այդ համակրանքը չի կա-
 րող խեղդել մեր մեջ արդարության ձայնը դեպի
 բուրերը: Դժբախտաբար ոչ մի եվրոպացի պե-
 տություն իրավունք չունի դատապարտել այդ կո-
 պիտ ուժի բռնությունը, որովհետև ոչ մեկին էլ չի
 կարելի ասել «անմեղն ի ձէնջ նախ արկցէ քար ի
 վերայ գորտ»: Ամենեկին ուրիշ հարց է, որ մի
 քանի տարի էլ չի անցնիլ, երբ բուրերը միանգա-
 մայն կընտելանան տիրապետողին, կատանան քա-
 ղաքացիության հավասար իրավունք և կյանքի ու
 զուլքի ապահովություն»¹:

Դեռևս Շահազիզից շատ տարիներ առաջ
 Խ. Աբովյանը՝ «Ամերիկու լիա քցելը» իր հայանի
 ուսումնասիրությունում, պատմական հարուստ
 փաստերով ներկայացրել է «լուսավորյալ» եվրո-
 պացիներին, որոնք զինված «քաղաքակրթու-
 թյամբ», դաժան հարստահարման ու ավերածու-
 թյունների են մասնել Արևելքը: Աբովյանի կզրա-
 կացությունները ավելի հետևողական են, քան
 Շահազիզինը. նա կարողացավ թափանցել եվրո-
 պական տերությունների քաղաքական նկատառու-
 ների և տնտեսական հեռավոր ձգտումների մեջ:
 Շահազիզի աշխարհայացքի սահմանափակությամբ

¹ Ամբ. Շահազիզ, Մի քանի խոսք իմ ընթերցողնե-
 րին, էջ 25—26:

պետք է բացատրել քաղաքական այն պատրանքը, թե բուրերը անդլիտացիների տիրապետութիւն տակ երբեք կարող են ստանալ «քաղաքացիական հաստատար իրավունք և կյանքի ու գույքի ապահովութիւն»:

Նույն համոզմունքներից թելադրված՝ Շահազիզը Թուրքիայի քաղաքական, անտեսական ու մտավոր ճգնաժամից ազատագրվելու միակ հնարավոր ելքը համարում է սեփորմները, որոնցով իր կարող էր ապահովվել քրիստոնյա հպատակ ժողովուրդների, հետևաբար և հայերի բարոյական բարձրացումն ու մտավոր առաջխաղացումը:

«Միակ ճանապարհը, — գրում է Շահազիզը, — որ դեռևս կարող էր փրկել Թուրքիային լուր օրհասական վիճակից, այդ այն սեփորմներն են, որ նա 25 տարի առաջ խոստացել է մտցնել քրիստոնյա հպատակների մեջ. այն է՝ շինել և բարեկարգել աշխարհը. սանձահարել ավազակաբարո, ճրիակիր հրոսակներին և առհասարակ հրավեր կարգալ բոլորին դեպի նոր կյանք, նոր գործունեութիւն շրջան»¹:

Ըստ էութիւն, սեփորմներով բավարարվելը և նրանցով իշխող հասարակարգը վերափոխելու պատրանքը լիբերալիզմի արտահայտութիւն է, որը զգալի է քաղաքական-հասարակական որոշ

¹ Սմբ. Շահազիզ, Մի քանի խոսք իմ ընթերցողներին, էջ 26—27:

հարցերի շահագլխյան մեկնարանություններում: Բացի այս, Շահագլխի աշխարհայացքում կան և հակասություններ, տատանումներ: Եթե «Լեոնի վիշաբ» հեղինակի գաղափարական ամենաբարձր նվաճումն քննադատություն էր տիրող իրականության նկատմամբ, ապա 80-ական թվականներին բանաստեղծն արդեն գոհունակություն է հայանում սուսական կայսրության մեջ գոյություն ունեցող օրենքներից:

«Բայց, որ ինչ վերաբերում էր Ռուսաստանի հայերիս,—գրում է նա,—պարտ է ստել, որ ոչ մի տերութենական օրենք չէ արգելում ուսանել մեզ մեր լեզուն. լալն և արձակ ձգած է կամուրջը լուսավորության խավարից դեպի լույս. որոնք միանգամայն կամին անցանել այդ կամրջից յուրյանց հատուկ զանգվածով և բարեպատեհ սպասավորությամբ, ուրախություն պիտի բերե ազատամիտ կայսրությանս և ոչ արամություն»¹:

Շարունակելով յուր մտքերը, նա հորդորում է ամեն մի տերության քաղաքացու «ձեռք ու թիկունք» դառնալ նույն տերության, օրինակ բերելով իր անձը և թեկադրելով ուրիշներին «բարեհպատակություն»:

«Ամենայն մարդ, ամենայն տերության պաշտոնյա խաղաղ ու համեստ մտածողությամբ պի-

¹ Ամբ. Շահագլխ, Հրատարակախոս ձայն, էջ 340:

տի ձեռք և թիկունք դառնա նույն տերության.
ևս, որպէս երգված սպասավոր այս մեծ կայսրու-
թյան, պարտական եմ իմ քաղաքացիներին սիր-
տը ուղղել դեպի առաքինություն, որ միակ նշանն
է ամենայն քաղաքական բարեհպատակության:
Ահա ինչ պատճառով մեր խիղճը ազատ ենք հա-
մարում ամենայն բանադրանքից և ունինք մեզ
պաշտպան նույն տերության արդարակշիռ օրեն-
քը»¹:

Հավատարմությունը դեպի տիրող կարգերը
Շահագիզի աշխարհայացքի նույն բուրժուական
լիբերալիզմի արտահայտություններից էր: Նրա
քննադատությունը չհասավ գոյություն ունեցող
իրականության բացասմանն ու մերժմանը, նա,
ինչպէս տեսնում ենք, մնաց տերությանը հավա-
տարիմ քաղաքացի, տեղի տալով իր աշխարհա-
յացքի մեջ հակասությունների ու տատանումների:

Այս նույն թվականներին էր, որ Շահագիզը
հայոց հարցի լուծումը կապում էր եվրոպական
տերությունների միջամտության հետ, հույս դնե-
լով նրանց «մարդասիրական» զգացմունքների
վրա:

«Պահանջմունքը, որ այսօրյան հայկական ազ-
գը ուղարկում է Եվրոպայի դատաստաններին,
չահախնդիր և կամապաշտ մասնավորների ցան-
կությունն է, այլ բոլոր ժողովրդի կենսական ին-

¹ Ամբ. Շահագիզ, Հրատարակախոս ձայն, էջ 344:

տերեսներն են, նորա գուլքի և պատվի ապահովութիւնն է, նորա հասարակաց բարին է,—մի սուրբ և թանկագին բան ամենի աչքում... բողոքը շրթունքին դռքա հայտնում են լուրջանց ցավերը, խաղաղության օրեր խնդրելով Եվրոպայից»¹:

Հետագայում բանաստեղծը ապրեց խոր հիասթափութիւն: Հայ ժողովրդի պատմական ճակատագիրը սթափեցրեց նրան քաղաքական սին հուլիսերից, խորտակիկեց և ուստական կայսրութեան նկատմամբ եղած պատրանքը: Ռեուլյուցիային նախորդող տարիներին նրա մեջ ուժեղացավ քննադատութեան ոգին դեպի ցարական Ռուսաստանը: Իսկ համիդյան սանձազերծ ջարդերն ու կոտորածները նրան համոզեցին, որ հայ ժողովուրդը ոչ միայն թուրքական լաթաղանի, այլև մեծ տերութիւնների դիվանագիտական դավերի դոհն է: Ատելութեամբ լցված եվրոպական տերութիւնների հանդեպ, նա տեսավ թե ինչպէս նրանց կաշառված ներկայացուցիչները իրենց գրիչը վաճառում են սուլթանի ոսկիներին և «...ստրկաբար խունկ են ծխում բաշխուղուկների «մեծահոգութեան», որովհետև նրանք հաղարավոր գոհերի գլուխը միանգամից շին թոցնում, այլ մի քանի անգամից»²:

Շահագիղը անարգանքի սյունին դամեց Եվ-

¹ Սմբ. Շահագիղ, Հրապարակ խոստ ձայն, էջ 333—334:

² Սմբ. Շահագիղ, Մի քանի խոսք իմ ընթերցողներին,

բոսպալի «խայտառակ դիպլոմատիան», ցույց տվեց, որ Եվրոպայի «մարդասիրությունը», «քաղաքակրթությունը» սոսկ դատարկ հնչյուններ են:

«Հայության շունչը սպառում է յուր ազնիվ և գլուցազնական կրթի մեջ և Եվրոպան խաղ է անում, մի անարգ և բարբարոսական կոմեդիա. տասնիններորդ դարի էջերը կմնան սևացած պատմության մեջ և կարճանադրեն խայտառակ դիպլոմատիայի հնարագիտությունները: Եվրոպայի մարդասիրությունը, Եվրոպայի պրոգրեսը, ոչ այլ ինչ է, քան թե մի ամբողջ շարք վայրենի կրքեր և անառակություն: Թճեմ այդ ցիլիլիզացիայի կրեսին, որ ներկայացնում է մի կատարյալ մտավորական սիֆիլիզացիա: Տես՝ ի՛նչ գիրք է բռնել այն ճղճղան ֆրանսիան, որ մեզ ուսուցանում էր եղբայրուբյուն և հավասարուբյուն, այժմ ինքը փոխվել է ստրուկ և ծառա և պապանձել է լեզվով, որ մի ժպիտ անգամ չհանե այն անմեղ զոհերի համար, որոնք պաշտպան են հանդիսանում նրա դավանած սկզբունքների համար: Գրիչս հրաժարվում է շարունակել այս անտանելի պատմությունը: Բայց այնուամենայնիվ ավելի պիտի հուսալ, քան վհատիլ»¹:

Հայրենասեր բանաստեղծը ծանր ապրելով իր ժողովրդի սղբերգությունը, չհուսալքվեց, այլ գտավ, որ «ավելի պիտի հուսալ, քան վհատիլ»:

¹ Եր. Շահագիր, Մաբաա Շահագիրի կենսագրությունը, 1944, էջ 94:

Հայ ժողովրդի թե՛ անցյալի և թե՛ ժամանակակից քաղաքական գիրքերի գնահատմանը նվիրված Շահազիզի երկերը լուսաբանում են նրա աշխարհայացքը: Վերջինս, ինչպես տեսանք, թեև զարգացել է որոշ հակասություններով, բայց «Էկոնի վշտի» հեղինակի համար գերակշռողը և հատկանշականը եղել է դեմոկրատիզմը:

* *
* *

Շահազիզը հայ գրականության պատմության մեջ ունի յուր մնայուն, ասանձնահատուկ տեղը: Նա գրական ասպարեզ մուտք գործեց, կրք XIX դարի հայ պոեզիան գեռես ձևավորված չէր, նոր էր միայն սկզբնավորվում: Շահազիզը հանդիսացավ այդ պոեզիայի ու աշխարհաբարի հաղթանակի համար պայքարող առաջին երգիչներից մեկը:

Շահազիզն իր ողջ ուժերը, ստեղծագործական կարողությունները ի սպաս դրեց հայ լեզվի և գրականության զարգացմանը, հայ մանուկների դաստիարակությանը: Նա պայքարել է ազգային հպարտության և արժանապատվության համար ո՛չ միայն գեղարվեստական, հրապարակախոսական երկերով, այլ ամենուրեք՝ հասարակական վայրերում, թե ընկերական շրջաններում, մինչև իսկ մասնավոր թղթակցությունների մեջ:

«Ո՞վ է հետաքրքրվում հայ հեղինակի գործով,—գրում է Շահազիզը. — հայերս մի վայրենի

հասկացողութիւնն ունենք հայերեն գրքերի և հարազատ լեզվի մասին: Մենք բոլոր ժամանակը օտար լեզուներով ենք կոտրատում, որովհետև այդ օգտակար է մեզ. և թե երբեմն մի քանի հայերեն խոսքեր ենք արտասանում, այդ միայն նրա համար է, որ լսողին հիշեցնենք, որ մենք էլ հայ ենք ծագումով»¹:

Զնայած վերեւում հիշված հակասութիւններին ու տատանումներին, Շահազիզի քնարից չեն հնչել հալուր պատշաճի ներբողներ կամ սգո մեղեդիներ. «Ես իմ կյանքում մի ապսպրած բան չեմ գրած. հենց որ խնդրում են գրեմ, մեխի պես բանդ է լինում, չգիտեմ ի՛նչ անեմ»²:

Հեռու հայրենիքից, Շահազիզը մամուլի և մասնավոր թղթակցութիւնների միջոցով, կենդանի հետաքրքրութիւնով հետեւում էր հարազատ ժողովրդի հասարակական-քաղաքական կյանքի ընթացքին:

Նույնպիսի հետաքրքրութիւնով նա հետեւել է և հայ գրականութիւնն հետագա զարգացմանը, նրա տկանավոր ներկայացուցիչների գործունեութիւնը: Բանաստեղծը ջերմ համակրանք է տածել դեպի Բաֆֆին, Ա. Աղալանը, իր հայրենակից Պ. Պոռ-

¹ Գրականութիւնն և արվեստի թանգարան, Եր. Շահազիզի ֆոնդ, III բաժ. № 232:

² Նույն տեղում, № 237:

շլանը, Հովհ. Թումանյանը: Բաֆֆու մահվան առ-
թիվ գրել է. «Բաֆֆիի մահը մեծ բարոյական
հարված պատճառեց ինձ որպես նորա վաստակ-
ները սիրողի և նորա վարկը խոստովանողի»¹:

Շահազիզը բարձր է գնահատել Ռ. Պատկա-
նյանի տաղանդը և միշտ բանաստեղծին մեծա-
րոզ հանդեսներին հնարավորութուն չունենալով
անձամբ մասնակցելու, շնորհավորական հեռագրե-
րով արտահայտել է լուր համակրանքը: Նա Պատ-
կանյանի արձանի բացումը համարել է «հայոց
ազգի» «մտավոր հաղթանակ»:

Շահազիզը մեծ հայրենասեր էր և հումա-
նիստ: Հոգով հարուստ, նկարագրով կայուն, անձ-
նուրաց քաղաքացի: Նրա համար չկար ոչինչ
ավելի նվիրական, քան հայրենիքը. «Իմ առաջին
ազգակիցը իմ հայրենիքն է», — այսպես է ասել հե-
ղինակը իր մասին և իսկապես նա իր ողջ կյանքը
ի սպաս է դրել հայրենիքին ու հարազատ ժողո-
վրդին և ծառայել նրանց: Նրա մարդկային նկա-
րագրի, հասարակական պայքարի ամփոփումը
տրված է «Զոհեր» բանաստեղծության մեջ, ուր
հետադարձ հայացք նետելով դեպի անցած ուղին,
բանաստեղծը ցույց է տվել այն սուրբ գործը,
որի հաղթանակի մեջ էր նրա կոչումը:

¹ Գրականության և արվեստի թանգարան, Եր. Շա-
հազիզի ֆոնդ, III բաժին, № 195:

Բայց թող հայկական որդիքն իմանան,
Որ իմ սուգս նոցա վիճակն է եղել.
Որ երբեք վախճուել զինվորի նման
Թշնամուս առջև վահան չեմ ձգել:

Չեմ երկրպագել ես ոսկի հորթին,
Եվ ոչ կուռքերին պաշտել օտարի.
Այլ միշտ հողեօր կարոտ ծարավի,
Տվել եմ արժանն ամեն մի մարդին:

Չեմ տաշել դագաղ, ու մատաղ կյանքի
Կանաչ ծառի պես ծաղկել են հույսեր:
Սրտկել եմ զբանց ջրով կենդանի,
Որ գալոց ազգին լինին պողարեր:

Սմբատ Շահազիզի ստեղծագործական ուղին լուսավորված էր 60-ական թվականների ազատագրական գաղափարներով: Նա պատկանել է լուսավորիչների այն սերնդին, որոնց հասարակական գործունեություն էր ինչպես Լենինին է բնութագրել, «կրքոտ» թշնամություն էր «...դեպի ճորտատիրական իրավունքը և նրա բռնորոտ արտահայտությունները անտեսական, սոցիալական և իրավական բնագավառում»¹, նրանք կողմնակից էին «...լուսավորության, ինքնավարության, ազատության, կյանքի եվրոպական ձևերի...»² և համոզված էին, «...թե ճորտատիրական իրավունքի և նրա մնացորդների վերացումն

¹ Վ. Ի. Լենին, Երկեր, 4-րդ հրատ., հատոր 2, էջ 652:

² Նույն տեղում:

իր հետ ընդհանուր բարեկեցութիւնն կրերի, և
դրան օժանդակելու անկեղծ ցանկութիւննը»¹:

Սմբ. Շահազիզը թե՛ որպէս բանաստեղծ,
թե՛ որպէս հրատարակախօս-մանկավարժ խոշոր
և նշանակալից դեր կատարեց հայ գրականութիւն,
հասարակական մտքի պատմութիւն մեջ: Նա ուղի
հարթեց արեւելահայ պոեզիայի, մասնավորապէս
քնարերգութիւնն հետագա զարգացման համար:

Բանաստեղծական անկեղծ ներշնչմամբ զըր-
ված նրա լավագույն ստեղծագործութիւնները
մինչև օրս պահպանել են իրենց հմայքը:

¹ Վ. Ի. Լեւին, Երկեր, 4-րդ հրատ. հատ. 2, էջ 653:



ԱՆԻՍ ԱՆՐԳՍԻ ՄԱՆՈՒԿՅԱՆ

ՍՄՐԱՆՑ ՇՍ.ԼԱԶԻԶ

Գատ. խմբադիր՝ Ա. Մ. ԻնճիկՅԱՆ
 Հրատ. խմբադիր՝ Ա. Հ. ՇԱՂԳԱՄՅԱՆ
 Եկարչական ձևավորումը՝ Կ. Տ. ՏԻՐԱՏՈՒՐՅԱՆԻ
 Տեխն. խմբադիր՝ Լ. Ա. ԱԶԻԶԲԵԿՅԱՆ
 Վերատուգող սրբագրիչ՝ Օ. Ա. ԱՐՉՈՒՄԱՆՅԱՆ

ՎՅ 05580	Գատվեր 262	Տիրած 3666
	ԽՀՆ 545	Հրատ. 1707

Հանձնված է արտադրության 9/VI 1959 թ.,
 ստորագրված է տպագրության 4/VIII 1959 թ.,
 տպագր. $9\frac{1}{8}$ մամուլ, հրատ. 4,35 մամուլ,
 + 1 ներդիր, թուղթ $70 \times 92\frac{1}{2}$,
 Գինը 2 ս.:

Հայկական ՍՍՌ ԳԱ Հրատարակչության
 տպարան, Երևան, Արտվյան, 124:

ԳԻՆԸ 2 Ռ.

A $\frac{I}{321}$